



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

23 MARTIALIS (M. Va
ad optimos codices recensiti & cast
sm. 8vo. *fine copy in full contemp
backs, gilt lines on sides, gilt leave.*

63i MEDIE
Exercitatio
added Part
Edition, sn
gilt lines

BODLEIAN LIBRARY

The gift of

Miss Emma F. I. Dunston



Digitized by Google
Dunston A 167/1

24. 16/

Colton & Blackwell Co. 26

M. VALERII
MARTIALIS
OPERA.

TOMUS PRIMUS.





C. de Caen jmd.

N. Le Mire sculp

M. VALERII
MARTIALIS

EPIGRAMMATUM .

L I B R I ;

Ad optimos codices recensiti & castigati.

TOMUS PRIMUS.



P A R I S I I S ,

Apud JOSEPH. BARBOU.

M D C C L I V .



LECTORI BENEVOLO, S.

M. Valerius Martialis qualis Poëta , quàm diligens ac ingeniosus Epigrammatum scriptor , indè licet perspicere , quòd à Plinio Secundo non ineptorum illarum æstimatore habitus sit (a) homo acer & acutus , qui non minùs in scribendo salis & fellis haberet , quàm candoris. Et quidem cùm in eo non pauca sint , quæ salvo pudore vir ingenuus legere vix queat ; tùm inter nebulas istas fateare necesse est enicare non rara ingenii summi lumina , plurimaque passim occurrere arguta sanè atque subtilia , in quibus leporis acuminisque non parùm reperias , multùm verò piperatæ facundiæ. Hinc scilicet factum , ut in illo partim explicando , partim illustrando , viri eruditè non pauci certatim insudârint ; undè minùs mirum videri debet , nos in eodem à mendis omnibus expurgando , & debito nitore restituendo , operam posuisse. Quod ut certiùs assequeremur , consulere non piguit Calderinum , Farnabium , Scriverium , Gruterum , Gronovium , aliosque doctissimos hujusce Poëtæ editores , imò nec editos ejusdem

(a) Plin. *Epist.* Lib. III. *Epist.* ult.

codices conferre cum optimis Manuscriptis , uno præcipuè venerandæ antiquitatis Bodleiano , duobus-
que Oxoniensibus , quò nobis per salebras incedenti-
bus ad scopum attingendum tot inter lumina lux
major affulgeret. Quæ quidem nobis utrùm pura
adstiterit ; quid boni hâc nostrâ editione litterariæ
Reipublicæ præstiterimus , tum quoad emendationem
Poëtæ , tum quoad typorum nitorem atque elegan-
tiam , ipse dijudices , Lector benevole. Interim operâ
nostrâ frui memor , & vale.

V I T A

M. VAL. MARTIALIS.

EX PETRO CRINITO.

MArc. Valerius Martialis genere Hispanus fuit, Bilbili natus haud ignobili oppido Celtiberiæ; ut veteres auctores tradunt, & ipse Martialis cum pluribus locis demonstrat, tum maxime his versibus ad Licinianum municipem suum:

*Vir Celtiberis non tucendæ gentibus,
Nostræque laus Hispania,
Videbis altam, Liciniane, Bilbilim,
Equis & armis nobilem.*

Sub primam ætatem profectus est ad urbem Romanam, quò facilius in litterarum studio versari posset, suumque ingenium erudire. Sed cum agendis causis missimè se idoneum videret, omnem operam atque diligentiam retulit ad scribenda Epigrammata: in quibus magnopere excelluit iudicio veterum. Maximè autem valuit in promerendis sibi atque conciliandis hominum studiis: adeò urbanitate & salibus præstitit. Relata sunt à C. Plinio permulta de ingenio & eruditione Val. Martialis; quibus satis colligere possumus, quanti fecerit hunc ipsam Poëtam, quantumque illius versibus oblectari consueverit. Sic enim scribit: *Fuit Martialis ingenio acris, & qui plurimum in scribendo & salis haberet & sellis, nequa*

candoris minus. Itaque minimè mirari oportet, si Ailius verus Imperator (qui Cæsari Hadriano gratissimus fuit) solitus est singulari affectu prosequi lepores atque jocos poëtæ Martialis, suumque Virgilium vocare. Neque dubium est, illum Romæ publicis honoribus ornatum atque honestatum fuisse. Nam equestri dignitate donatus est, & Prætura, & jure trium liberorum: ut ipse de se testatur. Lib. XII. Epigrammaton composuit miro ingenio & singulari urbanitate: quibus adjecit Xenia & Apophoreta libellis duobus absoluta. In his secutus est Marsum poëtam, Pedonem, atque Gerulicum: quorum exemplo seipsum tuetur; ac lascivam verborum licentiam excusat. Valerium quoque Catullum & Licinium Calvum plurimi fecit, quod in hoc scribendi genere insignes habiti sunt. In duodecimo libro, Nervæ atque Trajano Imperatoribus blanditus est, damnatis temporibus Domitiani Cæsaris. Ad eundem refertur Spectaculorum liber, qui extra ordinem aliorum habetur à nostris Grammaticis; ut vetusti codices probant. Inter amicos præcipuè habuit Stellam Patavinum, Decianum, Silium Italicum, Val. Flacum, Parthenium, aliosque complures, ad quos sæpe numero scribit. Stertinius vir clarissimus (quem Martialis mutato nomine Avitum appellat, tantum concessit ipsius ingenio atque doctrinæ, ut viventi adhuc imaginem more veterum in sua bibliotheca posuerit. Postremò cum Martialis foret provectior, tadio rerum urbanarum affectus in patriam rediit, atque in natali solo paulò post interiit, non sine lacrymis ac magno mœrore C. Plinii, ut ingenuè testatur est, scripta epistola ad Cornelium Priscum.





C. VALERII
MARTIALIS
DE
SPECTACULIS
LIBELLUS.

EPIGRAMMA PRIMUM.

In Amphitheatrum Caesaris.



ARBORA Pyramidum fileat miracula
Memphis ;
Assiduus jactet nec Babylona labor ;
Nec Triviae templo molles laudentur
Iones ;

Disimuletque deum cornibus ara frequens ;
Aëre nec vacuo pendentia Mausolea
Laudibus immodicis Cares in astra ferant.

A

Omnis Cæsareo cedat labor Amphitheatro :
Unum præ cunctis fama loquatur opus.

I I.

In opera publica Cæsaris.

Hic ubi sidereus propius videt astra colossus,
Et crescunt media peggmata celsa via;
Invidiosa feri radiabant atria Regis,
Unaque jam tota stabat in urbe domus.
Hic, ubi conspicui venerabilis amphitheatri
Erigitur moles; stagna Neronis erant.
Hic, ubi miramur velocia munera thermas;
Abstulerat miseris tecta superbus ager.
Claudia diffusas ubi porticus explicat umbras,
Ultima pars aulae deficientis erat.
Reddita Roma sibi est; & sunt, te præside, Cæsar,
Deliciae populi, quæ fuerant Domini.

I I. I.

De spectatorum frequentia.

Quæ tam seposita est, quæ gens tam barbara;
Cæsar,
Ex qua spectator non sit in Urbe tua?
Venit ab Orpheo cultor Rhodopeius Hæmo,
Venit & epoto Sarmata pastus equo;
Et qui prima bibit deprensæ flumina Nili,
Et quem supremæ Tethios unda ferit.
Festinauit Arabs, festinare Sabæi,
Et Cilices nimbis hic maduere suis.
Crinibus in nodum tortis venere Sicambri,
Atque aliter tortis crinibus Æthiopes,
Vox diversa sonat: populorum est vox tamen una,
Cum verus patriæ diceris esse pater.

I V.

Ad Cæsarem, de delatoribus.

Turba gravis paci, placidæque inimica quieti,
 Quæ semper miseras sollicitabat opes,
 Tradita Getulis; nec cepit arena nocentes;
 Et delator habet, quod dabat, exsilium.

V.

De iisdem.

Exulat Ausonia profugus delator ab urbe:
 Impensis vitam principis annumeres.

V I.

De Pasiphaës spectaculo.

Junctam Pasiphaën Dictæo credite tauro.
 Vidimus: accepit fabula prisca fidem.
 Nec se miretur, Cæsar, longæva vetustas:
 Quidquid fama canit, donat arena tibi.

V I I.

De faminarum pugna cum bestiis.

Belliger invictis quod Mars tibi sævit in armis;
 Non satis est, Cæsar: sævit & ipsa Venus.

V I I I.

De Eadem.

Prostratum Nemees & vasta in valle leonem,
 Nobile & Herculeum fama canebat opus.
 Prisca fides taceat: nam post tua mûnera, Cæsar,
 Hæc jam formineâ vidimus acta manu.

I X.

De Laureolo.

Qualiter in Scythica religatus rupe Prometheus
 Assiduam vivo viscere pavit avem:
 Nuda Caledonio sic pectora præbuit urso

A ij

Non falsa pendens in cruce Laureolus.
 Vivebant laceri membris stillantibus artus,
 Inque omni nusquam corpore corpus erat,
 Denique supplicium dederat necis ille paternæ,
 Vel domini jugulum foderat ense nocens.
 Tempa vel arcano demens spoliaverat auro;
 Subdiderat sævas vel tibi, Roma, faces.
 Vicerat antiquæ sceleratus crimina famæ,
 In quo, quæ fuerat fabula, pœna fuit.

X.

De Dædalo.

Dædale, Lucano cùm sic lacereris ab urso,
 Quàm cuperes pennas nunc habuisse tuas!

X I.

De rhinocerote,

Pæstitit exhibitus tota tibi, Cæsar, arena,
 Quæ non promisit, prælia rhinoceros.
 O quàm terribileis exarsit pronus in iras!
 Quantus erat cornu, cui pila taurus erat!

X I I,

De leone.

Læserat ingrato leo perfidus ore magistrum,
 Ausus tam notas contemnerare manus:
 Sed dignas tanto persolvit crimine pœnas,
 Et qui non tulerat verbera, tela tulit.
 Quos decet esse hominum tali sub Principe mores,
 Qui jubet ingenium mitius esse feris!

X I I I

De urso.

Præceps sanguinea dum se rotat ursus arena,
 Simplicitam visco perdidit ille fugam.
 Splendida jam lecto cessent venabula ferro;
 Nec volet excussa lancea torta manu.

Deprendat vacuo venator in aëre prædam,
Si captare foras aucupis arte placet.

X I V.

De sue, quæ ex vulnere peperit.

INter Cæsareæ discrimina sæva Dianæ
Fixisset gravidam cum levis hasta suem:
Exsiliit partus miseræ de vulnere matris.
O Lucina feròx, hoc peperisse fuit?
Pluribus illa mori voluisset saucia telis,
Omnibus ut natis triste pateret iter.
Quis negat esse satum materno funere Bacchum?
Sic genitum numen credite: nata fera est.

X V.

De eadem.

ICta gravi telo, confossaque vulnere, mater
Sus pariter vitam perdidit, atque dedit.
O quam certa fuit librato dextera ferro!
Hanc ego Lucinæ credo fuisse manum.
Experta est numen moriens utriusque Dianæ;
Quaque soluta parens, quaque perempta fera est.

X V I.

De eadem.

SUs fera jam gravior maturi pignora ventris
Emisit fortum, vulnere facta parens.
Nec jacuit partus, sed matre cadente cucurrit.
O quantum est subitis casibus ingenium!

X V I I.

De Carpophoro venatore.

SUMma tuæ, Meleagre, fuit quæ gloria famæ,
Quantula Carpophori portio, fusus aper!
Ille & præcipiti venabula condidit urso,
Primus in Arctoi qui fuit axe poli;
Stravit & ignota spectandum mole leonem,

A ii j

6 M. VAL. MARTIALIS
Herculeas potuit qui decuisse manus :
Et volucrem longo porrexit vulnere pardum.
Præmia cum laudis ferret , adhuc poterat.

X V I I I.

De Hercule insidente Tauro ad Cæsum raptō.

R Aptus abit media quòd ad æthera taurus arena ;
Non fuit hoc artis , sed pietatis opus.
Vexerat Europen fraterna per æquora taurus ;
At nunc Alciden taurus in astra tulit.
Cæsaris atque Jovis confer nunc , Roma , juvencos :
Par onus ut tulerint , altiùs iste tulit.

X I X.

De elephante.

Q Uòd pius & supplex elephas te , Cæsar , adorat :
Hic modò qui tauro tam metuendus erat :
Non facit hoc iussus , nulloque docente magistro :
Crede mihi , numen sentit & ille tuum.

X X.

De tigride & leone.

L Ambere securi dextram consueta magistri
Tigris , ab Hyrcano gloria rara jugo ,
Sæva ferum rabido laceravit dente leonem :
Res nova , non ullis cognita temporibus.
Ausa est tale nihil , filvis dùm vixit in altis ;
Postquam inter nos est , plus feritatis habet.

X X I.

De tauro & elephante.

Q U i modò per totam , flammis stimulatus , arenam
Sustulerat raptas taurus in astra pilas ;
Occubuit tandem cornuto ardore petitus ,
Dum facilem tolli sic elephanta putat.

XXII.

De Myrino & Triumpho, gladiatoribus.

Dum peteret pars hæc Myrinum, pars illa
 Triumphum,
 Promisit pariter Cæsar utraque manu.
 Non potuit melius litem finire jocosam.
 O dulce invicti Principis ingenium!

XXIII.

De Orpheo.

Quidquid in Orpheo Rhodope spectasse theatro
 Dicitur; exhibuit, Cæsar, arena tibi.
 Repserunt scopuli, mirandaque silva cucurrit,
 Quale fuisse nemus creditur Mæseridum.
 Adfuit immixtum pecudum genus omne ferarum,
 Et supra vatem multa pependit avis.
 Ipse sed ingrato jacuit laceratus ab urso.
 Hæc tamen ut res est facta, ita ficta alia.

XXIV.

De rhinocerote.

Sollicitant pavidum rhinocerosa magistri,
 Seque diu magnæ colligit ira feræ;
 Desperabantur promissi prælia Martis:
 Sed tamen is rediit cognitus ante furor.
 Namque gravem gemino cornu sic extulit urum,
 Jactat ut impositas Taurus in astra pilas.

XXV.

De Carpophoro venatore.

Dorica quam cæco venabula dirigit ista
 Fortis adhuc teneri dextera Carpophori!
 Ille tulit geminos facili cervice juvencos;
 Illi cessit atrox bubalus atque bison.
 Hunc leo cum fugeret, præceps in tela cucurrit.
 I nunc, & lentas corripe, turba, moras.

A iv

XXVI.

De Naumachia.

SI quis ades longis serus spectator ab oris,
 Cui lux prima sacri muneris ista fuit:
 Ne te decipiat ratibus navalis Enyo,
 Et par unda fretis: hic modo terra fuit.
 Non credis? spectes, dum laxent æquora Martem:
 Parva mora est; dices: hic modò pontus erat.

XXVII.

De Leandro naumachiario.

QUOD nocturna tibi, Leandre, pepercerit unda,
 Desine mirari: Cæsaris unda fuit.

XXVIII.

Leandri votum.

CUM peteret dulces audax Leandrus amores,
 Et fessus tumidis jam premeretur aquis;
 Sic miser instantes affatus dicitur undas:
 Parcite, dum propero; mergite, dum redeo.

XXIX.

De natatoribus.

LUSIT Nereidum docilis chorus æquore toto,
 Et vario faciles ordine pinxit aquas.
 Fuscina dente minax, nexu fuit anchora curvo:
 Credidimus remum, credidimusque ratem;
 Et gratum nautis sidus fulgere Lacenum,
 Laraque perspicuo vela tumere sinu.
 Quis tantas liquidis artes invenit in undis?
 Aut docuit lusus hos Thetis, aut didicit?

XXX.

De Carpophoro venatore.

SECULA Carpophorum, Cæsar, si prisca tulissent,
 Jam nullum in monstris orbe fuisset opus.

Non Marathon taurum , Nemee frondosa leonem ,
 Arcas Mænalium non timuisset aprum.
 Hæc armata manus Hydræ mors una fuisset ;
 Huic percussa foret tota Chimæra semel.
 Ignipedes posset sine Colchide vincere tauros ,
 Solvere & Hesionem solus , & Andromeden.
 Herculeæ laudis numeretur gloria : plus est ,
 Bis denas pariter perdomuisse feras.

X X X I.

De Naumachia.

Augusti laudes fuerant , committere classes ,
 Et freta navali sollicitare tuba.
 Cæsaris hæc nostri pars est quota ? vidit in undis
 • Et Thetis ignotas , & Galatæa feras :
 Vidit in æquoreo ferventes pulvere currus ,
 Et domini Triton ipse putavit equos.
 Dumque parat sævis ratibus fera prælia Nereus ,
 Abnuat in liquidis ire pedestes aquis.
 Quidquid & in Circo spectatur , & Amphitheatro ,
 Dives Cæsarea præstitit unda tibi.
 Fucinus , & pigri taceantur stagna Neronis :
 Hanc norint unam secula Naumachiam.

X X X I I.

De Prisco & Vero , gladiatoribus.

Cum traheret Priscus , traheret certamina Verus ,
 Effet & æqualis Mars utriusque diu :
 Missio sæpe viris magno clamore petita est ;
 Sed Cæsar legi paruit ipse suæ.
 Lex erat , ad digitum posita concurrere palma ;
 Quod licuit , lances , donaque sæpe dedit.
 Inventus tamen est finis discriminis æqui ;
 Pugnavere pares : succubuerunt pares.
 Misit utrique rudes , & palmas Cæsar utrique :
 Hoc pretium virtus ingeniosa tulit.

Contigit hoc nullo nisi te sub principe, Cæsar ;
Cum duo pugnarent, victor uterque fuit.

X X X I I.

De dama & canibus.

Concita veloces fugeret cum dama molossos ,
Et varia obliquas nederet arte moras ;
Cæsar ante pedes supplex, similisque roganti
Constitit ; & prædam non tetigere canes.

X X X I V.

Fragmentum.

* * * *

Hæc intellecto principe dona tulit.
Numen habet Cæsar, sacra est vis, sacra
potestas.

Credite : mentiri non didicere feræ.

X X X V.

Aliud.

Edere majori, virtutis fama secunda est.
Illa gravis palma est, quam minor hostis habet.

X X X V I.

Aliud, ad Cæsarem.

DA veniam subitis : non displicuisse meretur ,
Festinat, Cæsar, qui placuisse tibi.

Aliud, apud antiquum Juvenalis scholiastem.

FLavia gens, quantum tibi tertius abstulit hæres ?
Pæne fuit tanti, non habuisse duos.



M. VAL. MARTIALIS EPIGRAMMATUM

LIBER PRIMUS.

AD LECTOREM EPISTOLA.

SPERO me secutum in libellis meis tale temperamentum, ut de illis queri non possit, quisquis de se bene senserit, cum salva infimarum quoque personarum reverentia ludant; quæ aded antiquis auctoribus defuit, ut nominibus non tantum veris abusi sint, sed & magnis. Mihi fama vilis constet, & probetur in me nunc novissimum ingenium. Absit à jocorum nostrorum simplicitate malignus interpretes, nec epigrammata mea scribat. Improbè facit, qui in alieno libro ingeniosus est. Lascivam verborum licentiam, id est, Epigrammaton linguam excusarem, si meum esset exemplum: sic scribit Catullus, sic Marfus, sic Peto, sic Gætulicus, sic quicumque prælegitur. Si quis tamen tam ambitiosè tristis est, ut apud illum in nulla pagina Latinè loqui fas sit; potest Epistola, vel potius Titulo contentus esse. Epigrammata illis scribuntur, qui solent spectare Florales. Non intret Cato theatrum nostrum; aut si intraverit, spectet. Videor mihi meo jure facturus, si Epistolam versibus clausero.

EPIGRAMMA PRIMUM.

Ad Catonem.

NOffes jocosæ dulce cum sacrum Floræ,
Festosque lusus, & licentiam vulgi,
Cur in theatrum, Cato severe, venisti?
An ided tantum veneras, ut exires?

Ad Lectorem.

Hic est, quem legis, ille, quem requiris,
 Toto notus in orbe Martialis
 Argutis Epigrammatôn libellis:
 Cui, Lector studiose, quod dedisti
 Viventi decus, atque sentienti,
 Rari post cineres habent Poëtæ.

I I I.

Ubi libri venales.

Qui tecum cupis esse meos ubicunque libellos,
 Et comites longæ quæris habere viæ;
 Hos eme, quos arctat brevibus membrana tabellis:
 Scrinia da magnis; me manus una capit.
 Ne tamen ignores ubi sim venalis, & erres
 Urbe vagus tota: me duce certus eris.
 Libertum docti Lucensis quære Secundi,
 Limina post Pacis, Palladiumque forum.

I V.

Ad librum suum.

Argiletanas mavis habitare tabernas,
 Cum tibi, parve liber, Scrinia nostra vacant.
 Nescis, heu, nescis dominiæ fastidia Romæ:
 Crede mihi, nimium Martia turba sapit.
 Majores nusquam ronchi: juvenesque, senesque,
 Et pueri nasum rhinocerotis habent.
 Audieris cum grande sophos, dum basia jactas,
 Ibis ab excusso missus in astra sago.
 Sed tu, ne toties domini patiare lituras,
 Neve notet lusus tristis arundo tuos;
 Ætherias, lascive, cupis volitare per auras.
 I, fuge; sed poteras tutior esse domi.

Ad Cæsarem.

Contigeris nostros, Cæsar, si fortè libellos,
Terrarum dominum pone supercilium.
Consuevere jocos vestri quoque ferre triumph;
Materiam dictis nec pudet esse ducem.
Qua Thymelen spectas, derisoremque Latinum,
Illa fronte, precor, carmina nostra legas.
Innocuos censura potest permittere lusus:
Lasciva est nobis pagina, vita proba est.

V I.

Sub Personam Cæsaris, ad Poëtam.

Do tibi Naumachiam, tu das Epigrammata nobis
Vis puto cum libro, Marce, natare tuo,

V I I.

De leonum & leporum spectaculo.

Ætherias aquila puerum portante per auras,
Illæsum timidis unguibus hæsit onus:
Nunc sua Cæsareos exorat præda leones,
Tutus & ingenti ludit in ore lepus.
Quæ majora putas miracula? summus utrisque
Auctor adest: hæc sunt Cæsaris, illa Jovis.

V I I I.

Ad Maximum, de columba Stella.

Stellæ delictum mei columba,
Verona licet audiente dicam,
Vicit, Maxime, passerem Catulli.
Tanto Stella meus tuo Catullo,
Quanto passere major est columba.

I X.

Ad Decianum.

Quod magni Thraseæ, consummatique Catonis
Dogmata sic sequeris, salvus ut esse velis;
Pectore nec nudo strictos incurris in enses:
Quod fecisse velim te, Deciane, facis.
Nolo virum, facili redimit qui sanguine famam:
Hunc volo, laudari qui sine morte potest.

X.

In Cottam.

Bellus homo & magnus vis idem, Cotta, videri
Sed qui bellus homo est, Cotta, pusillus
homo est.

X I.

De Gemello & Maronilla.

Petit Gemellus nuptias Maronillæ,
Et cupit, & instat, & precatur, & donat.
Adeone pulcra est? immò fœdus nil est.
Quid ergo in illa appetitur & placet? tussis.

X I I.

In Sextilianum.

Cum data sint equiti bis quina numismata, quare
Bis decies solus, Sextiliane, bibis?
Jam defecisset portantes calda ministros,
Si non potares, Sextiliane, merum.

X I I I.

De Regulo.

Iter ad Herculei gelidas qua Tiburis arces,
Ganaque sulphureis Albula fumar aquis;
Rura, nemusque sacrum, dilecta que jugera Musis
Signat vicina quartus ab urbe lapis:
Hic rudis æstivas præstabat porticus umbras,

Heu quam pœnè novum porticus ausa nefas!
 Nam subitò collapsa ruit, cùm mole sub illa
 Gestatus bijugis Regulus esset equis.
 Nimirum timuit nostras Fortuna querelas,
 Quæ par tam magnæ non erat invidiæ.
 Nunc & damna juvant: sunt ipsa pericula tanti:
 Stantia non poterant recta probare deos.

X I V.

De Arria uxore Pati.

Casta suo gladium cùm traderet Arria Pato;
 Quem de visceribus traxerat ipsa suis:
 Si qua fides, vulnus, quod feci, non dolet, inquit;
 Sed quod tu facies, hoc mihi, Pate, dolet.

X V.

Ad Cæsarem.

Delicias, Cæsar, lususque, jocosque leonum
 Vidimus: hoc etiam præstat arena tibi:
 Cùm pressus blando toties à dente rediret,
 Et per aperta vagus curreret ora lepus,
 Unde potest avidus captæ leo parcere prædæ?
 Sed tamen esse tuus dicitur ergo potest.

X V I.

Ad Iulium.

O Mihi post nullos Juli memorande sodales,
 Si quid longa fides, canaque jura valent:
 Bis jam pœnè tibi consul trigessimus instat,
 Et numerat paucos vix tua vita dies.
 Non bene distuleris, videas quæ posse negari;
 Et solum hoc ducas, quod fuit, esse tuum.
 Expectant curæque catenatique labores,
 Gaudia non remanent, sed fugitiva volant.
 Hæc utraque manu, complexuque asserere toto:
 Sæpe fluunt imo sic quoque lapsa sinu.

Non est, crede mihi, sapientis dicere, vivam :
Sera nimis vita est crastina ; vive hodie.

X V I I.

Ad Avitum.

Sunt bona, sunt quædam mediocria, sunt mala plura,
Quæ legis hic : aliter non fit, Avite, liber.

X V I I I.

In Titum.

Cogit me Titus agitare causas,
Et dicit mihi sæpe, magna res est :
Res magna est, Tite, quam facit colonus.

X I X.

Ad Tuccam.

Quid te, Tucca, juvat vetulo miscere Falerno
In Vaticanis condita musta cadis ?
Quid tantum fecere boni tibi pessima vina ?
Aut quid fecerunt optima vina mali ?
De nobis facile est : scelus est jugulare Falernum,
Et dare Campano toxica sæva mero.
Convivæ meruere tui fortasse perire :
Amphora non meruit tam pretiosa mori.

X X.

Ad Æliam.

Si memini, fuerant tibi quatuor, Ælia, dentes :
Expuit una duos tussis, & una duos.
Jam secuta potes totis tussire diebus ;
Nil istic, quod agat, tertia tussis habet.

X X I.

Ad Cecilianum.

Dic mihi, quis furor est ? turba spectante vocatâ,
Solutus boletos, Cecilianæ, voras.

Quid

Quid dignum tanto ventrique gulæque precabor?
Boletum, qualem Claudius edit, edas.

X X I I.

De Mucio Scaevola.

CUm peteret regem decepta satellite dextra,
Ingressit sacris se peritura focis.
Sed tam sæva pius miracula non tulit hostis,
Et raptum flammis iussit abire virum.
Urere quam potuit contempto Murcius igne,
Hanc spectare manum Porfena non potuit.
Major deceptæ fama est & gloria dextræ.
Si non errasset, fecerat illa minus.

X X I I I.

De leonum & leporum spectaculo.

Quid nunc sæva fugis placidi lepus ora leonis?
Frangere tam parvas non didicere feras.
Servantur magnis isti cervicibus ungues,
Nec gaudet tenui sanguine tanta sitis.
Præda canum lepus est, vastos non implet hiatus:
Non timeat Dacus Cæsaris arma puer.

X X I V.

Ad Cottam.

INvitas nullum, nisi cum quo, Cotta, lavaris,
Et dant convivam balnea sola tibi.
Mirabar, quare nunquam me, Cotta, vocasses:
Jam scio me nudum displicuisse tibi.

X X V.

Ad Decianum.

ADspicis in comitis illum, Deciane, capillis,
Cujus & ipse times triste supercilium,
Qui loquitur Curios, assertoresque Camillos,
Nolito fronti credere, nupsit heri.

B

XXVI.

Ad Faustinum.

E De tuos tandem populo, Faustine, libellos,
 Et cultum docto pectore profer opus:
 Quod nec Cecropiæ damnent Pandionis arces,
 Nec fileant nostri, prætereantque senes.
 Ante fores stantem dubitasne admittere famam?
 Teque piget curæ præmia ferre tuæ?
 Post te victuræ per te quoque vivere chartæ
 Incipiant: cineri gloria sera venit.

XXVII.

In Sextilianum.

S Extiliane, bibis quantum subsellia quinque
 Solus; aqua toties ebrius esse potes.
 Nec confessorum vicina munismata tantum,
 Æra sed à cuneis ulteriora petis.
 Non hæc Pelignis agitur vindemia prælis,
 Uva nec in Tuscis nascitur ista jugis.
 Testa sed antiqui felix siccatur Opimi,
 Egerit & nigros Massica cella cados.
 ▲ caupone tibi sex Laetana petatur,
 Si plus quam decies, Sextiliane, bibis.

XXVIII.

Ad Procillum.

H Esterna tibi nocte dixeramus,
 Quincunces, puto, post decem peractos,
 Cœnare hodie, Procille, mecum.
 Tu factam tibi rem statim putasti,
 Et non sobria verba subnotasti;
 Exemplo nimium periculoso:
 Μὴδ' ὑμῶν οὐκ ὀφείλουσιν, Procille.

X X I X.

De Acerra.

Hesterno fortare mero qui credit Acerram,
Fallitur : in lucem semper Acerra bibit.

X X X.

Ad Fidentinum plagiarium.

Fama refert nostros te, Fidentine, libellos
Non aliter populo quam recitare tuos.
Si mea vis dici ; gratis tibi carmina mittam :
Si dici tua vis ; hæc eme, ne mea sint.

X X X I.

In Diaulum.

Chirugus fuerat, nunc est vespillo Diaulus :
Cæpit quo poterat clinicus esse modo.

X X X I I.

De Encolpo.

Hos tibi, Phœbe, vover totos à vertice crines
Encolpus, domini Centurionis amor.
Grata Pudens meriti tulerit cum præmia pili,
Quam primum longas, Phœbe, recide comas.
Dum nulla teneri sordent lanugine vultus,
Dumque decent fuscæ lactea colla comæ :
Utque tuis longum dominusque, puerque fruatur
Muneribus, consum fac citò, serò virum.

X X X I I I.

Ad Sabidinum.

Non amo te, Sabidi, nec possum dicere quare ;
Hoc tantum possum dicere, non amo te.

B ij

XXXIV.

De Gellia.

A Missum non flet, cum sola est, Gellia patrem:
 Si quis adest, iussæ profiliunt lacrymæ.
 Non luget, quisquis laudari, Gellia, querit:
 Ille dolet verè, qui sine teste dolet.

XXXV.

In Lesbiam.

I Ncustoditis, & apertis, Lesbia, semper
 Liminibus peccas, nec tua furta tegis,
 Et plus spectator, quàm te delectat adulter;
 Nec sunt grata tibi gaudia, si qua latent.
 At meretrix abigit testem veloque, serâque
 Raraque Summœni fornice rima patet.
 Chione saktẽ, vel ab Helide discẽ pudorem:
 Abscondunt spurcas & monumenta lûpas.
 Numquid dura tibi nimium censura videtur?
 Deprendi veto te, Lesbia, non futui.

XXXVI.

Ad Cornelium.

V ersus scribere me parum severos,
 Nec quos prælegat in scola magister,
 Corneli, queresis: sed hi libelli,
 Tanquam conjugibus suis mariti,
 Non possunt sine mentula placere.
 Quid si me jubeas Thalassionem
 Verbis dicere non Thalassionis?
 Quis Floralia vestit, & stolatum
 Permittit meretricibus pudorem?
 Lex hæc, carminibus data est jocosis,
 Nec possunt, nisi pruriant, juvare.
 Quare deposita severitate,
 Parcas, lûbus, & jociis, rogamus;

Nec castrare velis meos libellos,
Gallo turpius est nihil Priapo.

X X X V I I.

Ad Lucanum & Tullum fratres.

SI, Lucane, tibi, vel si tibi, Tulle, darentur,
Qualia Lædei fata Lacones habent:
Nobilis hæc esset pietatis rixa duobus,
Quòd pro fratre mori vellet uterque prior.
Diceret infernas & qui prior ìsset ad umbras:
Vive tuo, frater, tempore, vive meo.

X X X V I I I.

Ad Bassam.

VEntris onus misero, nec te pudet, excipis auro,
Bassa; bibis vitro; carius ergo cacas.

X X X I X.

In Fidentinum plagiarium.

Quem recitas, meus est, ô Fidentine, libellus:
Sed male cum recitas, incipit esse tuus.

X L.

Ad Decianum.

SI quis erit raros inter numerandus amicos,
Quales prisca fides, famaue novit anus;
Si quis Cecropiæ madidus, Latineque Minervæ
Artibus, & vera simplicitate bonus:
Si quis erit recti custos, imitator honesti;
Et nihil arcano qui roget ore deos;
Si quis erit magnæ subnixus robore mentis;
Dispeream, si non hic Decianus erit.

X L I.

Ad Lividum.

Qui ducis vultus, & non legis ista libenter;
Omnibus inideas, Livide; nemo tibi.

XLII.

In Cæcilium.

URbanus tibi, Cæcili, videris;
 Non es, crede mihi: quid ergo? verna es.
 Hoc quod Transiberinus ambulator,
 Qui pallentia sulfurata fractis
 Permutat vitreis: quod otiosæ
 Vendit qui madidum cicer coronæ:
 Quod cultos, dominusque viperarum:
 Quod viles pueri salariorum:
 Quod fumantia qui tomacula raucus
 Circumfert tepidis cocus popinis:
 Quod non optimus Urbicus Poëta:
 Quod de Gadibus improbis magister:
 Quod bucca est vetuli loquax cinædi.
 Quare desine jam tibi videri,
 Quod soli tibi, Cæcili, videris;
 Qui Galbam salibus tuis, & ipsum
 Possis vincere Sestium Caballum.
 Non cuicumque datum est habere nasum
 Ludit qui stolidi procacitate,
 Non est Sestius ille, sed caballus.

XLIII.

De Porcia uxore Bruti.

Conjugis audisset fatum cum Porcia Bruti,
 Et subtrahita sibi quæreret arma dolor:
 Nondum sciris, ait, mortem non posse negari?
 Credideram satis hoc vos docuisse patrem.
 Dixit, & ardentes avido bibit ore favillas:
 I nunc, & ferrum, turba molesta, nega.

XLIV.

In Mancinum.

Bis tibi triceni fuimus, Mancine, vocati,
 Et positum est nobis nil here præter aprum,

Non quæ de tardis servantur vitibus uvæ ;
 Dulcibus aut certant quæ melimela favis ;
 Non pira quæ lenta pendent religata genista ;
 Aut imitata breves Punica mala rosas.
 Rustica lactantes nec misit fiscina metas ;
 Nec de Picens venit oliva cadis.
 Nudus aper ; sed & hic minimus , qualisque necari
 A non armato pumilione potest.
 Et nihil inde datum est : tantum spectavimus omnes.
 Ponere aprum nobis sic & arena solet.
 Ponatur tibi nullus aper post talia facta :
 Sed tu ponaris , cui Charidemus , apro.

X L V.

Ad Stellam.

Lascivos leporum cursus , lususque leonum ,
 Quod major nobis charta minorque gerit ;
 Et bis idem facimus , nimium si , Stella , videtur
 Hoc tibi : bis leporem tu quoque pone mihi.

X L V I.

De libro suo.

Edita ne brevibus pereat mihi charta libellis
 Dicatur potius τὸν δὲ ἀναμύθητον.

X L V I I.

Ad Hedylam.

Cum dicis propero , fac sic facis , Hedyla languet.
 Protinus , & cessat debilitata Venus.
 Expectare jube ; velocius ibo retentus.
 Hedyla , si properas , dic mihi , ne properem.

X L V I I I.

De Dianæ.

Nuper erat medicus , nunc est vespillo Dianus ;
 Quod vespillo facit , fecerat & medicus.

De leonum & leporum spectacula.

Ristibus his tauros non eripuerunt magistri,
 Per quos præda fugax itque reditque lepus;
 Quoque magis mirum, velocior exit ab hoste,
 Nec nihil à tantâ nobilitate refert.
 Tutior in sola non est cum currit arena,
 Nec cavere tanta conditur ille fide.
 Si vitare canum morsus, lepus improbe, quaeris,
 Ad quæ confugas ora leonis habes.

L.

Ad Licinianum.

Vir Celtiberis non tacende gentibus,
 Nostræque laus Hispaniæ,
 Videbis altam, Liciniane, Bilbilim,
 Equis & armis nobilem,
 Sterilemque Calvum nivibus, & fractis sacrum
 Vadaveronem montibus,
 Et delicati dulce Boterdi nemus,
 Pomona quod felix amat.
 Tepidi natabis lene Congedi vadum,
 Mollesque nympharum lacus;
 Quibus remissum corpus adstringas brevi.
 Salone, qui ferrum gelat.
 Præstabit illic ipsa figendas prope
 Vobisca prandenti feras.
 Æstus serenos aureo franges Tago,
 Obscurus umbris arborum.
 Avidam rigens Dercenna placabit sitim,
 Et Nutha quæ vincit nives.
 At cum December canus, & Bruma impotens
 Aquilone rauco mugiet;
 Aprica repetes Tarraconis littora,
 Tuamque Laletaniam.
 Ibi illigatas mollibus damas plagis

Ma stabis,

Maestabis, & vernas apros,
 Leporemque forti callidum rumpens equo,
 Cervos relinques villico.
 Vicina in ipsum silva descendet focum
 Infante cinctum sordido.
 Vocabitur venator, & veniet tibi
 Conviva clamatus propè.
 Lunata nusquam pellis, & nusquam toga,
 Olidaeque vestes murice:
 Procul horridus Liburnus, & querulus cliens;
 Imperia viduarum procul,
 Non rumpet altum pallidus somnum reus;
 Sed manè totum dormies;
 Mercetur alius grande & insanum sopnos:
 Miserere tu feliciū;
 Veroque frui non superbus gaudio,
 Dum Sura laudatur tuus.
 Non impudenter vita, quod reliquum est, petit,
 Cum fama, quod satis est, habet.

L I.

In Æmilianum.

SI tibi Misyllus cocus, Æmiliane, vocatur;
 Dicetur quare non Taratalla mihi;

L I I.

De leonum & leporum spectaculo.

Non facit ad sævos cervix nisi prima leones,
 Quid fugis hos dentes ambitiose lepus?
 Scilicet à magnis ad te descendere tauris,
 Et, quæ non cernunt, frangere colla velint,
 Desperanda tibi est ingentis gloria fati:
 Non potes hoc tenuis præda sub hoste mori,

L I I I.

Ad Quintianum.

Commando tibi, Quintiane, nostros,
 (Nostros dicere si tamen libellos

C

Possum, quos recitat tuus Poëta :)
 Si de servitio gravi queruntur,
 Assertor venias, satisque præstes;
 Et, cum se dominum vocabit ille,
 Dicas esse meos, manuque missos.
 Hoc si terque quaterque clamitaris;
 Impones plagiaro pudorem.

L I V.

In Fidentinum plagiarium.

UNa est in nostris tua, Fidentine, libellis
 Pagina, sed certa doniini signata figura;
 Quæ tua traducit manifesto carmina furto.
 Sic interpositus vili contaminat unco
 Urbica Lingonicus Tyrianthina bardocuculus;
 Sic Aretinæ violant crystallina testæ:
 Sic niger in ripis errat cum fortè Caystri,
 Inter Ledæos ridetur corvus olores:
 Sic ubi multifona fervet sacer Arthide lucus,
 Improba Cecropias offendit pica querelas.
 Indice non opus est nostris nec vindice libris:
 Stat contrâ, dicitque tibi tua pagina, Fur es.

L V.

Ad Fuscum.

SI quid, Fusce, vacas adhuc amari,
 (Nam sunt hinc tibi, sunt & hinc amici)
 Unum, si superest, locum rogamus.
 Nec me, quod tibi sim novus, recuses;
 Omnes hoc veteres tui fuerunt.
 Tu tantum inspicere, qui novus paratur,
 An possit fieri vetus sodalis.

L V I.

Ad Frontonem.

VOta tui breviter si vis cognoscere Marci,
 Clarum militiæ, Fronte, togæque decus;

Hoc petit : esse sui , nec magni ruris arator ,
 Sordidaque in parvis otia rebus amat.
 Quisquam picta colit Spartani frigora saxi ,
 Et matutinum portat ineptus ave ;
 Cui licet , exuviis nemois rurisque beato ,
 Ante focum plenas explicuisse plagas ?
 Et piscem tremula salientem ducere feta ,
 Flavaque de rubro promigre mella cado ?
 Pinguis inæquales onerat cui villica mensas ,
 Et sua non emtus præparat ova cinis ?
 Non amet hanc vitam , quisquis me non amet , opto :
 Vivat & urbanis albus in officiis.

L V I I.

Ad cauponem.

Continuis vexata mader vindemia nimbis :
 Non potes , ut cuperes , vendere , caupo ,
 merum.

L V I I I.

Ad Flaccum , qualem puellam velit.

Qualem , Flacce , velim quæris , nolimve puellam ?
 Nolo nimis facilem , difficilemque nimis.
 Illud quod medium est , atque inter utrumque
 probamus.

Nec volo quod cruciat : nec volo quod satiat.

L I X.

De pueri pretio.

Millia pro puero centum me mango poposcit :
 Risi ego ; sed Phœbus protinus illa dedit.
 Hoc dolet , & queritur de me mea mentula mecum ;
 Laudaturque meam Phœbus in invidiam.
 Sed sestertium donavit mentula Phœbo
 Bis decies : hoc da tu mihi , pluris emam.

C ij

L X.

Ad Flaccum,

DAc Bajana mihi quadrantes sportula centum ;
 Inter delicias quid facit ista fames ?
 Redde Lupi nobis , tenebrosaque balnea Grylli :
 Tam malè cum cœnem , cur bene , Flacce , labor ?

L X I.

De leonum & leporum spectaculo.

INtres ampla licet torvi lepus ora leonis ,
 Esse tamen vacuo se leo dente putat.
 Quod ruet in tergum , vel quos procumbet in armos ?
 Alta juvencorum vulnera figet ubi ?
 Quid frustra nemorum dominum regemque fatigas ?
 Non nisi delecta pascitur ille fera ,

L X I I.

Ad Licinianum,

VERona doctis syllabas amat Vatis ;
 Marone felix Mantua est :
 Censetur Apona Livio suo tellus ,
 Stellaque nec Flacco minùs :
 Apollodoro plaudit imbrifer Nilus ,
 Nasone Peligni sonant ;
 Duosque Senecas , unicumque Lucanum ,
 Facunda loquitur Corduba ,
 Gaudent jocosæ Canio suo Gades ,
 Emerita Deciano meo :
 Te , Liciniane , gloriabitur nostra ,
 Nec me tacebit Bibilis.

L X I I I.

De Lavina,

CAlba , nec antiquis cedens Lævina Sabinis ,
 Et quamvis tetrico tristior ipsa viro :
 Dum modo Lucrino , modo se permittit Averno ;

Et dum Bajanis sæpe fovetur aquis :
Incidit in flammæ, juvenemque secuta, relicto
Conjuge, Penelope venit, abît Helene.

L X I V.

Ad Celerem.

UT recitem tibi nostra rogas Epigrammata ; nolo :
Non audire, Celer, sed recitare cupis.

L X V.

Ad Fabullam.

Bella es ; novimus : & puella ; verum est :
Et dives ; quis enim potest negare ?
Sed dum te nimium, Fabulla, laudas,
Nec dives, neque bella, nec puella es.

L X V I.

Ad Cæcilianum, de genere & declinatione ficus.

CUm dixi ficus, rides quasi barbara verba,
Et dici ficos, Cæciliæ, jubes.
Dicemus ficus, quas scimus in arbore nasci :
Dicemus ficos, Cæciliæ, tuos.

L X V I I.

Ad plagiarium.

ERras, meorum fur avare librorum,
Fieri poetam posse qui putas tanti,
Scriptura quanti constet, & tomus vilis.
Non sex paratur aut decem sophôs nummis,
Secreta quære carmina, & rudes curas,
Quas novit unus, scrinioque signatas
Custodit ipse virginis pater chartæ ;
Quæ trita duro non inhorruit mento,
Mutare dominum non potest liber notus,
Sed pumicata fronte si quis est nondum,
Ecce umbilicis cultus atque membrana ;
Ecce : tales habeo ; nec sciet quisquam.

C iij

Aliena quisquis recitat, & petit famam;
Non emere librum, sed silentium debet.

L X V I I I.

Ad Charilum.

L Iber homo es nimium, dicis mihi, Chærule,
semper:

In te qui dicit, Chærule, liber homo est.

L X I X.

De Rufo.

Quidquid agit Rufus, nihil est nisi Nævia Rufo:
Si gaudet, si flet, si tacet, hanc loquitur.

Cornat, propinat, pascit, negat, innuit; una est

Nævia: si non sit Nævia, mutus erit.

Scriberet hesternæ patri cum luce salutem,

Nævia lux, inquit, Nævia lumen, ave.

Hæc legit, & ridet demisso Nævia vultu.

Nævia non una est: quid, vir ineptè, furis?

L X X.

Ad Maximum de Canio Rufo.

Cæpit, Maxime, Pana quæ solebat,
Nunc ostendere Canium Tereos.

L X X I.

Librum suum Procullo mittit.

V Ade salutarum pro me, liber: ire juberis
Ad Proculi nitidos, officioste, Lares.

Quæris iter? dicam: vicinum Castoræ canæ

Transibis Vestæ, virginæque domum.

Inde sacro veneranda petes pallatia clivo,

Plurima qua summi fulget imago ducis.

Nec te detineat miri radiata colossi,

Quæ Rhodium moles vincere gaudet opus.

Flecte vias hac, qua madidi sunt testæ Lyæi,
 Et Cybeles picto stat Corybante tholus.
 Protinus à læva clari tibi fronte Penates,
 Atriaque excelsæ sunt adeunda domus.
 Hanc pete; nec metuas fastus, limenque superbum:
 Nulla magis toto janua poste patet;
 Nec propior quam Phœbus amet, doctæque sorores.
 Si dicet: quare non tamen ipse venit?
 Sic licet excuses: Quia qualiacunque leguntur
 Ista, saluator scribere non potuit.

L X X I I.

Ad Somnum.

Nævra sex calathis; septem Justina bibatur;
 Quinque Lycas; Lyde quattuor; Ida tribus.
 Omnis ab infuso numeretur amica Falerno;
 Et quia nulla venit, tu mihi, Somne, veni.

L X X I I I.

In Fidentinum plagiarium.

N Ostris versibus esse te poëtam,
 Fidentine, putas, cupisque credi.
 Sic dentata sibi videtur Ægle,
 Emtis ossibus, Indicoque cornu:
 Sic, quæ nigrior est cadente moro,
 Ceruffata sibi placet Lycoria.
 Hac & tu ratione, qua poëta es,
 Calvus cum fueris, eris comatus.

L X X I V.

Ad Cæcilianum.

N ullus in urbe fuit tota qui tangere vellet
 Uxorem gratis, Cæcilianæ, tuam,
 Dum licuit: sed nunc positis custodibus, ingens
 Turba futurorum est; ingeniosus homo es.

C iv

Mœchus erat; poterās tamen hoc tu, Paulla,
negare:

Ecce, vir est; nunquid, Paulla, negare potes?

Dimidium donare Lino, quā credete totum,
Qui mavult: mavult perdere dimidium.

OMihi curarum pretium non vile mearum,
Flacce Antenorei spes & alumne Laris:

Plerios differ cantasque, chorosque sororum:

Æs dabit ex istis nulla puella tibi.

Quid petis à Phœbo? nummos habet arca Minervæ:

Hæc sapit, hæc omnes fœnerat una deos.

Quid possent hœderæ Bacchi dare? Palladis arbor

Inclinat varias pondere nigra comas.

Præter aquas Helicon, & ferta, lyrasque Dearum

Nil habet, & magnum semper inane, sophos.

Quid tibi cum Cirrha? quid cum Permesside nuda?

Romanum propius, divitiusque forum est.

Illic æra sonant: at circum pulpita nostra,

Et steriles cathedras, basia sola crepant.

Pulchrè valet Charinus, & tamen pallet.

Parcè bibit Charinus, & tamen pallet.

Bene concoquit Charinus, & tamen pallet.

Sole uritur Charinus, & tamen pallet.

Tingit cutem Charinus, & tamen pallet,

Cunnum Charinus lingit, & tamen pallet.

LXXIX.

De Festo.

Indignas premeret pestis cum tabida fauces,
 Inque duos vultus serperet atra lues:
 Siccis ipse genis flentes hortatus amicos,
 Decrevit Stygios Festus adire lacus.
 Nec tamen obscuro pia polluit ora veneno;
 Aut torisit lenta tristitia fata fame.
 Sanctam Romana vitam sed morte peregit,
 Dimisitque animam nobiliore via.
 Hanc mortem fati magni præferre Catonis
 Fama potest: hujus Cæsar amicus erat.

LXXX.

Ad Attalum.

Semper agis causas, & res agis, Attale, semper;
 Est, non est, quod agas, Attale; semper agis.
 Si res, & causæ defunt, agis, Attale, mulas.
 Attale, ne quod agas desit, agas animam.

LXXXI.

Ad Canum.

Sportula, Cane, tibi suprema nocte petita est.
 Occidit, puto, te, Cane, quod una fuit.

LXXXII.

Ad Sosibianum.

Eservo scis te genitum, blandèque fateris,
 Cum dicis dominum, Sosibiane, patrem.

LXXXIII.

De Regulo.

Hæc quæ pulvere dissipata multo
 Longas porticus explicat ruinas,
 En quanto jacet absoluta casu!
 Testis nam modò Regulus sub illis

Gestatus fuerat, recesseratque :
 Victa est pondere cū suo repente ;
 Et postquam domino nihil timebat ,
 Securo ruit incruenta damno.
 Tantæ, Regule, post metum querelæ,
 Quis curam neget esse te deorum ,
 Propter quem fuit innocens ruina ?

L X X X I V.

De Manneja.

OS & labra tibi lingit, Manneja, catellus :
 Non miror, merdas si libet esse cani.

L X X X V.

De Quirinali.

UXorem habendam non putat Quirinalis,
 Cū vult habere filios ; & invenit ,
 Quo possit istud more ; futuit ancillas ;
 Domusque & agros implet equitibus vernis.
 Paterfamilias verus est Quirinablis.

L X X X V I.

De Mario.

Venderet excultos colles cū præco facetus ,
 Atque suburbani jugera pulchra soli :
 Errat, ait, si quis Mario putet esse necesse
 Vendere, nil debet, fornerat immò magis.
 Quæ ratio est igitur ? servos ubi perdidit omnes,
 Et pecus, & fructus, non amet inde locum.
 Quis faceret pretium : nisi qui sua perdere vellet
 Omnia ? Sic Mario noxius hæret ager.

L X X X V I I.

De Novio microphysco.

Vicinus meus est, manuque tangi
 De nostris Novius potest fenestris.
 Quis non invideat mihi, putetque

Horis omnibus esse me beatum,
 Juncto cui liceat frui sodale?
 Tam longè est mihi quàm Terentianus,
 Qui nunc Niliacam regit Syenen.
 Non convivere, nec videre saltem,
 Non audire licet; nec urbe tota
 Quisquam est tam propè, tam proculque nobis,
 Migrandum est mihi longiùs, vel illi.
 Vicinus Novio, vel inquilinus
 Sit, si quis Novium videre non vult.

L X X X V I I I.

Ad Fesceniam.

NE gravis hesterno fragres, Fescennia, vino,
 Pastillos Cosmi luxuriosa voras.
 Ista linunt dentes jentacula: sed nihil obstat,
 Extremo ructus cùm venit à barathro.
 Quid quòd olet graviùs mistum diapaismate virus,
 Atque duplex animæ longiùs exit odor.
 Notas ergo nimis fraudes, deprensæque furtæ
 Jam tollas, & sis ebria simpliciter.

L X X X I X.

Alcimi pueri epitaphium.

ALcime, quem raptum domino crescentibus annis
 Labicana levi cespite velat humus:
 Accipe non Pario nutantia pondera saxo,
 Quæ cineri vanus dat ruitura labor;
 Sed fragiles buxos, & opacas palmitis umbras,
 Quæque vident lacrymis rorscida prata meis.
 Accipe, care puer, nostri monumenta laboris:
 Hic tibi perpetuo tempore vivit honor.
 Cùm mihi supremos Lachesis pervenerit annos;
 Non aliter cineres mando jacere meos.

X C.

In Cinna.

Garris in aures semper omnibus, Cinna;
 Garris & illud; teste quod licet turba.
 Rides in aures, quæreris, arguis, ploras:
 Cantas in aures, judicas, taces, clamas.
 Adeone penitus sedit hic tibi morbus,
 Ut sæpe in aures, Cinna, Cæsarem laudes?

X C I.

Ad Bassam tribadem.

Quod nunquam maribus cinctam te, Bassa,
 videbam,
 Quodque tibi merchum fabula nulla dabat;
 Omne sed officium circa te semper obibat
 Turba tui sexus, non adeunte viro:
 Esse videbaris (fateor) Luctetia nobis;
 At tu (pro facinus!) Bassa, fututor eras.
 Inter se geminos audes committere cunnos;
 Mentiturque virum prodigiosa Venus.
 Commenta es dignum Thebano ænigmate monstrum,
 Hic, ubi vir non est, ut sit adulterium.

X C I I.

Ad Lælium obrectatorem.

Cum tua non edas, carpis mea carmina, Læli:
 Carpere vel noli nostra, vel ede tua.

X C I I I.

Ad Mamurianum.

Sæpe mihi queritur non siccis Cestus ocellis,
 Tangi se digito, Mamuriane, tuo.
 Non opus est digito: totum tibi Ceston habeto,
 Si deest nil aliud, Mamuriane, tibi.
 Sed si nec focus est, nudi nec sponda grabati,
 Nec currus Chiones, Antiopeve calix:

Cerea si pendet lumbis & trita lacerna,
 Dimidiaque nates Gallica palla tegit;
 Pasceris & nigræ solo nidore culinæ,
 Et bibis immundam cum cane pronus aquam:
 Non culum (neque enim est culus, qui non cacat olim,)
 Sed fodiam digito, qui superest, oculum.
 Nec me zelotypum, nec dixeris esse malignum,
 Denique pædica, Mamuriane, fatur.

X C I V.

Aquini & Fabricii tumulus.

Fabricio junctus fido requiescit Aquinus,
 Qui prior Elysias gaudet abisse domos.
 Ara duplex primi testatur munera pili;
 Inscriptum est, titulo quod brevior legis;
 Junctus uterque, sacro laudatæ sordere vitæ,
 Famaque quod raro novit, amicus erat.

X C V,

Ad Æglen fellatricem,

Cantaſti male, dum futura es, Ægle.
 Jam cantas bene: baſianda non es.

X C V I.

Ad Ælium.

Quod clamas ſemper, quod agentibus obſtrepis,
 Æli,
 Non facis hoc grâtiſ: accipis, ut taceas.

X C V I I.

In Maternum.

Si non moleſtum eſt, teque non piget, Scæzon,
 Noſtro (rogamus) pauca verba Materno
 Dicaſ in aurem, ſic, ut audiat ſolus.
 Amator ille triſtium lacernarum;
 Et baticatus atque leucophæatus,
 Qui coccinatos non putat viros eſſe,

Amethystinasque mulierum vocat vestes;
 Nativa laudet, habeat & licet semper
 Fuscis colores, Galbinos habet mores:
 Rogabis, unde suspicer virum mollem?
 Una lavamur, adspicit nihil fursum;
 Sed spectat oculis devorantibus draucos,
 Nec otiosis mentulas videt labris.
 Quæris, quis hic sit? excidit mihi nomen.

X C V I I I.

Ad Nævolum caussidicum.

CUm clamant omnes, loqueris tu, Nævole, tantum,
 Et te patronum, caussidicumque putas:
 Hac ratione potest nemo non esse disertus:
 Ecce, tacent omnes; Nævole, dic aliquid.

X C I X.

In Diodorum, ad Flaccum.

Lirigat, & podagra Diodorus, Flacce, laborat;
 Sed nil patrono porrigit: hæc chiragra est.

C,

Ad Calenum avarum.

Non plenum modò viciis habebas;
 Sed tam prodigus, atque liberalis,
 At tam lautus eras, Calene, ut omnes
 Optarent tibi centies amici.
 Audit vota Deus, precesque nostras;
 Etque intra, puto, septimas Kalendas
 Mortes hoc tibi quatuor dederunt.
 At tu sic quasi non foret relictum,
 Sed raptum tibi centies, abisti
 In tantam miser esuritionem,
 Ut convivia sumptuosiora,
 Toto quæ semel apparas in anno,
 Nigræ sordibus explices monetæ;
 Et septem veteres tui sodales

Constemus tibi plumbea selibra.
 Quid dignum meritis precemur istis?
 Optamus tibi millies, Calene:
 Hoc si contrigerit, fame peribis.

C I.

De Afra vetula.

M Ammas atque tatas habet Afra; sed ipsa tatarum
 Dici & mammarum maxima mamma potest.

C I I.

De Demetrio liberto suo.

I Lla manus quondam studiorum fida meorum,
 Et felix domino, notaque Cæsaribus,
 Destituit primos viridis Demetrius annos:
 Quarta tribus lustris addita messis erat.
 Ne tamen ad Stygias famulus descenderet umbras,
 Ureret implicitum cum scelerata lues,
 Cavimus; & domini jus omne remisimus ægro:
 Munere dignus erat convaluisse meo.
 Sensit deficiens sua præmia, meque patronum.
 Dixit, ad infernas liber iturus aquas.

C I I I.

Ad Lycorim.

Q Ui pinxit Venerem tuam, Lycori,
 Blanditus, puto, pictor est Minervæ,

C I V.

In Scævola.

S I dederint superi decies mihi millia centum,
 Dicebas nondum, Scævola, justus eques:
 Qualiter ô vivam, quam largè, quamque beatè?
 Riserunt, faciles & tribuere dei.
 Sordidior multo post hoc toga; pænula pejor;
 Calceus est sartæ terque quaterque cute;
 Deque decem plures semper servantur olivæ;

Explicat & cœnas unica mensa duas ;
 Et Vejentani bibitur fex crassa rubelli ;
 Assè cicer tepidum constat, & assè Venus.
 In jus, ô fallax atque inficiator, eamus ;
 Aut vive, aut decies, Scævola, redde deis.

C V.

De leonum & leporum spectaculo.

PISTO quòd juga delicata collo
 Pardus sustinet ; improbæque tigres
 Indulgent patientiam flagello ;
 Mordent aurea quòd lupata cervi ;
 Quòd fræno Libyci domantur urfi ;
 Et quantum Calydon tulisse fertur,
 Paret purpureis aper capistris ;
 Turpes esseda quòd trahunt bisonτες ;
 Et molles dare iussa quòd choreas
 Nigro bellua nil negat magistro ;
 Quis spectacula non putet deorum ?
 Hæc transit tamen, ut minora, quisquis
 Venatus humiles videt leonum,
 Quos velox leporum timor fatigat,
 Dimittunt, repetunt, amantque captos ;
 Et securior est in ore præda,
 Laxos cui dare perviosque rictus
 Gaudent, & timidos tenere dentes ;
 Mollem frangere dum pudet rapinam ;
 Stratis cùm modò venerint juvencis,
 Hæc clementia non paratur arte ;
 Sed norunt cui serviant leones.

C V I.

Ad Q. Ovidium.

IN Nomentanis, Ovidi, quod nascitur agris,
 Accepit quoties tempora longa merum ;
 Exiit annosa mores nomenque senecta,
 Et, quidquid voluit, testa vocatur anus,

CVII.

C V I I.

Ad Rufum.

Interponis aquam subinde, Rufo;
 Et, si cogeris à sodale, raram
 Diluti bibis unciam Falerni.
 Numquid pollicita est tibi beatam
 Noctem Nævia, sobriasque mavis
 Certæ nequitias fututionis?
 'uspiras, retices, gemis: negavit.
 Crebros ergo bibas licet trientes,
 Et durum jugules mero dolorem.
 Quid parcis tibi, Rufe? dormiendum est.

C V I I I

Ad Lucium Julium.

Sæpe mihi dicis, Luci carissime Juli,
 Scribe aliquid magnum: desidiosus homo es.
 Otia da nobis; sed qualia fecerat olim
 Mæcenas Flacco, Virgilioque suo.
 Condere victuras tentem per secula chartas,
 Et nomen flammis eripuisse meum.
 In steriles campos nolunt juga ferre iuveni:
 Pingue solum lassat; sed iuvat ipse labor.

C I X.

Ad Gallum.

Est tibi (sitque precor, multos crescatque per
 annos!)
 Pulchra quidem, verum Transiberina domus.
 At mea Vipsanas spectant cornacula laurus:
 Factus in hac ego sum jam regione senex;
 Migrandum est, ut mane domi te, Galle, salutem;
 Et tanti, vel si longius illa foret.
 Sed tibi non multum est, unum si præsto rogatum;
 Multum est, hunc unum si mihi, Galle, nego.

D

Ipse salutabo decima te sapius hora ;
Mane tibi pro me dicet avere liber.

C X.

De Catella Publii.

Issa est passere nequior , Catulli.
Issa est purior osculo columbæ.
Issa est blandior omnibus puellis.
Issa est carior Indicis lapillis.
Issa est deliciæ catella Publii.
Hanc tu , si queritur , loqui putabis.
Sentit tristitiamque , gaudiumque.
Collo nixa cubat , capitque somnos ,
Ut suspiria nulla sentiantur ;
Et desiderio coacta ventris ,
Gutta pallia non fefellit ulla ;
Sed blando pede suscitatur , toroque
Deponi monet , & rogat levare.
Castæ tantus inest pudor catellæ :
Ignorat Venerem ; nec invenimus
Dignum tam tenera virum puella.
Hanc ne lux rapiat suprema totam ,
Picta Publius exprimit tabella :
In qua tam similem videbis Issam ,
Ut sit tam similis sibi nec Issa.
Issam denique pone cum tabella :
Aut utramque putabis esse veram ,
Aut utramque putabis esse pictam.

C X I.

Ad Veloxem.

Scribere me quæreris , Velox , epigrammata longa.
Ipse nihil scribis : tu breviora facis.

C X I I.

Ad Regulum.

Cum tibi sit Sophiæ par fama & cura Deorum ,
Ingenio pietas nec minor ipsa suo.

Ignoret meritis dare munera, qui tibi librum,
Et qui miratur, Regule, thura dari.

CXIII.

In Priscum.

Cum te non nossem, dominum regemque
vocabam:

Cum bene te novi, jam mihi Priscus eris,

CXIV.

Ad Lectorem.

Quæcunque lusi juvenis & puer quondam,
Apinasque nostras, quas nec ipse jam novi;
Male collocare si bonas voles horas,
Et invidetis otio tuo, lector;
A Valeriano Pollio petes Quinto,
Per quem perire non licet meis nugis.

CXV.

Ad Faustinum.

Hos tibi vicinos, Faustine, Telesphorus hortos
Fænius, & breve rus, udaeque prata tenet
Condidit hic natæ cineres, nomenque sacravit,
Quod legis Antullæ, dignior ipse legi,
Et Stygias æquum fuerat pater isset ad umbras;
Quod quia non licuit, vivat, ut ossa colat.

CXVI.

Antullæ Epiraphium.

Hoc nemus æterno cinerum sacravit honori
Fænius, & culti jugera pauca soli.
Hoc tegitur citò rapta suis Antulla sepulchro:
Hoc erit Antullæ mistus uterque parens.
Si cupit hunc aliquis, moneo, ne speret agellum:
Perpetuò dominis serviet iste suis.

D ij

CXVII.

In Procillum.

Quædam me cupit, invidet Procille,
 Loto candidior puella cycno,
 Argento, nive, lilio, ligustro:
 Sed quandam volo nocte nigriorem,
 Formica, pice, graculo, cicada.
 Jam suspendia sæva cogitabas:
 Si novi bene te, Procille, vives.

CXVIII.

In Luperum.

Occurris quoties, Luperce, nobis,
 Vis mittam puerum, subinde dicis,
 Cui trades Epigrammarôn libellum,
 Lectum quem tibi protinus remittam?
 Non est, quod puerum, Luperce, vexes:
 Longum est, si velit ad Pirum venire,
 Et scalis habito tribus, sed altis.
 Quod quæris, propius petas licebit:
 Argi nempe soles subire letum.
 Contra Cæsaris est forum taberna,
 Scriptis postibus hinc & inde totis,
 Omnes ut citò perlegas Poëtas:
 Illinc me pete; nec roges Attrectum,
 (Hoc nomen dominus gerit tabernæ:)
 De primo dabit, alterove nido
 Rasum pumice, purpuraque cultum.
 Denariis tibi quinque Martialem.
 Tanti non es, ais? sapis, Luperce.

CXIX.

Ad Cæcilianum.

Cui legisse satis non est epigrammata centum,
 Nil illi satis est, Cæciliane, mali.

M. VAL. MARTIALIS
EPIGRAMMATUM
LIBER II.

AD DECIANUM EPISTOLA.

QUID nobis, inquis, cum epistola? Parumne tibi præstamus, si legimus epigrammata? Quid hîc porro dicturus es, quod non possis versibus dicere? Video, quare Tragœdi epistolam accipiant, quibus pro se loqui non licet. Epigrammata curione non egent, & contenta sunt sua, id est, mala lingua. In quacunque pagina visum est, epistolam faciunt. Noli, rogo, si tibi videtur, rem facere ridiculam, & in toga saltantem inducere personam. Denique videris, an te delectet contra retiarium ferula. Ego inter illos sedeo, qui protinus reclamant. Puto, me hercule, Deciane, verum dicis. Quid, si scias, cum qua, & quàm longa epistola negotium fueris habiturus? Itaque quod exigis, fiat. Debebunt tibi, si qui in hunc librum inciderint, quod ad primam paginam non lassè pervenient.

EPIGRAMMA PRIMUM.

Ad librum suum.

TEr centena quidem poteras epigrammata ferre;
Sed quis te ferret, perlegeretve, liber?
At nunc succincti quæ sint bona disce libelli:
Hoc primum est, brevior quod mihi charta perit,
Deinde, quod hæc una peragit librarius hora,
Nec tantum nugis serviet iste meis.
Tertia res hæc est, quod si cui forte legeris,
Sis licet usque malus, non odiosus eris.

Te conviva leget misto quincunce ; sed antè

Incipiat positus quàm tepuisse calix.

Esse tibi tanta cautus brevitate videris ?

Hei mihi ! quàm multis sic quoque longus eris !

I I.

Ad Cæsarem Domitianum.

Creta dedit magnum , majus dedit Africa nomen ,

Scipio quod victor , quodque Metellus habet.
Nobilis domito tribuit Germania Rheno ,

Et puer hoc dignus nomine , Cæsar eras.

Frater Idumæos meruit cum patre triumphos :

Quæ datur ex Cattis laurea , tota tua est.

I I I.

Ad Sextum.

Sexte nihil debes ; nil debes Sexte , fatemur :
Debet enim , si quis solvere , Sexte , potest.

I V.

In Ammianum.

O Quàm blandus es , Ammiane , matri !
Quàm blanda est tibi mater , Ammiane !

Eratrem te vocat , & soror vocatur.

Cur vos nomina nequiora tangunt ?

Quare non juvat hoc , quod estis , esse ?

Lusum creditis hoc , jocumque ? non est.

Matrem , quæ cupit esse se sororem ,

Nec matrem juvat esse , nec sororem.

V.

Ad Decianum.

Ne valeam , si non totis , Deciane , diebus ,
Et tecum totis noctibus esse velim.

Sed duo sunt , quæ nos distinguunt , millia passum :

Quattuor hæc sunt , cum rediturus eam.

Sæpe domi non es; cùm sis quoque sæpe, negaris,
 Vel tantùm caussis, vel tibi sæpe vacas.
 Te tamen ut videam, duo millia non piget ire;
 Ut te non videam, quattuor ire piget.

VI.

Ad Severum.

I Nunc, edere me jube libellos:
 Lectis vix tibi paginis duabus:
 Spectas *ἰσχυρίδας*, Severe,
 Et longas trahis oscitationes.
 Hæc sunt, quæ relegente me solebas
 Raptim scribere, sed Vitellianis.
 Hæc sunt singula, quæ sibi ferebas
 Per convivia cuncta, per theatra.
 Hæc sunt, aut meliora, si qua nescis.
 Quid prodest mihi tam macer libellus,
 Nullò crassior ut sit umbilico,
 Si totus triduò tibi legatur?
 Nunquam deliciae supiniore.
 Lassus tam citò deficiis viator;
 Et cum currere debeas Bovillas,
 Interjungere quæris ad Camænas?
 I nunc, edere me jube libellos.

VII.

In Attalum.

D Eclamas bellè, causas agis, Attale, bellè.
 Historias bellas, carmina bella facis.
 Componis bellè mimos, epigrammata bellè:
 Bellus grammaticus, bellus es astrologus.
 Et bellè cantas, & saltas, Attale, bellè.
 Bellus es arte lyrae, bellus es arte pilæ.
 Nil bene cùm facias, facis attamen omnia bellè.
 Vis dicam quid sis? magnus es ardellio.

VIII.

Ad Lectorem.

SI quæ videbuntur chartis tibi, lector, in istis,
 Sive obscura nimis, sive Latina parùm;
 Non meus est error: nocuit librarius illis,
 Dum properat versus annumerare tibi,
 Quòd si non illum, sed me peccasse putabis;
 Tunc ego te credam cordis habere nihil.
 Ista tamen mala sunt: quasi nos manifesta negemus?
 Hæc mala sunt; sed tu non meliora facis.

IX.

De Nævia.

SCripti, rescripti nil Nævia; non dabit ergo.
 Sed puto, quod scripsi, legerat; ergo dabit.

X.

In Posthumum.

BAsia dimidio quòd das mihi, Posthume, labro,
 Laudo; licet demas hinc quoque dimidium.
 Vis dare majus adhuc, & inenarrabile munus?
 Hoc tibi habe totum, Posthume, dimidium.

XI.

Ad Rufum, de Selio.

QUòd fronte Selium nubila vides, Rufe,
 Quòd ambulator porticum terit serus,
 Lugubre quiddam quòd tacet piger vultus;
 Quòd pæne terram tangit indecens nasus,
 Et dextra pectus pulsat, & comam vellit;
 Non ille amici fata luget, aut fratris;
 Uterque natus vivit, & precor vivat:
 Salva est & uxor, sarcinæque, servique;
 Nihil colonus, villicusque decoxit.
 Meroris igitur causa quæ? domi cornat.

XII.

XII.

In Posthumum.

Effe quid hoc dicam, quòd olent tua bafia myrrham,
 Quodque tibi est semper non alienus odor?
 Hoc mihi suspectum est, quòd oles bene, Posthume,
 semper:

Posthume, non bene olet, qui bene semper olet.

XIII.

Ad Sextum.

ET judex petit, & petit patronus.
 Solvas censeo, Sexte, creditori.

XIV.

De Seliò.

Nil intentatum Selius, nil linquit inausum,
 Cœnandum quoties jam videt esse domi.
 Currit ad Europen, & te, Pauline, tuosque
 Laudat Achileos, sed sine fine, pedes.
 Si nihil Europe fecit, tum Septa petuntur,
 Si quid Phyllirides præster, & Æsonides.
 Hic quoque deceptus Memphitica templa frequentat,
 Assidet & cathedris mœsta juvenca tuis.
 Inde petit centum pendentia tecta columnis:
 Illinc Pompei dona, nemusque duplex.
 Nec Fortunati spernit, nec balnea Fausti;
 Nec Grylli tenebras, Æoliamque Lupi,
 Nam thermis iterum, cunctis iterumque lavatur:
 Omnia cùm fecit, sed renuente deo,
 Lotus ad Europes tepidæ buxeta recurrit,
 Si quis ibi serum carpat amicus iter.
 Per te, perque tuam, vector lascive, puellam,
 Ad cœnam Seliū tu, rogo, Taure, voca.

XV.

In Hermum.

Quòd nulli calicem tuum propinas,
 Humanè facis, Herme, non superbè. •

E

XVI.

In Zoilum.

Zoilus ægrotat ; faciunt hanc stragula febrem ;
 Si fuerit sanus , coccina quid facient ?
 Quid torus à Nilo , quid sindone rinctus olenti ?
 Ostendit stultas quid nisi morbus opes ?
 Quid tibi cum medicis ? dimitte Machaonas omnis.
 Vis fieri sanus ? stragula fume mea.

XVII.

Ad Ammianum-

Tonstrix Suburæ faucibus sedet primis ,
 Cruenta pendent qua flagella tortorum ,
 Argique letum multus obsidet furor.
 Sed ista tonstrix , Ammiane , non tondet.
 Non tondet , inquis ? ergo quid facit ? radit.

XVIII.

In Maximum.

Capto tuam , pudet heu , sed capto , Maxime ,
 cœnam ;
 Tu captas aliam : jam sumus ergo pares ,
 Mane salutatum venio ; tu diceris istæ
 Antè salutatum : jam sumus ergo pares.
 Sum comes ipse tuus , tumidique anteambulo regis ;
 Tu comes alterius : jam sumus ergo pares.
 Esse sat est servum : jam nolo vicarius esse.
 Qui rex est , regem , Maxime , non habeat.

XIX.

Ad Zoilum.

Felicem fieri credis me , Zoïle , cœna :
 Felicem cœna , Zoïle ? deinde tua ?
 Debet Aricino conviva recumbere clivo ,
 Quem tua felicem , Zoïle , cœna facit.

X X.

De Paulo.

C Armina Paulus emit: recitat sua carmina Paulus;
Nam quod emas, possis dicere jure tuum.

X X I.

In Posthumum.

B Asia das aliis; aliis das, Posthume, dextram:
Dicis, utrum mavis? elige: malo manum.

X X I I.

De eodem.

Quid mihi vobiscum est, ô Phœbe, novemque
sorores?

Ecce nocet vati Musa jocosa suo.
Dimidio nobis dare Posthumus autè solebat
Basia; nunc labro corpit utroque dare.

X X I I I.

In eundem.

Non dicam, licet usque me rogetis,
Quis sit Posthumus in meo libello:
Non dicam; quid enim mihi necesse est
Has offendere basiationes,
Quæ se tam bene vindicare possunt?

X X I V.

Ad Candidum.

Si det iniqua tibi tristem Fortuna reatum,
Squallidus hæreo, pallidiorque reo.
Si jubeat patriâ damnarum excedere terrâ;
Per freta, per scopulos exsulis ibo comes,
Dat tibi divitias; ecquid sunt ista duorum?
Das partem? multum est; Candide, des aliquid.
Mecum eris ergo miser: quod si Deus ore sereno
Annuerit, felix, Candide, solus eris.

E ij

Ad Gallam.

DAs nunquam, semper promittis, Galla, roganti;
Si semper fallis, jam rogo, Galla, nega.

XXVI.

De Navia, ad Bythinicum.

Quòd querulum spirat, quòd acerbum Navia
tussit;

Inque tuos mittit sputa subinde sinus:
Jam te rem factam, Bithynice, credis habere?
Erras: blanditur Navia, non moritur.

XXVII.

De Seliæ.

Laudantem Seliæ, cœnæ cùm retia tendit,
Accipe, siue legas, siue patronus agas.
Effrætè! graviter! citò! nequiter! euge! beatè!
Hoc volui; facta est jam tibi cœna, tace.

XXVIII.

In Sextillum.

Rideto multùm, qui te, Sextille, cinædum
Dixerit, & digitum porrigito medium.
Sed nec pædico es, nec tu, Sextille, futuror;
Caldæ Vetustillæ nec tibi bucca placet.
Ex istis nihil es, fateor, Sextille: quid ergo es?
Nescio; sed tu scis res superesse duas,

XXIX.

Ad Rufum.

Rufe, vides illum subsellia prima terentem,
Cujus & hinc lucet sardonychata manus;
Quæque Tyron toties epotavere lacernæ,
Et toga non tactas vincere iussa nives:
Cujus olet toto pinguis coma Marcellano,

Et splendent vulso brachia trita pilo.
Non hesternia sedet lunata lingula planta;
Coccina non læsum pingit aluta pedem;
Et numerosa linunt stellantem splenia frontem:
Ignoras quis sit? splenia tolle, leges.

X X X.

In Cæsum.

MUtua viginti sestertia fortè rogabam;
Quæ vel donanti non grave munus erat.
Quippe rogabatur fidusque, vetusque sodalis,
Et cujus laxas arca flagellat opes.
Is mihi, dives eris, si caussas egeris, inquit.
Quod peto da, Cæi, non peto consilium.

X X X I.

Ad Marianum.

Sæpe ego Chrestillam futui: det quam bene, quaris?
Supra quod fieri nil, Mariane, potest.

X X X I I.

In Ponticum.

LIs mihi cum Balbo est; tu Balbum offendere
non vis,
Pontice: cum Licino est; hic quoque magnus
homo est.

Vexat sæpe meum Patrobas confinis agellum;
Contra libertum Cæsaris ire times.
Abnegat, & retinet nostrum Latonia servum;
Respondes: orba est, dives, anus, vidua.
Non bene, crede mihi, servo servitur amico;
Sit liber, dominus qui volet esse meus.

X X X I I I.

In Philanum.

CUr non basio te, Philæni? calva es.
Cur non basio te, Philæni? rufa es.
E ii

Cur non basio te, Philæni? lusca es.
Te qui basiat, hic, Philæni, fellat.

X X X I V.

In Gallam.

Cum placeat Phileros, tota tibi dote redemptus,
Tres pateris natos, Galla, perire fame.
Præstatur cano tanta indulgentia cunno,
Quem nec casta potest jam decuisse Venus.
Perpetuam faciant Dî te Philerotis amicam,
O mater, qua nec Pontia deterior.

X X X V.

Ad Phœbum.

Cum sint crura tibi simulant quæ cornua lunæ;
In rhytio poteras, Phœbe, lavare pedes.

X X X V I.

Ad Pannicum.

Flectere te nolim, sed nec turbare capillos:
Splendida sit nolo, sordida nolo cutis.
Nec tibi mitrarum, nec sit tibi barba reorum.
Nolo virum nimium, Pannice; nolo parum.
Sunt tibi crura pilis, & sunt tibi pectora setis
Horrida; sed mens est, Pannice, vulsa tibi.

X X X V I I.

In Cacilianum.

Quidquid ponitur hinc & inde, verris;
Mammæ suminis, imbricæque porci,
Communesque duobus artaginem,
Mullum dimidium, lupumque totum,
Murenæque latus, femurque pulli,
Stillantemque alica sua palumbum:
Hæc cum condita sunt madente mappa,
Traduntur puero domum ferenda:

Nos accumbimus otiosa turba.
 Ullus si pudor est, repone cœnam:
 Cras te, Cæcilliane, non vocavi.

XXXVII.

In Linum.

Quid mihi reddat ager, quæris, Line, No-
 ment anus?
 Hoc mihi reddit ager: te, Line, non video.

XXXIX.

Quæ vestis marchæ conveniat.

Coccina famosæ donas, & lantina morehæ.
 Vis dare quæ meruit munera? mitte togam.

XL.

In Tongilium.

Uri Tongilius male dicitur hemikritæo.
 Novi hominis mores: esurit, atque sitit.
 Subdola tenduntur crassis modò retia turdis:
 Hamus & in mullum mittitur, atque lupum.
 Cæcuba faccentur, quæque annus coxit Opimi:
 Condantur parco fusca Palerna vitro.
 Omnes Tongilium medici jussere lavari:
 O stulti, febrem creditis esse? gula est.

XLI.

Ad Maximinam puellam edentulam.

Ride, si sapis, ô puella ride,
 Pelignus, puto, dixerat Poëta:
 Sed non dixerat omnibus puellis.
 Verùm ut dixerit omnibus puellis,
 Non dixit tibi; tu puella non es;
 Nam tres sunt tibi, Maximina, desitres,
 Sed planè piceæque, buxeæque.
 Quare si speculo mihi que credis,

Eiv

Debes non aliter timere risum,
 Quàm ventum Spanius, manumque Priscus;
 Quàm creata timet Fabulla nimbum;
 Ceruffata timet Sabella solem.
 Vultus induito magis severos,
 Quàm conjux Priami, nurusque major.
 Mimos ridiculi Philistionis,
 Et convivia nequiora vita;
 Et quidquid lepida procacitate
 Laxat perspicuo labella risu.
 Te mœstæ decet assidere matri,
 Lugentique virum, piumque fratrem;
 Et tantùm tragicis vacare Musis.
 At tu, iudicium secuta nostrum,
 Plora, si sapias, ô puella, plora.

X L I I.

In Zoilum.

Zoïle, quid solum subluto podice perdis?
 Spurcius ut fiat, Zoïle, merge caput.

X L I I I.

In Candidum.

Kοινὰ φίλων hæc sunt, hæc sunt tua, Candide,
 κοινὰ,
 Quæ tu magniloquus nocte dieque sonas.
 Te Lacedæmonio velat toga lota Galeo,
 Vel quam seposito de grege Parma dedit:
 At me quæ passa est furiosi cornua tauri,
 Noluerit dici quam pila prima suam.
 Misit Agenoreas Cadmi tibi terra lacernas:
 Non vendes nummis coccina nostra tribus.
 Tu Libycos Indis suspendis dentibus orbes:
 Fulcitur testa fagina mensa mihi.
 Immodici tibi flava tegunt chrysendeta nulli:
 Concolor in nostra, cammare, lance rubes.
 Grex tuus Iliaco poterat certare cinædo:

At mihi succurrit pro Ganymede manus.
Ex opibus tantis veteri fidoque sodali
Das nihil, & dicis, Candide, κοινὰ φίλων.

X L I V.

In Sextum forneratorem.

EMi seu puerum, togamve pexam,
Seu tres, ut puta, quattuorve libras:
Sextus protinus ille fornerator,
Quem nostis veterem meum sodalem,
Ne quid fortè petam, timet, cavetque;
Et secum, sed ut audiam, susurrat:
Septem millia debeo Secundo;
Phœbo quattuor; undecim Phileto;
Et quadrans mihi nullus est in arca.
O grande ingenium mei sodalis!
Durum est, Sexte, negare, cùm rogaris:
Quanto durius, antè quàm rogeris!

X L V.

Ad Glyptum.

QUæ tibi non stabat, præcisa est mentula, Glypte,
Demens cum ferro quid tibi? Gallus eras.

X L V I.

Ad Nævolum.

FLorida per varios ut pingitur Hybla colores,
Cùm breve Sicaniz ver populantur apes;
Sic tua suppositis pellucet præla lacernis:
Sic micat innumeris arcula synthefibus;
Atque unam vestire tribum tua candida possunt,
Appula non uno quæ græge terra tulit.
Tu spectas hyemem succincti lentus amici,
(Pro scelus!) & lateris frigora trita mei.
Quantùm erat, infelix, pannis fraudare duobus,
(Quid renuis?) non te, Nævole, sed tincas.

Ad Gallum.

SUbdola famosa, moneo, fuge retia morchæ,
 Lævior ô conchis, Galle, Cythériacis.
 Confides natibus? non est pædico maritus.
 Quæ faciat duo sunt: irrumat, aut fuit.

Ad Rufum.

CAuponem, laniumque, balneumque,
 Tonforem, tabulamque, calculoque,
 Et paucos, sed ut eligam, libellos:
 Unum non nimium rudem sodalem,
 Et grandem puerum, diuque lævem;
 Et caram puero meo puellam:
 Hæc presta mihi, Rufe, vel Bitunti;
 Et thermas tibi habe Netonianas.

De Thelesina.

UXorem nolo Thelesinam ducere: quare?
 Morcha est. Sed pueris dat Thelesina: volo.
 L.

In Lesbiam.

QUod fellas, & aquam potas, nil, Lesbia, peccas;
 Quâ tibi patte opus est, Lesbia, fumis aquam.
 LI.

In Hyllum cinædum.

UNUS sæpe tibi totâ denarius arcâ
 Cùm sit, & hic culo tritior, Hyllæ, tuæ:
 Non tamen hunc pistor, non auferet hunc tibi caupo;
 Sed si quis nimio pene surperbus erit.
 Infelix ventex spectat convivæ culi;
 Et semper miser hic esurit, ille vorat.

LII.

De Dasio balneatore.

Novit loturas Dasius numerare : poposcit
Mammosam Spatalen pro tribus ; illa dedit.

LIII.

Ad Maximum.

Vis fieri liber ? mentiris, Maxime ; non vis :
Sed fieri si vis, hanc ratione potes.
Liber eris : canare foris si, Maxime, noles :
Vejentana tuam si domat uva fixim :
Si riderè potes miseri chrysendeta Cimæ :
Contentus nostrâ si potes esse togâ :
Si plebeja Venus gemino tibi vincitur asse :
Si tua non rectus recta subire potes.
Hæc tibi si vis est, si mentis tanta potestas,
Liberior Partho vivere rege potes.

LIV.

In Linum cinadum.

Quid de te, Lîne, suspicetur uxor,
Et qua parte velit pudiciorem,
Certis indiciis satis probavit,
Custodem tibi quæ dedit spadonem.
Nil nasutius hac maligniusque est.

LV.

Ad Sextum.

Vis te, Sexte, coli : volebam amare.
Parendum est tibi : quod jubes : coleris.
Sed si te colo, Sexte, non amabo.

LVI.

Ad Gallum, de ejus uxore.

Gentibus in Libycis uxor tua, Galle, notatur
Immodicæ fædo crimine avaritiæ.

Sed mera narrantur mendacia : non solet illæ
Accipere omnino ; quid solet ergo dare.

L V I I.

De microphyco divite.

Hic, quem videtis gressibus vagis lentum ,
Amethystinatus media qui secat septa ,
Quem non lacernis Publius meus vincit ,
Non ipse Codrus alpha pænulatorum ;
Quem grex togatus sequitur , & capillatus ,
Recensque sella linteisque lorisque :
Oppigneravit Claudii modò ad mensam
Vix octo nummis annulum , unde cænaret.

L V I I I.

In Zoïlum.

Peratus pulchrè rides meæ , Zoïle , trita.
Sunt hæc trita quidem , Zoïle ; sed mea sunt.

L I X.

De cænatione Cæsaris , quæ appellatur Mica.

Mica vocor. Quid sim , cernis , cænatio parva.
Ex me Cæsareum prospicis , ecce , tholum.
Frangere toros ; pete vina ; rosas cape ; tingere nardo ;
Ipse jubet mortis dememinisse Deus.

L X.

Ad Hyllum.

Uxorem armati futuis , puer Hylle , tribuni ,
Supplicium tantùm dum puerile times.
Væ tibi , dum ludis , castrabere ; jam mihi dices ,
Non licet hoc : quid , tu quod facis , Hylle , licet ?

L X I.

In fellatorem mala lingua.

Cum tibi vernarent dubiâ lanugine malæ ,
Lambebat medios improba lingua viros.

Postquam triste caput fastidia vespillonum,
 Et miseri meruit rædia carnificis;
 Uteris ore aliter, nimiâque ærugine captus,
 Adlatras nomem quod tibi cunque datum est.
 Hæreat inguinibus potiùs tua noxia lingua;
 Nam cum fellaret, purior illa fuit.

L X I I.

Ad Labienum.

Quod pectus, quod crura tibi, quod brachia
 vellis;
 Quod cincta est brevibus mentula tonsa pilis,
 Hoc præstas, Labiene, tuæ, (quis nescit?) amicæ,
 Cui præstas culum, quem, Labiene, pilas?

L X I I I.

Ad Milichum.

Sola tibi fuerant sestertia, Miliche, centum,
 Quæ tulit è sacrâ Leda redempta viâ,
 Miliche, luxuria est, si tanti dives amares.
 Non amo, jam dicis: hæc mage luxuria est.

L X I V.

In Laurum.

Dum modò caussidicum, dum te modò rhetora
 fingis,
 Et non decernis, Laure, quid esse velis:
 Peleos, & Priami transti, vel Nestoris annos;
 Et fuerat serum jam tibi desinere.
 Incipe: tres uno perierunt rhetores anno,
 Si quid habes animi, si quid in arte vales.
 Si schola damnatur, fora litibus omnia fervent:
 Ipse potest fieri Marsya caussidicus.
 Eja age, rumpe moras; quo te spectabimus usque?
 Dum, quid sis, dubitas, jam potes esse nihil.

L X V.

In Salejanum.

UT tristitiorem cernimus Salejanum?
 An caussa levis est? extuli, inquis, uxorem.
 O grande facti crimen! ô gravem casum!
 Illa, illa dives mortua est Secundilla,
 Centena decies quæ tibi dedit dotis?
 Nollem accidisset hoc tibi, Salejane.

L X V I.

In Lalagen.

UNUS de toto peccaverat orbe comarum
 Annulus, incerta non bene fixus acu.
 Hoc facinus Lalage speculo, quo viderat, ultra est;
 Et cecidit sectis ista Plecusa eomis.
 Define jam, Lalage, tristes ornare capillos,
 Tangat & infanum nulla puella caput.
 Hoc salamandra notet, vel sæva novacula nudet,
 Ut digna speculo fiat imago tuo.

L X V I I.

Ad Posthumum.

OCcurris quocunque loco mihi, Posthume, clamas
 Protinus, & prima est hæc tua vox, Quid agis?
 Hoc, si me decies unâ conveneris horâ,
 Dicis: habes, puto, tu, Posthume, nil quod agas.

L X V I I I.

Ad Olum.

QUOD te nomine jam tuo saluto,
 Quem regem, & dominum prius vocabam,
 Ne me dixeris esse contumacem:
 Totis pilea sarcinis redemi.
 Reges & dominos habere debet,
 Qui se non habet, atque concupiscit,
 Quod reges dominique concupiscunt.

Servum si potes, Ole, non habere;
Et regem potes, Ole, non habere.

L X I X.

Ad Classicum canipetam.

INvitem cænare foris te, Classicè, dicis.
Si non mentiris, Classicè, dispeream.
ipse quoque ad cœnam gaudebat Apicius ire;
Cum cænaret, erat tristior ille domi.
Si tamen invitus vadis, eur, Classicè, vadis?
Cogor, ais: verum est; cogitur & Silius.
En rogat ad cœnam Melior te, Classicè, rectam.
Grandia verba ubi sunt? si vir es, ecce, nega.

L X X.

In Cotilem.

Non vis in solio prius lavari
Quemquam, Cotile: causa quæ, nisi hæc, est?
Undis ne fovearis irrumatis.
Primus te licet abluas, necesse est,
Antè hîc mentula, quam caput, lavetur.

L X X I.

Ad Cæcilianum.

Candidius nihil est te, Cæciliæ, notavi;
Si quandò ex nostris disticha pauca legis,
Protinus aut Marci recitas, aut scripta Catulli.
Hæc mihi das, tanquam deteriora legas,
Ut collata magis placeant mea? credimus illud;
Malo tamen recites, Cæciliæ, tua.

L X X I I.

Ad Posthumum.

Hesternâ factum narratur, Posthume, cænâ,
Quod nollem: quis enim talia facta probet?
Os tibi percisum, quanto non ipse Latinus
Viliâ Panniculi percussit ora sono:

Quodque magis mirum est, auctorem criminis huius
 Cæcilium totâ rumor in urbe sonat.
 Esse negas factum; vis hoc me credere? credo.
 Quid quòd habet testes, Posthume, Cæcilius?

L X X I I I.

In Lyrin.

Quid faciat, vis scire; Lyrin, quid? sobria fellat.

L X X I V.

De Saufejo, ad Maternum.

Cinsum rogatis post & antè Saufejum,
 Quanta reduci Regulus solet turba,
 Ad alta tonsum templâ cum reum misit,
 Materne, cernis? invidere nolito;
 Comitatus iste sit, precor, tuus nunquam.
 Hos illi amicos, & greges togatorum,
 Fusciculus præstat, & Faventinus.

L X X V.

De Leone.

Verbera securi solitus leo ferre magistri,
 Insertamque pati blandus in ora manum,
 Dedit pacem, subitò feritate reversa,
 Quanta nec in Libycis debuit esse jugis.
 Nam duo de tenera puerilia corpora turba,
 Sanguineam rastrois quæ renovabat humum,
 Sævus & infelix furiali dente peremit.
 Martia non vidit majus arena nefas.
 Exclamare libet: crudelis, perfide, prædo,
 A nostrâ pueris parcere disce lupâ.

L X X V I.

De Mario.

Argenti libras Marius tibi quinque reliquit.
 Cui nihil ipse dabas, is tibi verba dedit.

LXXVII.

LXXVII.

Ad Cosconium.

Cosconi, qui longa putas epigrammata nostra,
 Utilis ungendis axibus esse potes.
 Hac tu credideris longum ratione colossum,
 Et puerum Bruti dixeris esse brevem.
 Disce, quod ignoras: Marſi, doctique Pedonis
 Sæpe duplex unum pagina tractat opus.
 Non sunt longa, quibus nihil est quod demere possis.
 Sed tu, Cosconi, disticha longa facis.

LXXVIII.

Ad Cæcilianum.

Æſtivo serves ubi piscem tempore, quæris?
 In thermis serva, Cæciliane, tuis.

LXXIX.

Ad Nasicam.

Inventas tunc me, cùm scis, Nastica, vocasse;
 Excusatum habeas me, rogo: cæno domi.

LXXX.

De Fannio.

Hostem cùm fugeret, se Fannius ipse peremit.
 Hic, rogo, non furor est, ne moriari, mori?

LXXXI.

Ad Zoilum.

Laxior hexaphoris tua sit lectica licebit:
 Dum tamen hæc tua sit, Zoile, sandapila.

LXXXII.

Ad Ponticum.

Abscissa servum quid fingis, Pontice, lingua?
 Nescis tu populum, quod tacet ille, loqui?

H

LXXXIII.

De machi pœnâ.

Fœdasti miserum, marite, mœrchum
 Et se, qui fuerant prius, requirunt
 Trunci naribus, auribusque vultus.
 Credis te satis esse vindicatum?
 Erras; iste potest & irrumare.

LXXXIV.

De Sertorio, ad Rufum.

Mollis erat, facilisque viris Pœantius heros;
 Vulnera sic Paridis dicitur ulta Venus.
 Cur lingat cunnum Siculus Sertorius, hoc est:
 Ex hoc occisus, Rufe, videtur Eryx.

LXXXV.

Ad amicum, de præposteris donis.

Vimine clausâ levi niueæ custodia cœtæ,
 Hæc tibi Saturni tempore munus erit.
 Dona quod æstatis misi tibi mense Decembri,
 Si queresis, rasam tu mihi mitte togam.

LXXXVI.

Ad Clasicum.

Quod nec carmine gloriôr supino,
 Nec retrò lego Soraden cinædum;
 Nusquam Græcula quod recantat Echo;
 Nec dicat mihi luculentus Attis
 Mollem debilitare Galliambon:
 Non sum, Clasicæ, tam malus pœtæ.
 Quid si per graciles vias Petauri
 Invitum jubeas subire Ladam?
 Turpe est difficiles habere nugas,
 Et factus labor est ineptiarum.
 Scribat carmina circulis Patemem;
 Me. raris juvat auribus placere.

LXXXVII.

Ad Phœbum.

Dicis amore tui bellas ardere puellas,
Qui faciem sub aquâ, Phœbe, natantis habes.

LXXXVIII.

In Mammetum.

Nil recitas, & vis, Mamerce, poëta videri.
Quidquid vis esto, dummodo nihil recites.

LXXXIX.

In Gaurum.

Quod nimio gaudes noctem producere vino,
Ignosco; vitium, Gaure, Catonis habes.
Carmina quod scribis Musis & Appolline nullo;
Laudari debes; hoc Ciceronis habes.
Quod vomis, Ansoni, quod luxuriaris, Apici;
Quod fellas, vitium dic mihi cujus habes?

X C.

Ad Quintilianum.

Quintiliane, vagæ moderator summe juventæ;
Gloria Romanæ, Quintiliane, togæ.
Vivere quod propero pauper, nec inutilis annis;
Da veniam: properat vivere nemo satis.
Differat hoc, patrios optat qui vincere census;
Arriaque immodicis arctat imaginibus.
Me focus; & nigros non indignantia fumos
Tecta juvant, & fons vivus, & herba rudis.
Sit mihi verna satur, sit non doctissima conjux;
Sit nox cum somno, sit sine lite dies.

X C I.

Ad Cæsarem Domitianum.

Rerum certa salus, terrarum gloria, Cæsar,
Sospite quo magnos credimus esse deos:
F ij

Si festinatis toties tibi lecta libellis
 Detinuere oculos carmina nostra tuos ;
 Quod fortuna vetat fieri , permitte videri ,
 Natorum , enitor credar ut esse trium.
 Hæc , si displicui , fuerint solatia nobis ;
 Hæc fuerint nobis præmia , si placui.

X C I I.

Ad uxorem.

Natorum mihi jus trium roganti:
 Musarum pretium dedit mearum
 Solus qui poterat : valebis uxor ;
 Non debet domini perire munus.

X C I I I.

Ad Regulum.

Primus ubi est , inquis , cum sit liber iste secundus ?
 Quid faciam , si plus ille pudoris habet ?
 Tu tamen hunc fieri si mavis , Regule , primum ;
 Unum de titulo tollere iota potes.



67

M. VAL. MARTIALIS
EPIGRAMMATUM

LIBER III.

EPIGRAMMA PRIMUM.

Ad Lesorem.

HOC tibi, quidquid est, longinquis mittit ab-
oris
Gallia Romanæ nomine dicta togæ.
Hunc legis, & laudas librum fortasse priorem.
Illa, vel hæc mea sunt, quæ meliora putas.
Plus sanè placeat, dominâ qui natus in urbe est;
Debet enim Gallum vincere verna liber.

I I.

Ad librum suum.

CUjus vis fieri, libelle, munus?
Festina tibi vindicem parare,
Ne nigram citò raptus in culinam,
Cordyllas madida tegas papyro,
Vel thuris, piperisque sis cucullus.
Faustini fugis in sinum? sapisti.
Cedro nunc licet ambules perunctus,
Et frontis gemino decens honore
Pictis luxurieris umbilicis;
Et te purpura delicata velet,
Et coco rubeat superbus index.
Illo vindice nec Probum timeto.

III.

Ad eundem.

Romam vade liber : si , veneris unde , requiret ;
 Æmiliæ dices de regione viæ.
 Si , quibus in terris , quâ sumus in urbe , rogabit ;
 Cornelli referas me , licet , esse foro.
 Cur absim , quæret : breviter tu multa fatere ;
 Non poterat vanæ tædia ferre togæ.
 Si , quando veniet ? dicet : responde , Poëta
 Exierat , veniet cùm citharæodus erit.

IV.

Ad eundem , ut Julium adeat.

Vis commendari sine me cursurus in Urbem ,
 Parve liber , multis ? an satis unus erit ?
 Unus erit , mihi crede , satis , cui non eris hospes ,
 Julius assiduum nomen in ore meo.
 Protinus hunc primi quæres in limine tecti :
 Quos tenuit Daphnis , nunc tenet ille , Lares.
 Est illi conjux , quæ te manibusque , sinuque ,
 Excipiet , vel si pulverulentus eas.
 Hos tu seu pariter , sive hanc , illumve priorem
 Videris ; hoc dices : Marcus avere jubet.
 Hoc satis est alios commendet epistola ; peccat ,
 Qui commendandum se putat esse suis.

V.

In mulierem deformem.

Formosam faciem nigro velamine celas ;
 Sed non formoso corpore lædis aquas.
 Ipsam crede deam verbis tibi dicere nostris :
 Aut aperi faciem , vel tunicata lava.

VI.

Ad Marcellinum.

Lux tibi post Idæa numeratur tertia Majas ,
 Marcelline , tuis bis celebranda sacris.

Imputat ætherios ortus hæc prima parenti:
 Libat florentes hæc tibi prima genas.
 Magna licet dederit jucundæ munera vitæ,
 Plus nunquam patri præstitit illa dies.

V I I.

De sportula.

C Entum miselli jam valet quadrantes,
 Anteambulonis congiarium lassi,
 Quos dividebat balneator elixus.
 Quid cogitaris, ô fames amicorum?
 Regis superbi sportulæ recesserunt,
 Nihil stropharum est: jam salarium dandum est.

V I I I.

In Quindus.

T Haïda Quindus amat: quam Thaïda? Thaïda
 Iuscã;
 Unum oculum Thaïs non habet, ille duos.

I X.

In Cinna.

V Ersiculos in æne narratur scribere Cinna:
 Non scribit, cujus carmina nemo legit.

X.

In Philomusum.

C Onstituit, Philomuse, pater tibi missa binæ
 Menstrua, perque omnes præstitit illa dies,
 Luxuriam premeret cùm crastina semper egestas,
 Ex vitiis essent danda diurna tuis.
 Idem te moriens heredem ex æffe reliquit &
 Exheredavit, te, Philomuse, pater,

X I.

Ad Quintum.

SI tua nec Thaïs, nec lusca est, Quinte, puella;
 Cur in te factum distichon esse putas?
 Sed simile est aliquid; pro Laïde Thaïda dixi.
 Dic mihi, quid simile est, Thaïs & Hermione?
 Tu tamen es Quintus: mutemus nomen amantis;
 Si non vult Quintus Thaïda, Sextus amet.

X I I.

In Fabullum.

Unguentum, fateor, bonum dedisti
 Convivis here, sed nihil scidisti.
 Res falsa est bene olere, & esurire.
 Qui non cœnat & ungitur, Fabulle,
 Hic verè mihi mortuus videtur.

X I I I.

In Næviam.

Dum non vis piscem, dum non vis carpere pulles,
 Et plus quàm patri, Næviam, parcis aprò:
 Accusas, rumpisque coquum, tanquam omnia crude
 Attulerit. Nunquam sic ego crudus ero.

X I V.

In Tuccium, de sportula.

Romam petebat esuritor Tuccius,
 Profectus ex Hispaniâ.
 Occurrit illi sportularum fabula:
 A ponte rediit Mulvio.

X V.

De Codro.

Plus credit nemo quàm totâ Codrus in urbe:
 Cùm sit tam pauper. Quomodò? cæcus amar.
 XVI.

XVI.

In cerdonem munerarium.

DAs gladiatores, sutorum regule, cerdo,
 Quodque tibi tribuit, subula, sica rapit.
 Ebrius es: neque enim faceres id sobrius unquam,
 Ut velles corio ludere, cerdo, tuo.
 Lufisti, satis est: sed te, mihi crede, memento
 Nunc in pelliculâ, cerdo, tenere tuâ.

XVII.

In Sabidium.

Circumlata diu mensis scriblita, secundis
 Urebat nimio sæva calore manus.
 Sed magis ardebat Sabidi gula: protinus ergo
 Sufflavit buccis terque quaterque suis.
 Illa quidem repuit, digitosque admittere visa est;
 Sed nemo potuit tangere: merda fuit.

XVIII.

Ad Maximum.

Perfrensisse tuas quæstæ est præfatio fauces.
 Cum te excusaris, Maxime, quid recitas?

XIX.

De viperâ in ore ursæ abentæ.

Proxima centenis ostenditur ursæ columnis,
 Exornant fictæ quæ platanona feræ.
 Hujus dum patulos alludens tentat hiatus
 Pulcher Hylas, teneram merisit in ora manum,
 Vipera sed cæco scelerata latebat in ære,
 Vivebatque animâ deteriore fera.
 Non sensit puer esse dolos, nisi dente recepto
 Dum perit. O facinus falsa quod ursæ fuit!

G

De Canio Rufo.

Dic, Musa, quid agat Canius meus Rufus?
 Utrumne chartis tradit ille victuris
 Legenda temporum acta Claudianorum?
 An quæ Neroni falsus adstruit scriptor?
 An æmulatur improbi jocos Phædri?
 Lascivus elegis, an severus heroïs?
 At in cothurnis horridus Sophocleis?
 An otiosus in scholâ pœtarum
 Lepore tinctos Attico sales narrat?
 Hinc si recessit, porticum terit templâ,
 An spatia carpit lentus Argonautarum?
 An delicatæ sole rursus Europæ
 Inter repentes post meridiem buxos
 Sedet, ambulatve liber acribus curis?
 Titine thermis, an lavatur Agrippæ,
 An impudici balneo Tigillini?
 An rure Tullî fruitur, atque Lucani?
 An Pollionis dulce currit ad Quartum?
 An æstuanteis jam profectus ad Bajas,
 Piger Lucrino nauculatur in stagno?
 Vis scire quid agat Canius tuus? ridet.

X X I.

In crudelem dominum.

Proscriptum famulus servavit fronte notatus;
 Non fuit hæc domini vita, sed invidia.

X X I I.

Ad Apicium.

Dederas, Apici, bis trecenties ventri,
 Et adhuc supererat centies tibi laxum.
 Hoc tu gravatus, ut famem & sitim ferre.
 Summâ venenum portione duxisti.
 Nihil est, Apici, te gulosius factum.

XXIII.

In quemdam invitatores.

Omnia cūm retrò pueris obsonia tradas,
Cur non mensa tibi ponitur à pedibus?

XXIV.

De Haruspice hernioso.

Vire nocens rosâ stabat moriturus ad aras
Hircus, Bacche tuis victima grata sacris:
Quem Tuscus mactare deo cūm vellet haruspex,
Dixerat agresti fortè, rudique viro,
Ut citò testiculos, sed acutâ falce secaret
Teter ut immundæ carnis abiret odor.
Ipse super virides aras luctantia pronus
Dum resecat cultro colla, premitque manu;
Ingens iratis apparuit hernia sacris:
Occupat hanc ferro rusticus, atque secat;
Hoc ratus antiquos factorum poscere ritus,
Talibus & fibris numina prisca coli.
Sic modò qui Tuscus fueras, nunc Gallus haruspex,
Dum jugulas hircum, factus es ipse caper.

XXV.

Ad Faustinum, de Sabineis rethore.

Si temperari balneum cupis fervens,
Faustine, quod vix Julianus intraret;
Roga, lavetur, Rhetorem Sabineium:
Neronianas hic refrigeret thermas.

XXVI.

In Candidum.

Pædia solus habes, & solus, Candide, nummos:
Aurea solus habes, myrrhina solus habes:
Massica solus habes, & Opimæ Cæcuba solus:
Et cor solus habes, solus & ingenium:

G ij

Omnia solus habes ; nec me puta velle negares
Uxorem sed habes, Candide, cum populo.

XXXVII.

In Gallum.

N Unquam me revocas, venias cum saepe vocatus :
Ignosco ; nullum si modò, Galle, vocas.
Invitas alios : vitium est utriusque ; quod ? inquis,
Et mihi cor non est, nec tibi, Galle, pudor.

XXXVIII.

In Nestorem.

A Utriculam Mario graviter miraris olere !
Tu facis hoc : garris, Nestor, in auriculam,

XXXIX.

In Zoilum.

H As cum geminâ compede dedicat carenas,
Saturne, tibi Zoilus, annullos priores.

XXX.

Ad Gargilianum.

S Portula nulla datur ; gratis conviva recumbis,
Dic mihi, quid Romæ, Gargiliane, facis ?
Unde tibi togula est, & fuscæ pensio cellæ ?
Unde datur quadrans ? unde vir es Chiones ?
Cum ratione licet dicas te vivere summâ :
Quod vivis, nullâ cum ratione facis.

XXXI.

Ad Rufinum.

S Unt tibi, confiteor, diffusi jugera campi,
Urbanique tenent prædia multa Lares ;
Et servit dominæ numerosus debitor arcæ,
Sustentatque tuas aurea mensa dapes.
Fastidire tamen noli, Rufine, minores :
Plus habuit Didymus, plus Philomelus habet.

XXXII.

In Matriniam.

NUm possim vetulam, quæris Matrinia? possum
 Et vetulam; sed tu mortua, non vetula es.
 Possum Hecubam, possum Niobem, Matrinia: sed si
 Nondum erit illa canis, nondum erit illa lapis.

XXXIII.

Qualem puellam velis poeta.

Ingenuam malo: sed si tamen illa negetur,
 Libertina mihi proxima conditio est,
 Extremo est ancilla loco: sed vincet utramque,
 Si facie nobis hæc erit ingenua.

XXXIV.

In Chionem.

Digna tuo cur sis, indignaque nomine, dicam,
 Frigida es, & nigra es: non es, & es Chione.

XXXV.

De piscibus sculptis.

Artis Phidiacæ toreuma clarum,
 Pisces adspicis! adde aquam, natabunt.

XXXVI.

Ad Fabianum.

Quòd novus & nuper factus tibi præstat amicus,
 Hoc præstare jubes me, Fabiane, tibi.
 Horridus ut primo semper te mane salutem;
 Per mediumque trahat me tua sella lutum:
 Lassus ut in thermas decimâ, vel seriùs, horâ
 Te sequar Agrippæ, cum laver ipse Titi.
 Hoc per triginta merui, Fabiane, Decembres,
 Ut sim tiro tuæ semper amicitiae?
 Hoc merui, Fabiane, toga tritaque, meaque,
 Ut nondum credas me meruisse rudem?

G iiij

XXXVII.

In divites irascentes.

I Rasce tantum felices nostis amici.
Non belle facitis : sed juvat hoc facere.

XXXVIII.

Ad Sextum.

Quæ te causa trahit, vel quæ fiducia Romam,
Sexte ? quid aut speras, aut petis inde ? refer.
Causas, inquis, agam Cicerone disertius ipso,
Atque erit in triplici par mihi nemo foro.
Egit Atestinus causas, & Cajus : utrumque
Noras ; sed neutri pensio tota fuit.
Si nihil hinc veniet, pangentur carmina nobis ;
Audieris, dices esse Maronis opus.
Insanis : omnes gelidis quicunque lacernis
Sunt ibi, Nasones, Virgiliosque vides.
Atria magna colam : vix tres, aut quattuor ista
Res aluit ; pallet cætera turba fame.
Quid faciam ? suade : nam certum est vivere Romæ.
Si bonus es, casu vivere, Sexte, potes.

XXXIX.

De Lycori.

I Liaco similem puerum, Faustine, ministro
Lusca Lycoris amat : quam bene lusca videt ?

XL.

In Thelesinum.

Mutua quod nobis ter quinquagena dedisti
Ex opibus tantis, quas gravis arca premit :
Esse tibi magnus, Thelesine, videris amicus.
Tu magnus, quod das ? immo ego, quod recipis.

X L I.

De lacertâ celatâ.

Inferta phialæ Mentoris manu ducta
Lacerta vivit, & timetur argentum.

X L I I.

In Pollam.

Lomento rugas uteri quod condere tentas,
Polla; tibi ventrem, non mihi labra linis.
Simpliciter pateat vitium fortasse pusillum:
Quod tegitur, majus creditur esse malum.

X L I I I.

In Lentinum.

Mentiris juvenem tinctis, Lentine, capillis;
Tam subito corvus, qui modò cyncus eras.
Non omneis fallis; scit te Proserpina canum:
Personam capiti detrahet illa tuo.

X L I V.

In Ligurinum.

Occurrit tibi nemo quod libenter;
Quod quacunque vents, fuga est, & ingens
Circa te, Ligurine, solitudo:
Quid sit, scire cupis? nimis pœta es.
Hoc valdè vitium periculosum est.
Non tigris catulis citata raptis,
Non dipsas medio perusta sole,
Nec sis scorpius improbus timetur.
Nam tantos, rogo, quis ferat labores?
Et stanti legis, & legis sedenti:
Currenti legis, & legis cacanti.
In thermas fugio, sonas ad aurem;
Piscinam peto, non licet natare;
Ad cornam propero, tenes euntem;
Ad cornam venio, fugas sedentem;

G iv

Lassus dormio, fuscitas jacentem.

Vis, quantum facias mali, videre?

Vir justus, probus, innocens timeris.

X L V.

In eundem.

Fugerit an mensas Phœbus cœnamque Thyestæ,
 Ignoro; fugimus nos, Ligurine, tuam.
 Illa quidem lauta est, dapibusque instructa superbis;
 Sed nihil omnino, te recitante, placet.
 Nolo mihi ponas rhombos, mullumve bilibrem;
 Nec volo boletos, ostrea nolo: tace.

X L V I.

Ad Candidum.

Exigis à nobis operam sine fine togatam.
 Non eo; libertum sed tibi mitto meum.
 Non est, inquis, idem: multo plus esse probabo.
 Vix ego lecticam subsequar, ille feret.
 In turbam incideris, cunctos umbone repellet:
 Invalidum est nobis, ingeniumque latus.
 Quidlibet in causâ narraveris; ipse tacebo:
 At tibi tergeminum mugiet ille sophos.
 Lis erit; ingenti faciet convitia voce:
 Esse pudor vetuit fortia verba mihi.
 Ergo nihil nobis, inquis, præstabit amicus?
 Quidquid libertus, Candide, non poterit.

X L V I I.

De Basso, ad Faustinum.

Capena grandi porta qua pluit gutta,
 Phrygiumque matris Almo qua lavar ferrum,
 Horatiorum qua viret sacer campus,
 Et qua pusilli fervet Herculis fanum,
 Faustine, plenâ Bassus ibat in rhedâ,
 Omnes beati copias trahens ruris.
 Illic videres frutice nobili caules,

Et utrumque porrum, sessilesque lactucas,
 Pigroque ventri non inutiles betas:
 Illic coronam pinguibus gravem turdis,
 Leporemque læsum Gallici canis dente,
 Nondumque viſta lacteum faba porcum.
 Nec feriatus ibat ante carrucam,
 Sed tuta feno cursor ova portabat.
 Urbem petebat Bassus? immò rus ibat.

X L V I I I.

In Ollum.

Paupervis exstruxit cellam, sed vendidit Ollus
 Prædia: nunc cellam pauperis Ollus habet.

X L I X.

In invitatore.

Vejentana mihi misces, tibi Massica ponis:
 Olfacere hæc malo pocula, quàm bibere.

L.

Ad Ligurinum.

Hæc tibi, non alia, est ad cœnam causa
 vocandi, .

Versiculos recites ut, Ligurine, tuos.
 Deposui soleas: affertur protinus ingens
 Iger lactucas, oxygarumque liber.
 Alter porrigitur, dum fercula prima morantur.
 Tertius est, nec adhuc mensa secunda venit.
 Et quartum recitas, & quintum denique librum.
 Putidus est, toties si mihi ponis aprum.
 Quòd si non scombris scelerata poemata donas:
 Cœnabis solus jam, Ligurine, domi.

L I.

Ad Gallam.

Cum faciem laudo, cum miror crura, manusque;
 Dicere, Galla, soles: nuda placebo magis,

Et semper vitas communia balnea nobis.

Numquid, Galla, times, ne tibi non placeam?

L I I.

In Tongilianne.

EMta domus fuerat tibi, Tongiliane, ducenis:
Abstulit hanc nimium casus in urbe frequens.
Collatum est decies: rogo, non potes ipse videri
Incendisse tuam, Tongiliane, domum?

L I I I.

Ad Chloen.

ET vultu poteram tuo carere:
Et collo, manibusque, cruribusque;
Et mammis, natibusque, clunibusque;
Et, ne singula persequi laborem,
Tota te poterant, Chloë, carere.

L I V.

Ad Gallam.

CUm dare non possim, quod poscis, Galla,
rogantem.
Multo simpliciùs, Galla, negare potes.

L V.

In Gelliam.

QUòd quacunque venis, Cosmum migrare
putamus,
Et fluere excusso cinnama fusa vitro:
Nolo peregrinis placeas tibi, Gellia, nugis.
Scis, puto, posse meum sic bene olere capem.

L V I.

De Cisternâ Ravennate.

Sit cisterna mihi, quàm vinea, malo Ravennæ;
Cum possim multo vendere pluris aquam.

LVII.

De Eadem.

Callidus imposuit nuper mihi copo Ravennæ:
Cum peterem mixtum, vendidit ille merum.

LVIII.

Ad Bassum, de villa Faustini.

Bajana nostri villa, Basse, Faustini,
Non otiosis ordinata myrtetis,
Viduaque platano, consilique buxero,
Ingrata lati spatia detinet campi:
Sed rure vero, barbaroque lætatur.
Hic farta premitur angulo Ceres omni,
Et multa fragrat testa senibus autumnis.
Hic post Novembres, imminente jam Brumâ,
Seras putator horridus refert uvas.
Truces in altâ valle mugiant tauri,
Vitulusque inermi fronte prurit in pugnam.
Vagatur omnis turba sordidæ cortis;
Argutus anser, gemmeique pavones,
Nomenque debet quæ rubentibus pennis;
Et picta perdix, Numidicæque guttatæ,
Et impiorum Phasiana Colchorum,
Rhodias superbi feminas premunt galli;
Sonantque turres plausibus columbarum;
Gemit hinc palumbus, inde cereus turtur.
Avidi sequuntur villicæ sinum porci,
Matremque plenam mollis agnus expectat,
Cingunt serenum lactei focum vernæ,
Et larga festos lucet ad lares silva.
Non segnis albo pallet otio caupo;
Nec perdit oleum lubricus palæstrita;
Sed tendit avidis rete subdolum turdis,
Tremulæve captum lineâ trahit piscem.

Aut impeditam cassibus refert damam.
 Exercet hilares facilis hortus urbanos,
 Et pædagogo non iubente lascivi
 Parere gaudent villico capillati;
 Et delicatus opere fruitur eunuchus.
 Nec venit inanis rusticus salutator,
 Fert ille ceris cana cum suis mella,
 Metamque lactis: Saffinate de silva
 Somniculosos ille porrigit glires;
 Hic vagientem matris hispidæ fœtum,
 Alius coactos non amare capones.
 Et dona matrum vimineo ferunt textor
 Grandes proborum virgines colonorum.
 Facto vocatur latus opere vicinus;
 Nec avara servat crastinas dapes mensa:
 Vescuntur omnes, ebrioque non novit
 Satur minister invidere convivæ.
 At tu sub urbe possides famem mundam,
 Et turre ab altâ prospicis meras laurus,
 Furem Priapo non timente securus.
 Et vinitorem farre pascis urbano,
 Pictamque, portas otiosus ad villam
 Olus, ova, pullos, poma, caseum, mustum.
 Rus hoc vocari debet, an domus longè?

L I X.

De sutore & fullone.

Sutor cerdo dedit tibi, culta Bononia, munus:
 Fullo dedit Mutinæ; nunc ubi caupo dabit?

L X.

In Ponticum.

Cum vocor ad cornam, non jam venalis, ut antè,
 Cui mihi non eadem, quæ tibi, corna datur?
 Ostrea tu sumis stagno saturata Lucrino:

Sumitur inciso mytilus ore mihi.

Sunt tibi boleti; fungos ego sumo suillos.

Res tibi cum rhombo est: at mihi cum sparulo,
Cereus immodicis rurtur te clunibus implet;

Ponitur in caveâ mortua pica mihi.

Cur sine te cœno, cum tecum, Porrice, cornem?

Sportula quod non est, prosit; edamus idem.

L X I.

In Cinna.

Escè nihil dicis, quidquid petis, improbe Cinna:
Sì nil, Cinna, petis, nil tibi, Cinna, nego.

L X I I.

In Quintum.

Centenis quòd emis pueros, & sæpe ducenis;
Quòd sub rege Numa condita vina bibis;

Quòd constat decies tibi non spatiosa suppellex;

Lìbra quòd argenti millia quinque rapit:

Aurea quòd fundi pretio carruca paratur:

Quòd pluris mula est, quàm domus emta tibi,

Hæc animo credis magno te, Quinte, parare?

Falleris: hæc animus, Quinte, pusillus emit,

L X I I I.

In Cotilum.

Cotile, bellus homo es: dicunt hoc, Cotile, multi,
Audio: sed quid sit, dic mihi, bellus homo.

Bellus homo est, flexos qui digerit ordine crines;

Balsama qui semper, cinnama semper olet:

Cantica qui Nili, qui Gaditana susurrat:

Qui movet in varios brachia vulsa modos;

Inter femineas tota qui luce cathedras

Desidet, atque aliqua semper in aure sonat:

Qui legit hinc illinc missas, recipitque tabellas:

Pallia vicini qui refugit cubiti:

Qui scit, quam quis amet; qui per convivia currit:

Hirpini veteres qui bene novit avos.

Quid narras? hoc est, hoc est homo, Cotile Bellus?

Res prætricosa est, Cotile, bellus homo.

L X I V.

De Canio Rufo, ad Cassianum.

Sicenas, hilarem navigantium pernam,
Blandasque mortes, gaudiumque crudele,
Quas nemo quondam deserebat audiras,
Fallax Ulysses dicitur reliquisse.
Non miror: illud, Cassiane, mirarer,
Si fabulantem Canium reliquisset.

L X V.

Ad Diadumenum.

Quod spirat tenerâ malum mordente puella:
Quod de Corycio quæ venit aura croco:
Vinea quod primis floret cum cana racemis:
Gramina quod redolent, quæ modo carpsit ovis:
Quod myrtus, quod messor Arabs, quod succina
trita;
Pallidus Eoo thure, quod ignis olet:
Gleba quod æstivo leviter cum spargitur imbre:
Quod madidas nardo sparsa corona comas:
Hoc tua, sæve puer Diadumene, basia fragrant,
Quid, si tota dares, illa sine invidiâ?

L X V I.

In M. Antonium, de Ciceronis cæde.

Par scelus admisit Phariis Antonius armis;
Abscidit vultus ensis uterque sacros.
Illud, laurigeros ageres cum flata triumphos;

Hoc tibi, Roma, caput, cum loquereris, erat,
 Antoni tamen est pejo, quam caussa Pothini;
 Hic facinus domino præstitit, ille sibi.

L X V I I.

De pigris nautis.

Cessatis, pueri, nihilque môstis,
 Vatreño Rafinaque pigriores;
 Quorum per vada tarda navigantes,
 Lentos figitis ad celeusma remos.
 Jam prono Phaëtonte sudat Æthor,
 Exarsitque dies, & horâ lassos
 Interjungit equos meridianâ.
 At vos tam placidas vagi per undas
 Tutæ luditis otium carinæ.
 Non nautas puto vos, sed Argonautas.

L X V I I I.

Ad castam matronam.

Huc est usque tibi scriptus, matrona, libellus,
 Cui sint scripta rogas interiora? mihi.
 Gymnasium, thermæ, stadium est hac parte: recede,
 Exuimur; nudos parce videre viros.
 Hic jam deposito post vina rosasque pudore,
 Quid dicat, nescit faucia Terpsichore.
 Schemate nec dubio, sed apertè nominat illam,
 Quam recipit sexto mense superba Venus;
 Custodem medio statuit quam villicus orto;
 Opposita spectat quam proba virgo manu.
 Si bene te novi, longum jam lassâ libellum
 Ponebas; totum nunc studiosa legis.

L X I X.

Ad Cosconium.

Omnia quod scribis castis epigrammata verbis,
 Inque tuis nulla est mentula carminibus;
 Admiror, laudo; nihil est te sanctius uno:

At mea luxuriâ pagina nulla vacat.
 Hæc igitur nequam juvenes, facilesque puellæ,
 Hæc senior, sed quem torquet amica, legat..
 At tua, Cosconi, venerandaque, sanctaque verba
 A pueris debent, virginibusque legi.

L X X.

Ad Scævium.

Mæchus es Aufidiz, qui vir, Scævine, fuisti:
 Rivalis fuerat qui tuus, ille vir est.
 Cur aliena placet tibi, cui sua non placet uxor?
 Nunquid securus non potes arrigere?

L X X I.

In Nevolum.

Mentula cùm doleat puero; tibi, Nevole, culus:
 Non sum diyinus, sed scio quid facias,

L X X I I.

Ad Saufejam.

Vis futui, nec vis mecum, Saufeja, lavari.
 Nescio, quod magnum suspicer esse nefas,
 Aut tibi pannosæ pendent à pectore mammæ:
 Aut sulcos uteri prodere nuda times:
 Aut infinito lacerum patet inguen hiatus:
 At aliquid cunni prominet ore tui.
 Sed nihil est horum; credo, pulcherrima auda es,
 Si verum est, vitium pejus habes: fatua es,

L X X I I I.

In Phabum.

Dormis cum pueris mutoniatis,
 Et non stat tibi, Phœbe, quod stat illis,
 Quid vis me, rogo Phœbe, suspicari?
 Mollem credere te virum volebam:
 Sed rumor negat esse te cinædum.

LXXIV.

LXXIV.

In Gargilianum.

P Silothro faciem levas & dropace calvam.
 Nunquid tonsorem, Gargiliane, times?
 Quid facient unguēs? nam certē non potes illos
 Resina, Veneto nec refecare luto.
 Desine, si pudor est, miseram traducere calvam:
 Hoc fieri cunno, Gargiliane, solet.

LXXV.

Ad Luperum.

S Tare, Luperce, tibi jam pridem mentula desit:
 Luctaris demens tu tamen arrigere.
 Sed nihil crucē faciunt, bulbique salaces;
 Improba nec prosunt jam satureja tibi.
 Cœpisti puras opibus corrumpere buccas.
 Sic quoque non vivit sollicitata Venus.
 Mirari satis hoc quisquam, vel credere possit,
 Quæ non stat, magno stare, Luperce, tibi?

LXXVI.

In Bassum.

A Rrigis ad vetulas, fastidis, Bassē, puellas;
 Nec formosa tibi, sed moritura placet.
 Hic, rogo, non furor est, non est hæc mentula
 demens;
 Cum possis Hecubam, non potes Andromachen.

LXXVII.

In Batium.

N Ec nullus, nec te delectat, Bætica, turdus;
 Nec lepus est unquam, nec tibi gratus apex.
 Nec te liba juvant, nec sectæ quadra placentæ;
 Nec Lybye mittit, nec tibi Phasis aves.
 Capparin, & putri cepas alece natantes,
 Et pulpam dubio de petasone voras.

H

Teque juvant gerres, & pelle melandrya cana;
 Resinata bibis vina, Falerna fugis.
 Nescio, quod stomachi vitium secretius esse
 Suspicer. Utque enim, Bætice, saproflagis?

L X X V I I I.

Ad Paullinum.

M Inxisti currente semel, Paulline, carina.
 Meicro vis iterum? jam Palinurus eris.

L X X I X.

In Sertorium.

R Em peragit nullam Sertorius, inchoat omnes:
 Hunc ego, cum futuit, non puto perficere.

L X X X.

Ad Apicium.

D E nullo quæreris, nulli maledicis, Apici;
 Rumor ait, linguæ te tamen esse malæ.

L X X X I.

In Baticum Gallum, fellatorem.

Q Uid cum femineo tibi, Bætice Galle, barathro?
 Hæc debet medios lambere lingua viros.
 Abscissa est quare Samia tibi mentula testa,
 Si tibi tam gratus, Bætice, cunnus erat?
 Castrandum caput est: nam sis licet inguine Gallus,
 Sacra tamen Cybeles decipis; ore vir es.

L X X X I I.

In Zoilum.

C Onviva quisquis Zoili potest esse,
 Summcœnianas cœnet inter uxores,
 Curtaque Leda sobrius bibat testa:
 Hoc esse levius, puriusque contendo.
 Jacet occupato galbinatus in lecto,
 Cubitisque trudit hinc & inde convivas,

Effultus ostro, sericisque pulvinis.
 Stat exoletus, suggeritque ructanti
 Pinnae rubeantes, cuspidisque lentisci;
 Et æstuantî tenue ventilat frigus
 Supina prasino concubina flabello;
 Fugatque muscas myrthea puer virga
 Percurrit agili corpus arte tractatrix,
 Manumque doctam spargit omnibus membris.
 Digni crepantis signa novit eunuchus,
 Et delicatæ suscitator urinæ
 Domini bibentis ebrium regit penem.
 At ipse retrò flexus ad pedum turbam
 Inter catellas anserum exta lambentes
 Partitur apri glandulas palæstritis,
 Et concubino turturum nates donat;
 Ligurumque nobis saxa cum ministrantur,
 Vel cocta fumis musta Massilitanis,
 Opimianum morionibus nectar
 Crystallinisque myrrhinisque propinat.
 Et Cosmianis ipse fufus ampullis,
 Non erubescit murice aureo nobis
 Dividere mœchæ pauperis capillare.
 Septunce multo deinde perditus stertit:
 Nos accubamus, & silentium ronchis
 Præstare iussi, nutibus propinamus.
 Hos Malchionis patimur improbi fastus,
 Nec vindicare, Rufe, possumus: fellat.

L X X X I I I.

In Coclitem.

UT faciam breviora mones epigrammata, Cocles;
 Fac mihi, quod Chione: non potui brevius.

L X X X I V.

In Tongilionem.

Quid narrat tua mœcha? non puellam.
 Dixi, Tongilion: quid ergo? linguam.

H ij

In seivum maritum.

Quis tibi persuasit nares abscindere mercho?
 Non hac peccatum est parte, marite, tibi-
 stulte, quid egisti? nihil hinc tua perdidit uxor,
 Cum sit salva sui mentula Deiphobi.

Ad castam matronam.

Ne legeres partem lascivi, casta, libelli,
 Prædixi, & monui, tu tamen, ecce, legis.
 Sed si Panniculum, si spectas, casta, Latinum:
 Non sunt hæc mimis improbiore; lege.

In Chionem.

Narrat te rumor, Chione, nunquam esse fututam,
 Atque nihil cunno purius esse tuo.
 Testa tamen non hac, qua debes, parte lavaris:
 Si pudor est, transfer subligar in faciem.

In fratres fellatores.

Sunt gemini fratres; diversa sed inguina lingunt.
 Dicite, dissimiles sint magis, an similes?

Ad Phœbum.

Utere lactucis, & mollibus utere malvis:
 Nam faciem durum, Phœbe, cacantis habes.

De Galla.

Vult, non vult dare Galla mihi; nec dicere
 possum,
 Quod vult, & non vult, quid sibi Galla velit.

X C I.

De Mifitio.

CUm peteret patriæ Mifitius arva Ravennæ,
 Semiviro Cybeles cum grege junxit iter.
 Huic comes hærebat domini fugitivus Achilles,
 Insignis formâ nequitiaque puer.
 Hoc steriles sensere viri; qua parte cubaret,
 Quærunr; sed tacitos sensit & ille dolos.
 Mentitur; credunt: somni post vina petuntur;
 Continuo ferrum noxia turba rapit,
 Exciduntque senem, spondæ qui parte jacebat:
 Namque puer pluteo vindice tutus erat.
 Suppositam fama est quondam pro virgine cervam;
 At nunc pro cervo mentula supposita est.

X C I I.

Ad Gallum.

UT patiar mæchum rogat uxor, Galle; sed unum
 Huic ego, non oculos cruo, Galle, duos.

X C I I I.

In Vetustillam.

CUm tibi trecenti consules, Vetustilla,
 Et tres capilli, quatuorque sint dentes,
 Pectus cicadæ, cruscumque formicæ:
 Rugosiore cum geras stola frontem,
 Et araneorum cassibus pares mammas:
 Cum comparata rectibus tuis ora
 Niliacus habeat crocodilus angusta,
 Meliusque ranæ garriant Ravennates;
 Et Adrianus dulcius culex canter,
 Videasque quantum noctuæ vident mane,
 Et illud oleas, quod viri capellarum;
 Et anatis habeas orropygium macræ,
 Senemque Cynicum vincat offeius cunus:
 Cum te lucerna balneator extincta

Admittat inter bustuarias morehas :
 Cum Bruma mensem sit tibi per Augustum,
 Regelare nec te pestilentia possit ;
 Audes ducentas nuptum ire post mortes,
 Virumque demens cineribus tuis quæris
 Prurire. Quid ! sarrire si velit faxum ;
 Quis conjugem te, quis vocabit uxorem,
 Philomelus aviam quam vocaverat nuper ?
 Quod si cadaver exigis tuum scalpi ;
 Sternatur à Coricle clinico lectus,
 Thalassionem qui tuum decet solus ;
 Ustorque tedas præferat novæ nuptæ.
 Intrare in istum sola fax potest cumnum.

X C I V.

In Rufum.

E Sse negas cœtum leporem, poscisque flagella :
 Mavis, Rufe, coquum scindere, quam leporem.

X C V.

In Nævolum.

N Unquam dicis ave, sed reddis, Nævole, semper.
 Quod prior & corvus dicere sæpe solet.
 Cur hoc exspectes à me, rogo, Nævole, dicas :
 Nam, puto, nec melior, Nævole, nec prior es.
 Præmia laudatè tribuit mihi Cæsar uterque,
 Natorumque dedii jura paterna trium.
 Ore legor multo, notumque per oppida nomen
 Non exspectato dat mihi fama rogo.
 Est & in hoc aliquid ; vidit me Roma tribunum ;
 Et sedeo qua te suscitât Oceanus.
 Quot mihi Cæsareo facti sunt munere cives,
 Nec famulos totidem suspicor esse tibi.
 Sed pædicaris ; sed pulchrè, Nævole, ceyes :
 Jam jam tu prior es, Nævole : vincis ; ave.

XCVI.

In Gargilium.

Lingis, non futuis meam puellam,
Et garris quasi morchus, & fututor.
Si te prendero, Gargili, tacebis.

XCVII.

In Sabellum.

Sit culus tibi quàm macer, requiris?
Pædicare potes, Sabelle, culo.

XCVIII.

Ad Rufum.

Ne legat hunc Chione, mando tibi, Rufe, libellum,
Carminè læsa meo est, lædere & illa potest.

XCIX.

Ad Cerdonem.

Iraci nostro non debes, cerdo, libello.
Ars tua, non vita est carminè læsa meo.
Innocuos permitte sales; cur ludere nobis
Non liceat, licuit si jugulare tibi?

C.

Ad Rufum.

Curforem sextâ tibi, Rufe, remisimus horâ,
Carmina quem madidum nostra tulisse reor:
Imbribus immedicis cœlum nam fortè ruebat.
Non aliter mitti debuit iste liber.



M. VAL. MARTIALIS
EPIGRAMMATUM
LIBER IV.

EPIGRAMMA PRIMUM.

De natali Caesaris.

CÆSARIS alma dies, & luce sacratio illa,
Conscia Dictæum qua tulit Ida Jovem,
Longa precor, Pylloque veni numerosior ævo;
Semper & hoc vultu, vel meliore, nite.
Hic colat Albano Tritonida multus in auro,
Perque manus tantas plurima quercus eat.
Hic colat ingenti redeuntia secula lustro,
Et quæ Romuleus sacra Terentus habet.
Magna quidem, Superi, petimus; sed debita terris,
Pro tanto quæ sunt improba vota Deo?

I I.

De Horatio spectaculorum die indecenter vestito.

Spectabat modò solus inter omneis
Nigris munus Horatius lacernis,
Cum plebs, & minor ordo, maximusque
Sancto cum Duce candidus sederet.
Toto nix cecidit repentè cœlo:
Albis spectat Horatius lacernis.

I I I.

De nivibus ejusdem diei.

Adspice quam densum tacitarum vellus aquarum
Defluat in vultus Cæsaris, inque sinus.
Indulget tamen ille Jovi, nec vertice moto
Concretas

Concretas pigro frigore ridet aquas,
Sidus Hyperborei solitus lassare Bootæ,
Er madidis Helicem dissimulare comis.
Qui siccis lascivit aquis, & ab æthere ludit;
Suspikor has pueri Cæsaris esse nives.

I V,

In Bassam,

QUod siccz redolet palus lacunæ,
Crudarum nebulæ quod Albularum,
Piscinæ vetus aura quod marinæ.
Quod pressa piger hircus in capella,
Lassi Bardiacos quod evocati,
Quod his murice vellus inquinatum,
Quod jejunia Sabbatariorum;
Mæstorum quod anhelitus reorum,
Quod spurcæ moriens lucerna Ledæ,
Quod ceromata fæce de Sabinâ,
Quod vulpis fuga, viperæ cubile,
Mallem, quàm quod oles, olere Bassa,

V.

Ad Fabianum,

VIr bonus, & pauper, linguæque & pectore verus,
Quid tibi vis, urbem quæ, Fabiane, petis?
Qui nec leno potes, nec commessator haberi,
Nec pavidos tristi voce citare reos:
Nec potes uxorem cari corrumpere amici:
Nec potes argentes arrigere ad vetulas:
Vendere nec vanos circum pallaria fumos:
Plaudere nec Cano, plaudere nec Glaphiro.
Unde miser vivēs, homo fidus, certus amicus?
Hoc nihil est. Nunquam sic Philomelus eris,

In Malisianum.

CRedi virgine castior pudicâ,
Et frontis teneræ cupis videri,
Cum sis improbior, Malisiane,
Quàm qui compositos metro Tibulli,
In Stellæ recitat domo libellos.

VII.

Ad Hyllum.

CUr here quod dederas, hodie, puer Hyllè,
negasti?
Durus tam subito, qui modò mitis eras?
Sed jam caussaris barbamque, annosque, pilosque.
O nox quàm longa es, quæ facis una senem!
Quid nos derides? here qui puer, Hyllè, fuisti,
Dic nobis, hodie quâ ratione vir es?

VIII.

Ad Euphemum.

PRima salutantes atque altera conterit hora:
Exercet raucos tertia caussidicos:
In quintani varios extendit Roma labores;
Sexta quies lassis, septima finis erit.
Sufficit in nonam nitidis octava palæstris:
Imperat excelsos frangere nona toros.
Hora libellorum decima est, Eupheme, meorum,
Temperat ambrosias cum tua cura dapes;
Et bonus ætherio laxatur nectare Cæsar,
Ingentique tenet pocula parca manu.
Tunc admitte jocos: gressu timet ire licenti
Ad matutinum nostra Thalia Jovem.

In Fabullam.

S Otæ filia clinici, Fabulla,
Deserto sequeris Clitum marito,
Et donas & amas, ἰχὺς ἀσώτου.

X.

Faustino librum mittis.

D Um novus est, neque adhuc rasâ mihi fronte
libellus;
Pagina dum tangi non bene sicca timet;
I puer, & caro perfer leve munus amico,
Qui meruit nugas primus habere meas,
Curre, sed instructus; comitetur Punica librum
Spongia: muneribus convenit illa meis.
Non possunt nostros multæ, Faustine, lituræ
Emendare jocos: una litura potest.

XI.

In Ant. Saturninum,

D Um nimium vano tumefactus nomine gaudes,
Et Saturninum te miser esse pudet:
Impia Parrhasiâ movisti bella sub ursâ,
Qualia qui Phariæ conjugis arma tulit.
Excideratne adeo fatum tibi nominis hujus,
Obruit Aëtiaci quod gravis ira freti?
An tibi promisit Rhenus, quod non dedit illi
Nilus; & Arctois plus licuisset aquis?
Ille etiam nostris Antonius occidit armis,
Qui tibi collatus, perfide, Cæsar erat.

XII.

In Thaidem.

N ulli, Thai, negas; sed si te non pudet istud,
Hoc saltem pudeat, Thai, negare nihil.

XIII.

Ad Rufum, de nuptiis Pudentis & Claudie Peregrinae.

Claudia, Rufe, meo nubit Peregrina Pudenti;
 Maeste esto tedis, ô Hymenæe, tuis.
 Tam bene rara suo miscentur cinnama nardo;
 Massica Theseis tam bene vina favis.
 Nec melius teneris junguntur vitibus ulmi;
 Nec plus lotus aquas, littora myrtus amat.
 Candida perpetuo reside Concordia lecto;
 Tamque pari semper sit Venus æqua jugo.
 Diligat illa senem quondam: sed & ipsa marito,
 Tunc quoque cum fuerit, non videatur anus.

XIV.

Ad Silium Italicum.

Sili Castalidum decus sororum,
 Qui perjuria barbari furoris
 Ingenti premis ore, perfidosque
 Astus Hannibalis, levesque Pœnos
 Magnis cedere cogis Africanis;
 Paulum sepositâ severitate,
 Dum blandâ vagus aleâ December
 Incertis sonat hinc & hinc fritillis,
 Et ludit Pota nequiore talo;
 Nostris omnia commoda Camœnis.
 Nec torvâ lege fronte, sed remisit
 Lascivis madidos jocis libellos.
 Sic forsan tener ausus est Catullus
 Magno mittere passerem Maroni.

XV.

Ad Cæciliam.

Mille tibi nummos hesternâ nocte roganti
 In sex aut septem, Cæciliæ, dies,
 Non habeo, dixi: sed tu causatus amici
 Adventum, lancem paucaque vasa rogas.

Stultus es? an stultum me credis, amice? negavi
Mille tibi nummos: millia quinque dabo?

X V I.

In Gallum.

PRivignum non esse tuæ te, Galle, novercæ
Rumor erat, conjux dum fuit illa patris.
Non tamen hoc poterat vivo genitore probari.
Jam nusquam pater est, Galle, noverca domi est.
Magnus ab infernis revocetur Tullius umbris,
Et te defendat Regulus ipse licet:
Non potes absolvi; nam quæ non desinit esse
Post patrem, nunquam, Galle, noverca fuit.

X V I I.

Ad Paullum.

FAcere in Lyciscam, Paulle, me jubes versus.
Quibus illa lectis rubeat, & sit irata.
O Paulle, malus es: irrumare vis solus.

X V I I I.

De puero fillicidii glacie jugulato.

QUa vicina pluit Vipsanis porta columnis,
Et madet assiduo lubricus imbre lapis,
In jugulum pueri, qui roscida testa subibat,
Decidit hyberno prægravis unda gelu.
Cumque peregisset miseri crudelia fata,
Tabuit in calido vulnere mucro tener.
Quid non sæva sibi voluit Fortuna licere?
Aut ubi mors non est, si jugulatis aquæ?

X I X.

De endromide.

HANC tibi Sequanica pinguem textricis alumnam,
Quæ Lacedæmonium barbara nomen habet;
Sordida, sed gelido non aspernanda Decembri
Dona, peregrinam mittimus endromida.

I iij



Seu lentum ceroma teris ; tepidumve trigona ,
 Sive harpasta manu pulverulenta rapis ;
 Plumea seu laxi partiris pondera follis ;
 Sive levem cursu vincere quæris Atham ;
 Ne madidos intret penetrabile frigus in artus ,
 Neve gravis subitâ te premat Iris aquâ ;
 Ridebis ventos hoc munere tectus , & imbres :
 Nec sic in Tyriâ sindone tutus eris.

X X.

De Carellia & Gellia.

Dicit se vetulam , cùm sit Carellia puppa :
 Puppam se dicit Gellia , cùm sit anus.
 Ferre nec hanc possis , possis , Coline , nec illam :
 Altera ridicula est , altera putidula.

X X I.

De Selio.

Nillos esse deos , inane cœlum
 Affirmat Selius , probatque ; quod se
 Factum , dum negat hoc , videt beatum.

X X I I.

De Cleopatra.

Primos passa toros , & adhuc placanda marito ,
 Merserat in nitidos se Cleopatra lacus ,
 Dum fugit amplexus ; sed prodidit unda latentem :
 Lucebat totis cùm tegetetur aquis.
 Candida sic puro numerantur lilia vitro :
 Sic prohibet tenuis gemma latere rosas.
 Infilui , mersusque vadis luctantia carpsi
 Bassa : perspicuæ plus vetuistis aquæ.

X X I I I.

De Brutiano.

Dum tu lenta nimis , diuque quæris ,
 Quis primus tibi , quisve sit secundus ;

Grajum quisve epigramma comparabit ;
 Palmam Callimachus, Thalia, de se
 Facundo dedit ipse Brutiano.
 Qui si Cecropio satur lepore,
 Romanæ sale luserit Minervæ:
 Illi me facias, precor, secundum.

X X I V.

De Lycori, ad Fabianum.

OMnes, quas habuit, Fabiane, Lycoris amicas
 Extulit: uxori fiat amica meæ!

X X V.

De litoribus Altinii & Aquileia.

ÆMula Bajanis Altini litora villis,
 Et Phaetontei conscia silva rogi,
 Quæque Antenoreo Dryadum pulcherrima Faune
 Nupsit ad Euganeos sola puella lacus;
 Et tu Ledæo felix Aquileja Timavo,
 Hic ubi septenas Cyllarus hausit aquas;
 Vos eritis nostræ portus, requiesque senectæ,
 Si juris fuerint otia nostra sui.

X X V I.

Ad Posthumum.

QUod te manè domi toto non vidimus anno,
 Vis dicam, quantum, Posthume, perdiderim?
 Tricenos, puto, bis; videnos ter, puto, nummos.
 Ignoscas: rogulam, Posthume, pluris emo.

X X V I I.

Ad Casarem.

SÆpe meos laudare soles, Auguste, libellos.
 Invidus, ecce, negat: non minus ergo soles.
 Quid, quod honorato non solâ voce dedisti,
 Non alius poterat quæ dare dona mihi?

Ecce iterum nigros corrodit lividus unguis.

Da, Cæsar, tanto tu magis ut doleat.

XXVIII.

De Chloë.

DOnasti tenero, Chloë, Lupercò
 Hyspanas, Tyriasque, coccinasque
 Et lotam tepidò togam Galeo,
 Indos sardonichas, Scythas smaragdos,
 Et centum dominos novæ monetæ;
 Et quidquid petit usque & usque donas:
 Væ glabraria, væ tibi misella:
 Nudam te statuet tuus Lupercus.

XXIX.

Ad Pudentem.

Obstat, care Pudens, nostris sua turba libellis;
 Lectorèmque frequens lassat & implet opus.
 Rara juvant: primis sic major gratia pomis;
 Hibernæ pretium sic meruere rosæ.
 Sic spoliatricem commendat fastus amicam;
 Janua nec juvenem semper aperta tenet.
 Sæpius in libro memoratur Persius uno,
 Quàm levis in totâ Marsus Amazonide.
 Tu quoque de nostris releges quemcunque libellis,
 Esse puta solum: sic tibi pluris erit.

XXX.

De piscibus Bajanis.

BAjano procul à lacu monemus,
 Piscator, fuge, ne nocens recedas.
 Sacris piscibus hæ natantur undæ,
 Qui norunt dominum, manumque lambunt
 Illam, quâ nihil est in orbe majus.
 Quid, quodd nomen habent, & ad magistrâ
 Vocem quisque sui venit citatus?

Hoc quondam Lybis improbus profundo,
 Dum prædam calamo tremente ducit,
 Raptis luminibus repentè cæcus
 Captum non potuit videre piscem;
 Et nunc sacrilegos perosus hamos,
 Bajanos sedet ad lacus rogator.
 At tu, dum potes, innocens recede,
 Jactis simplicibus cibus in undas;
 Et pisces venerare dedicatos.

X X X I.

Ad Hippodamum.

QUOD cupis in nostris dicitque, legique libellis,
 Et nonnullus honos creditur esse tibi:
 Ne valeam, si non res est gratissima nobis,
 Et volo te chartis inseruisse meis.
 Sed tu nomen habes aversâ fronte sororum
 Impositum, mater quod tibi dura dedit:
 Quod nec Melpomene, quod nec Polyhymnia possit,
 Nec pia cum Phœbo dicere Calliope.
 Ergo aliquod gratum Musis tibi nomen adopta,
 Non semper bellè dicitur Hippodamus.

X X X I I.

De ape electro inclusa.

ET latet, & lucet Phaëthontide condita gutta,
 Ut videatur apis nectare clusa suo.
 Dignum tantorum pretium tulit illa laborum:
 Credibile est ipsam sic voluisse mori.

X X X I I I.

Ad Sosibianum.

PLENA laboratis habeas cùm scrinia libris,
 Emitteris quare, Sosibiane, nihil?
 Edent heredes, inquis, mea carmina: quando
 Tempus erat jam te, Sosibiane, legi.

XXXIV.

Ad Attalum.

Sordida cùm tibi sit, verum tamen, Attale, dixit,
Quisquis te niveam dixit habere togam.

XXXV.

De pugna damarum.

Frontibus adversis molles concurrere damas
Vidimus, & fati sorte jacere pari.
Spectavere canes prædam; stupuitque superbus
Venator, cultro nil superesse suo.
Unde leves animi tanto caluere furore?
Sic pugnant tauri, sic cecidere viri.

XXXVI.

Ad Ollum.

Cana est barba tibi, nigra est coma: tingere barbam
Non potes, hæc causa est; sed potes, Oll, comam.

XXXVII.

Ad Afrum.

Centum Coranus, & ducenta Mancinus;
Trecenta debet Titius, hoc bis Albinus,
Decies Sabinus, alterumque Serranus:
Ex insulis, fundisque tricies soldum,
Ex pecore redeunt ter ducena Parmensi;
Totis diebus, Afer, hoc mihi narras;
Et teneo melius ista, quam meum nomen.
Numeres oportet aliquid, ut pati possim:
Quotidianam refice nauseam nummis.
Audire gratis, Afer, ista non possum.

XXXVIII.

Ad Gallam.

Galla, nega; satiatur amor; nisi gaudia torquent:
Sed noli nimium, Galla, negare diu.

X X I X.

Ad Charinum.

Argenti genus omne comparasti ;
 Et solus veteres Myronis artes ,
 Solus Praxitelis manus , Scopæque ,
 Solus Phidiaci toreuma cæli ,
 Solus Mentoreos habes labores.
 Nec defunt tibi verâ Grantiana ,
 Nec quæ Callaïco linuntur auro ,
 Nec mensis anaglypta de paternis.
 Argentum tamen inter omne , miror ,
 Quare non habeas , Charine , purum.

X L.

Ad Posthumum.

Atria Pisonum stabant cum stemmate toto ,
 Et docti Senecæ ter numeranda domus ;
 Prætulimus tantis solum te , Posthume , regnis :
 Pauper eras , & eques , sed mihi consul eras.
 Tecum ter denas numeravi Posthume , brumas ;
 Communis nobis lectus & unus erat.
 Jam donare potes , jam perdere , plenus honorum ,
 Largus opum : exspecto , Posthume , quid facias.
 Nil facis , & serum est alium mihi querere regem.
 Hoc , Fortuna , placet ? Posthumus imposuit.

X L I.

In malè recitantem.

Quid recitaturus circumdas vellera collo ?
 Conveniunt nostris auribus illa magis.

L X I I.

Ad Flaccum.

Si quis fortè mihi posset præstare roganti ,
 Audi , quem puerum , Flacce , rogare velim.
 Niliacis primum pueris nascatur in oris :

Nequitias tellus scit dare nulla magis.
 Sit nive candidior : namque in Mareotide fusca
 Pulchrior est , quanto rarior iste color.
 Lumina sideribus certent , mollesque flagellent
 Colla comæ : tortas non amo , Flacce , comas.
 Frons brevis , atque modus breviter sit naribus uticis ;
 Pæstantis rubeant æmula labra rosis.
 Sæpe & nolentem cogat , nolitque volentem :
 Liberior domino sæpe sit ille suo.
 Et timeat pueros , excludat sæpe puellas.
 Vir reliquis , unum sit puer ille mihi.
 Jam scio , nec fallis ; nam me quoque iudice verum
 est :
 Talis erat , dices , noster Amazonicus .

X L I I I.

In Coracinum.

Non dixi , Coracine , te cinædum :
 Non sum tam temerarius , nec audax ,
 Nec mendacia qui loquar libenter.
 Si dixi , Coracine , te cinædum ,
 Iratam mihi Ponticæ lagenam ,
 Iratum calicem mihi Metili.
 Juro per Syrios tibi tumores ,
 Juro per Berecynthios furores.
 Quod dixi tamen , hoc leve & pusillum est ;
 Quod notum est , quod & ipse non negabis :
 Dixi te , Coracine , cunnilingum.

X L I V.

De Vesuvio monte.

Hic est pampineis viridis modo Vesuvius umbris :
 Preflerat hic madidos nobilis uva lacus.
 Hæc juga , quam Nyxæ colles , plus Bacchus amavit :
 Hoc nuper Satyri monte dedere choros.
 Hæc Veneris sedes , Lacedæmone gratior illi :

Hic locus Herculeo nomine clarus erat.
Cuncta jacent flammis, & tristi merfa favillâ:
Nec superi vellent hoc licuisse sibi.

X L V.

Votum Parthenii ad Phœbum, pro Burro F.

HÆc tibi pro nato plena dat lætus acerra,
Phœbe, Palatinus munera Parthenius;
Ut qui prima novo signat quinquennia lustro,
Impleat innumeras Burrus Olympiadas.
Fac rata vota patris; sic te tua diligat arbor,
Gaudeat & certâ virginitate soror.
Perpetuo sic flore mices: sic denique non sint
Tam longæ Bromio, quàm tibi, Phœbe, comæ.

X L V I.

De Sabello.

Saturnalia divitem Sabellum
Fecerunt: meritò tumet Sabellus;
Nec quemquam putat esse, prædicatque
Inter caussidicos beatiorum.
Hos fastus, animosque dat Sabello
Farris semodius, fabæque fressæ,
Et thuris, piperisque tres selibræ,
Et Lacanica ventre cum Falisco,
Et nigri Syra defruti lagena,
Et ficus Libyca gelata testa,
Cum bulbis, cochleisque, caseoque,
Piceno quoque venit à cliente
Parcæ cistula non capax olivæ,
Et crasso figuli polita cœno
Septenaria synthesis Saguntî,
Hispanæ luteum rotæ toreuma,
Et lato variata mappa clavo.
Saturnalia fructuosiora
Annis non habuit decem Sabellus,

XLVII.

De Phaëtonte encaustico.

ENcaustus Phaëthon tabulâ depictus in hac est.
Quid tibi vis, dipylon qui Phaëtona facis?

XLVIII.

In Papilum.

Percidi gaudes; percisus, Papile, ploras:
Cur quæ vis fieri, Papile, facta doles?
Pœnitet obscenæ pruriginis? an magis illud
Fles, quod percidi, Papile, desieris?

XLIX.

Ad Flaccum.

Nescis, crede mihi, quid sint epigrammata,
Flacce,
Qui tantum lusus illa jocosque putas.
Ille magis ludit, qui scribit prandia sævi
Tereos, aut cœnam crude Thyesta, tuam:
Aut puero liquidas aptantem Dædalon alas;
Pascentem Siculas aut Polyphemon aves.
A nostris procul est omnis vesica libellis,
Musa nec infano symmate nostra tumet.
Illa tamen laudant omnes, mirantur, adorant.
Confiteor: laudant illa; sed ista legunt.

L.

In Thaidem.

Quid me, Thai, senem subinde dicis?
Nemo est, Thai, senex ad irrumandum.

LI.

Ad Cæcilianum.

Cum tibi non essent sex milia, Cæciliane,
Ingenti laxè vectus es hexaphoro.
Postquam bis decies tribuit Dea cæca, sinumque

Ruperunt nummi, factus es, ecce, pedes.
 Quid tibi pro meritis, & tantis laudibus optem?
 Dî reddant sellam, Cæciliane, tibi.

L I I.

In Hedylum.

G Estari junctis nisi desinis, Hedyle, capris,
 Qui modò ficus eras, jam caprificus eris.

L I I I.

Ad Cosmum.

H Unc, quem sæpe vides inter penetralia nostræ
 Pallados, & templi limina, Cosme, novi,
 Cum baculo, perâque senem: cui cana, putrisque
 Stat coma, & in pectus fordida barba cadit:
 Cerea quem nudi tegit uxor abolla grabati:
 Cui dat latratos obvia turba cibos:
 Esse putas Cynicum, deceptus imagine falsâ.
 Non est hic Cynicus, Cosme: quid ergo? canis,

L I V.

Ad Colinum.

O Cui Tarpejas licuit contingere quercus,
 Et meritas primâ cingere fronde comas;
 Si sapis, utaris totis, Coline, diebus,
 Extremumque tibi semper adesse putes.
 Lanificas nulli tres exorare puellas
 Contigit: observant, quem statuere, diem.
 Divitior Crispo, Thrasea constantior ipso,
 Lautior & nitido sis Meliore licet;
 Nil adicit penso Lachesis, fufosque fororum
 Explicat, & semper de tribus una fecat,

L V.

Ad Lucium.

L Uci, gloria temporum tuorum,
 Qui Grajum veterem, Tagumque nostrum

Arpis cedere non finis difertis ;
 Argivas generatus inter urbes
 Thebas carmine cantet, aut Mycenæ,
 Aut claram Rhodon, aut libidinose
 Lædæas Lacedæmonis palæstras.
 Nos Celtis genitos, & ex Iberis,
 Nostræ nomina duriora terræ
 Grato non pudeat referre versu ;
 Sævo Bîbîlin optimam metallo,
 Quæ vincit Chalybasque, Noricosque ;
 Ex ferro Plateam suo sonantem,
 Quam fluctu tenui, sed inquieto,
 Armorum Salo temperator ambit ;
 Tutelamque, chorosque Rixamarum,
 Et convivia festa Carduarum,
 Ex textis Peteron rosis rubentem,
 Atque antiqua patrum Theatra Rigas ;
 Et certos jaculo levi Silaos ;
 Turgentisque lacus, Petusque,
 Et parvæ vada pura Vetoniæ,
 Et sanctum Baradonis ilicetum,
 Per quod vel piger ambulat viator ;
 Et quæ fortibus excolit juvencis
 Curvæ Manlius arva Matineffæ.
 Hæc tam rustica, delicate lector,
 Rides nomina ? rideas licebit.
 Hæc tam rustica malo, quàm Bituntos,

L V I.

In Gargilianum.

M Unera quèd senibus, viduisque ingentia mittis,
 Vis te munificum, Gargiliane, vocem.
 Sordidius nihil est, nihil est te spurcius uno,
 Qui potes infidias dona vocare tuas.
 Sic avidis fallax indulget piscibus hamus ;
 Callida sic stultas decipit esca ferax,

Quid

Quid sit largiri, quid sit donare, docebo.
Si nescis: dona, Gargiliane, mihi.

L V I I.

Ad Faustinum.

DUm nos blanda tenent lascivi stagna Lucrini;
Et quæ pumiceis fontibus antra calent:
Tu colis Argivi regnum, Faustine, coloni,
Quo te bis decinius ducit ab urbe lapis.
Horrida sed fervent Nemæi pectora monstri;
Nec satis est, Bajas igne calere suo.
Ergo sacri fontes, & litora sacra valere,
Nympharum pariter, Nereidumque domus.
Herculeos colles gelidâ vos vincite brumâ:
Nunc Tiburtinis cedite frigoribus.

L V I I I.

In Gallam.

IN tenebris luges amissum, Galla, maritum:
Nam plorare pudet te, puto, Galla, virum.

L I X.

De viperâ electro inclusâ.

FLentibus Heliadum ramis dum vipera repit,
Fluxit in obstantem succina gutta seram:
Quæ dum miratur pingui se rore teneri,
Concreto riguit vincula repentè gelu.
Ne tibi regali placeas, Cleopatra, sepulcro,
Vipera si tumulto nobiliore jacet.

L X.

De obitu Curvati.

ARdea solstitio, Castranaque rura petantur,
Quique Cleonæo sidere fervet ager:
Cum Tiburtinas damnet Curvati auras,
Inter laudatas ad Styga missus aquas

K

Nulla fata loco possis excludere : cum mors
Venerit, in medio Tiburre Sardinia est.

L X I.

In Mancinum.

Donasse amicum tibi ducenta, Mancine,
Nuper superbo letus ore iactasti.
Quartus dies est, in scholâ poetarum
Dum fabulamur, millibus decem dixi
Emtas lacernas munus esse Pompillæ;
Sardonicha verum, lineisque ter cinctum,
Duasque similes fluctibus maris gemmas
Dedisse Bassam, Cæliamque iurasti.
Here de theatro, Pollione cantante,
Cum subito adires, dum fugis, loquebaris,
Hereditatis tibi trecenta venisse,
Et manè centum, & post meridiem centum.
Quid tibi sodales fecimus mali tantum?
Misereſc jam crudelis, & sile tandem.
Aut, si tacere lingua non potest ista,
Aliquando narra, quod velimus audire.

L X I I.

De Lycori.

Tibur in Herculeum migravit nigra Lycoris;
Omnia dum fieri candida credit ibi.

L X I I I.

De Cærellia.

Dum petit à Baulis mater Cærellia Bajas,
Occidit infani crimine merſa freti.
Gloria quanta perit vobis! hæc monstra Neroni
Nec quondam iussæ præstiteratis aquæ.

L X I V.

De hortis Julii Martialis.

JUlî jugera pauca Martialis,
 Hortis Hesperidum beatiora,
 Longo Janiculi jugo recumbunt.
 Lati collibus imminent recessus;
 Et planus modico tumore vertex
 Cœlo perfruitur serenior;
 Et curvas nebulâ tegente valles
 Solus luce nixet peculiari:
 Puris leniter admoventur astris
 Celsæ culmina delicata villæ,
 Hinc septem dominos videre montes,
 Et totam licet æstimare Romam:
 Albanos quoque, Tusculosque colles,
 Et quodcunque jacer sub urbe frigus:
 Fidenas veteres, brevesque Rubras;
 Et quod virgineo cruore gaudet,
 Annæ pomiferum nemus Perannæ.
 Illic Flaminiz, Salarizque
 Gestator patet, effêdo tacente,
 Ne blando rota sit molesta somno;
 Quem nec rumpere nauticum celeusma,
 Nec clamor valet helciariorum.
 Cùm sit tam propè Mulvius, sacrumque
 Lapsæ per Tiberim volent carinz.
 Hoc rus, seu potius domus vocanda est,
 Commendat dominus; tuam putabis;
 Tam non invida, tamque liberalis,
 Tam comi patet hospitalitate.
 Credas Alcinoi pios Penates,
 Aut facti modò divitis Molochi.
 Vos nunc omnia parva qui putatis,
 Centeno gelidum ligone Tibur,
 Vel Præneste domate, pendulamque
 Uni dedite Setiam colono:

K H

Dum, me iudice, præferantur istis
Juli jugera pauca Martialis.

L X V.

De Philanide.

O Culo Philanis semper altero plorat.
Quo fiat istud quæritis modo? lusca est.

L X V I.

Ad Linum.

E Gisti, vitam semper, Line, municipalem :
Quâ nihil omnino vilius esse potest.
Idibus, & raris togula est excussa Kalendis ;
Duxit & æstates synthesis una decem.
Saltus aprum, campus leporem tibi misit incertum :
Silva graves turdos exagita dedit.
Raptus flumineo venit de gurgite piscis :
Vina rubens fudit non peregrina cadus.
Nec tener Argolicâ missus de gente minister ;
Sed stetit inculti rustica turba foci.
Villica vel duri compressa est nupta coloni,
Incaluit quoties saucia vena mero.
Nec nocuit testis ignis, nec Sirius agris ;
Nec mersa est pelago, nec fuit ulla ratis.
Supposita est blando nunquam tibi tessera talo.
Alea sed parca sola fuere nuces.
Dic ubi sit decies, mater quod avara reliquit :
Nusquam est : fecisti rem, Line, difficilem.

L X V I I.

In Pratorem.

Pratorem pauper centum sestertia Gaurus
Orabat cana notus amicitia.
Dicebatque suis hæc tantum deesse trecentis,
Ut posset domino plaudere justus eques.
Prætor ait : scis me Scorpo, Thalloque daturum :
Atque utinam centum millia sola darem !

Ah pudet ingrata, pudet ah male divitis arcæ.

Quod non vis equiti, vis dare, Prætor, equo?

L X V I I I.

Ad Sextum.

In vitas centum quadrantibus, & bene cœnas.

Ut cœnem invitator, Sexte, an ut invideam?

L X I X.

Ad Papillum.

Tu Setina quidem semper, vel Massica ponis;
Papile: sed rumor tam bona vina negat.

Diceris hac factus cælebs quater esse lagena.

Nec puto, nec credo, Papile; nec fitio.

L X X.

De Ammiano, ad Marontillum.

Nihil Ammiano præter aridam restem
Moriens reliquit ultimis pater ceris.

Fieri putaret posse quis, Maronille,

Ut Ammianus mortuum patrem nollet?

L X X I.

Ad Sempronium Rufum.

Quæro diu totam, Semproni Rufe, per urbem,
Si qua puella neget; nulla puella negat.

Tanquam fas non sit, tanquam sit turpe negare,

Tanquam non liceat, nulla puella negat.

Castâ igitur nulla est? castæ sunt mille: quid ergo

Castâ facit? non dat; non tamen illa negat.

L X X I I.

Ad Quintum.

Exigis, ut donem nostros tibi, Quinte, libellos.
Non habeo, sed habet bibliopola Tryphon.

Es dabo pro nugis, & emam tua carmina: sanus?

Non, inquis, faciam tam fatue; nec ego.

L X X I I I.

De Vestino.

Cum gravis extremas Vestinus duceret horas,
 Et jam per Stygias esset iturus aquas,
 Ultima volventes oravit pensa sorores,
 Ut traherent parva stamina pulla mora.
 Jam sibi defunctus, caris dum vivit amicis;
 Moverunt tetricas tam pia vota deas.
 Tum largas partitus opes, à luce recessit;
 Seque mori post hoc credidit ille senem.

L X X I V.

De damis.

Adspicis, imbelles tentent quàm fortia damæ
 Prælia? tam timidis quanta sit ira feris?
 In mortem parvis concurrere frontibus audent.
 Vis, Cæsar, damis parcere? mitte canes.

L X X V.

De Nigrina.

O Felix animo, felix, Nigrina, marito,
 Atque inter Latias gloria prima nurus!
 Te patrios miscere juvat cum conjuge census,
 Gaudentem socio participique viro.
 Arserit Evadne flammis injecta mariti,
 Nec minor Alcestem fama sub astra ferat.
 Tu melius: certo meruisti pignore vitæ,
 Ut tibi non esset morte probandus amor.

L X X V I.

In avarum amicum.

Milia misisti mihi sex bis sena petenti:
 Ut bis sena feram, his duodena petam.

L X X V I I.

In Zoilum.

N Unquam divitias deos rogavi,
Contentus modicis, meoque letus.
Patupertas, veniam dabis, recede.
Causa est quæ subiti, novique voti?
Pendentem volo Zoilum videre.

L X X V I I I.

In Afrum.

C Ondita cum tibi sit jam sexagesima messis,
Et facies multo splendeat alba pilo:
Discurre totâ vagus urbe; nec ulla cathedra est,
Cui non manè feras irrequietus ave.
Et sine te nulli fas est prodire Tribuno,
Nec caret officio Consul uterque tuo.
Et sacro decies repetis Pallatia clivo,
Sigeriosque meros, Partheniosque sonas.
Hæc faciant sanè juvenes: deformius, Afer,
Omnino nihil est ardelione sene.

L X X I X.

Ad Mathonem.

H O spes eras nostri semper, Matho, Tiburtini.
Moc emis. Imposui: rus tibi vendo tuum.

L X X X.

In Mathonem.

D Eclamas in febre, Mathon: hanc esse phrenesim
Si nescis, non es sanus, amice Mathon.
Declamas æger, declamas hemitritæus.
Si sudare aliter non potes, est ratio.
Magna tamen res est. Erras; cum viscera febris
Exurit, res est magna tacere, Mathon.

De Fabulla.

E Pigramma nostrum cū Fabulla legisset,
Negare nullam quo queror puellarum:
Semel rogata bisque terque neglexit
Preces amantis. Jam, Fabulla, promitte.
Negare jussi, pernegare non jussi.

LXXXII.

Ad Rufum.

H Os quoque commenda Venulejo, Rufe, libellos,
Imputet & nobis otia parva, roga:
Immemor & paullū curarum, operumque suorum,
Non tetrica nugas exigit aure meas.
Sed nec post primū legat hæc, summumve trien-
tem;

Sed sua cū medijs prælia Bacchus amat.
Si nimis est legisse duos; tibi charta plicetur
Altera: divisum sic breve fiet opus.

LXXXIII.

In Nevolum.

S Ecuro nihil est te, Nævole, pejor: eodem
Sollicito nihil est, Nævole, te melius.
Securus, nullum resalutas, despicias omnes;
Nec quisquam liber, nec tibi notus homo est.
Sollicitus, donas, dominum regemque salutas,
Invitas. Esto, Nævole, sollicitus.

LXXXIV.

In Thaidem.

N On est in populo, nec urbe totā,
A se Thaida qui probeat fututam;
Cū multi cupiant rogentque multi.
Tam casta est, rogo, Thais? immo fellat.

LXXXV.

LXXXV.

In Ponticum.

Nos bibimus vitro, tu murrha, Pontice. Quare?
Probat perspicuus ne duo vina calix.

LXXXVL

Ad librum suum.

Si vis aures Articis probari,
Exortor, moneoque te, libelle,
Ut docto placeas Apollinari.
Nil exactius, eruditiusque est;
Sed nec candidius, benigniusque.
Si te pectore, si tenebit ore,
Nec ronchos merues maligniorum,
Nec scombris tunicas dabis molestas.
Si damnaverit; ad salariorum
Curas scrinia protinus licebit,
Inversa pueris arande charta.

LXXXVII.

De Bassa.

Infantem secum semper tua Bassa, Fabulle,
Collocat, & lusus deliciasque vocat.
Et, quod mireris magis, infantaria non est.
Ergo quid in causa est? perdere Bassa solet.

LXXXVIII.

In dissimulatorem.

Nulla remisisti parvo pro munere dona,
Et jam Saturni quinque fuere dies.
Ergo nec argenti sex scriptula Septitiani,
Missa nec à querulo mappa cliente fuit?
Antipolitano nec quæ de sanguine thynni
Testa rubet? nec quæ coctana parva gerit?
Nec rugosarum vimen breve Picenarum?
Dicere te posses, ut meminisse mei.

Decipies alios verbis, vultuque benigno:
Nam mihi jam notus dissimulatoꝝ eris,

L X X X I X,

De Rusticatione.

Rure morans quid agam, respondeo pauca,
rogatus:

Luce Deos oro, famulos post arva reviso;
Partibus atque meis justos indico labores.
Inde lego, Phœbumque cio, Musamque laresso,
Hinc oleo corpus frico, mollique palæstrâ
Stringo libens; animo gaudens, ac fœnore liber.
Pondero, poto, cano, ludo, lavo, cœno, quiesco.
Dum parvus lychnus modicum consumat olivi,
Hæc dat nocturnis nox lucubrata Camœnis.

X C,

Ad librarium.

O He, jam satis est, ohe, libelle,
Jam pervenimus usque ad umbilicos;
Tu procedere adhuc, & ire quæris,
Nec summa potes in scheda teneri:
Sic tanquam tibi res peracta non sit,
Quæ prima quoque pagina peracta est,
Jam lector queriturque, deficitque;
Jam librarius hoc & ipse dicit:
Ohe, jam satis est, ohe, libelle,



M. VAL. MARTIALIS
EPIGRAMMATUM

LIBER V.

EPIGRAMMA PRIMUM.

Ad Cæsarem.

Hoc tibi, Palladiæ seu collibus uteris Albæ,
Cæsar, & hinc Triviam prospicis, inde
Thetin;

Seu tua veridicæ discunt responsa sorores,
Plana suburbani qua cubat unda freti:
Seu placet Aenæ nutrix, seu filia Solis,
Sive salutaris candidus Anxur aquis;
Mittimus, ô rerum felix tutela, salusque,
Sospite quo gratum credimus esse Jovem,
Tu tantum accipias; ego te legisse putabo,
Et tumidus Gallia credulitate fruatur.

I L.

Ad Lectores.

Matronæ, puerique, virginesque,
Vobis pagina nostra dedicatur.
Tu, quem nequitia procacior
Delectant nimium, salesque nudi,
Lascivos lege quatuor libellos;
Quintus cum Domino liber jocetur:
Quem Germanicus ore non rubenti
Coram Cætopia legat puella.

L ij

Ad Domitianum.

Accola jam nostræ degis, Germanice, ripæ,
 A famulis Istri qui tibi venit aquis.
 Lætus, & attonitus viso modò præside mundi,
 Affatus comites dicitur esse suos:
 Sors mea quàm fratris melior! cui tam propè fas est,
 Cernere, tam longè quem colit ille deum.

IV.

Ad Paulum, de Myrtale.

Fœtere multo Myrtale solet vino;
 Sed fallat ut nos, folia devorat lauri,
 Merumque cautâ fronde, non aqua miscet,
 Hanc tu rubentem prominentibus venis
 Quoties venire, Paulle, videris contrâ;
 Dîcas, licebit: Myrtale bibit laurum.

V.

Ad Sextum.

Sexte, Palatinæ cultor facundæ Minervæ,
 Ingenio frueris qui propiore dei;
 Nam tibi nascentes Domini cognoscere curas,
 Et secreta ducis pectora nosse licet:
 Sit locus & nostris aliquâ tibi parte libellis,
 Quâ Pædo, quâ Marfæ, quâque Catullus erit,
 Ad Capitollinæ cœlestia carmina belli
 Grande cothurnati pone Maronis opus.

VI.

Librum commendat Parthenio.

Si non est gravè, nec nimis molestum,
 Musæ, Parthenium rogate vestrum;
 Sic te ferior & beata quondam
 Salvq; Cæsare finiat senectus,
 Et sis invidiâ sevens felix;

Sic Burrus citò sentiat parentem ;
Admittas timidam , brevemque chartam
Intra limina sanctioris aulae ,
Nosti tempora tu Jovis ferent ,
Cum fulget placidus , suoque vultu ,
Quo nil supplicibus solet negare .
Non est , quod metuas preces iniquas :
Nunquam grandia , nec molesta poscit ,
Quae cedro decorata purpurâque
Nigris pagina crevit umbilicis .
Nec porrexeris ista , sed tenerò ,
Sic tanquam nihil offeras , agasque .
Si novi dominum novem sororum ;
Utrò purpureum petet libellum .

V I I.

De Româ post incendium restauratâ.

Qualiter Assyrios renovant incendia nidos ,
Una decem quoties secula vixit avis :
Taliter exuta est veterem nova Roma senectam ,
Et sumpsit vultus praesidiis ipsa sui .
Jam precor oblitus nostrae , Vulcane , querelae ,
Parce : sumus Martis turba , sed & Veneris .
Parce , pater : sic Lemniacis lasciva catenis
Ignoscat conjux , & patienter amet .

V I I I.

De Phaside.

Edictum Domini Deique nostri ,
Quo subsellia certiora fiunt ,
Et pueros eques ordines recepit ,
Dum laudat modò Phasis in theatro ,
Phasis purpureis ruber lacernis ,
Et jactat tumido superbus ore :
Tandem commodius licet sedere ,
Nunc est reddita dignitas equestris ;
Turbâ non premimur , nec inquinamur .

L liij

Hæc & talia dum refert supinus,
 Illas purpureas & arrogantes
 Jussit surgere Lectius lacernas.

I X.

In Symmachum.

L Anguebam: sed tu comitatus protinus ad me
 Venisti centum, Symmache, discipulis.
 Centum me tetigere manus Aquilone gelatæ.
 Non habui febrem, Symmache, nunc habeo.

X.

Ad Regulum, de famâ Poëtarum.

E Sse quid hoc dicam, vivis quodd fama negatur,
 Et sua quodd rarus tempora lector amat?
 Hi sunt invidiæ nimirum, Regule, mores;
 Preferat antiquos semper ut illa novis.
 Sic vetetem ingrati Pompei quærimus umbram:
 Sic laudant Catuli vilia templa senes.
 Ennius est lectus salvo tibi Roma Marone;
 Et sua riserunt secula Mæonidem.
 Rara coronato plausere theatra Menandro:
 Norat Nasonem sola Corinna suum.
 Vos tamen, ô nostri, ne festinare, libelli:
 Si post fata venit gloria, non propero.

X I.

De Stella.

S Ardonichas, smaragdos, adamantes, jaspidas uno
 Versat in articulo Stella, Severe, meus.
 Multis in digitis, plures in carmine gemmas
 Invenies: inde est hæc, puto, culta manus.

X I I.

De eodem.

Q Uodd nutantia fronte perticata
 Gestat pondera Masthion superbus;

Aut grandis Linus omnibus lacertis
Septem quoddam pueros levat, vel octo;
Res non difficilis mihi videtur:
Uno cum digito, vel hoc, vel illo,
Portet Stella meus decem puellas.

XIII.

In Callistratum.

Sum, fateor, semperque fui, Callistratus, pauper;
Sed non obscurus, nec male notus eques,
Sed toto legor orbe frequens, & dicitur, hic est;
Quodque cinis paucis, hoc mihi vira dedit.
At tua centenis incumbunt tecta columnis,
Et libertinas arca flagellat opes:
Magnaque Nilivæ servit tibi gleba Syenes;
Tondet & innumeros Gallica Parma greges.
Hoc ego, tuque sumus; sed quod sum, non potes esse.
Tu quod es, è populo quilibet esse potest.

XIV.

De Nannejo.

Sedere primo solitus in gradu semper,
Tunc cum liceret occupare, Nannejus,
Bis excitatus terque transtulit castra;
Et inter ipsas pœnè tertius sellas
Post Cajumque Luciumque consedit.
Illinc cucullo prospicit caput tectus,
Oculoque ludos spectat indecens uno.
Et hinc miser dejectus in viam transit,
Subsellioque semifulvus extremo,
Et male receptus altero genu, jactat:
Equiti sedere, Lectioque se stare.

XV.

Ad Casarem Domitianum.

Quinus nostrorum liber est, Auguste, jocorum,
Et queritur læsus carmine nemo meo.
L iv

Gaudet honorato sed multus nomine lector,
Cui visura meo munere fama datur.
Quid tamen hæc profunt, quamvis venerantia mul-
tos?

Non profint: sane me tamen ista juvant.

X V I.

Ad Lectorem.

Seria cum possim, quod delectantia malim
Scribere, tu causa es, lector amice, mihi,
Qui legis, & tota cantas mea carmina Roma.
Sed nescis, quanei stes mihi talis amor.
Nam si falsiferi defendere templa Tonantis,
Sollicitisque velim vendere verba reis;
Plurimus Hispanas mittet mihi nauta metretas,
Et fiet vario sordidus ære sinus.
At nunc conviva est, commissatorque libellus,
Et tantum gratis pagina nostra placet.
Sed non hac veteres contenti laude fuerunt,
Cum minium vati munus Alexis erat.
Bellè, inquis, dixti; satis est: laudabimus usque.
Dissimulas? facies me puto caussidicum.

X V I I.

In Gelliam.

Dum proavos, atavosque refers, & nomina
magna;
Dum tibi noster eques fordida conditio est:
Dum te posse negas nisi lato, Gellia, clavo.
Nubere; nupsisti, Gellia, castifero.

X V I I I.

Ad Quintilianum.

Quod tibi Decembri mense, quo volant mappæ,
Gracilesque ligulæ, cereique, chartæque,
Et acuta senibus testa cum Damascenis,
Præter libellos vernulas nihil misi:

Fortassè avarus videor, aut inhumanus.
 Odi dolosas munerum & malas arteis.
 Imitantur hamos dona: namque quis nescit,
 Avidum vorata decipi scarum musca?
 Quoties amico diviti nihil donat,
 O Quinctiane, liberalis est pauper.

X I X.

Ad Cæsarem Domitianum.

SI qua fides veri, præferri, maxime Cæsar,
 Temporibus possunt secula nulla tuis.
 Quando magis dignos licuit spectare triumphos?
 Quando Palatini plus meruere dei?
 Pulchrior & major quo sub duce Martia Roma?
 Sub quo libertas principe tanta fuit?
 Est tamen hoc vitium, sed non leve, sit licet unum,
 Quod colit ingratas pauper amicitias.
 Quis largitur opes veteri fidoque sodali?
 Aut quem prosequitur non alienus eques?
 Saturnaliæ ligulam misisse selibræ,
 Flammatae ve togæ scriptula tota decem,
 Luxuria est, tumidique vocant hæc munera regis:
 Qui crepet aureolos, forsitan unus erit.
 Quatenus hi non sunt, esto tu, Cæsar, amicus.
 Nulla ducis virtus dulcior esse potest.
 Jamdudum tacito rides, Germanice, naso:
 Utile quod nobis, do tibi consilium.

X X.

Ad Iulium Martialem.

SI tecum mihi, care Martialis,
 Securis liceat frui diebus;
 Si disponere tempus otiosum,
 Et veræ pariter vacare vitæ:
 Nec nos atria, nec domos potentum,
 Nec lites tetricas, forumque triste
 Noscemus, nec imagines superbas:

Sed gestatio, fabulæ, libelli,
 Campus, porticus, umbra; Virgo, thermæ;
 Hæc essent loca semper, hi labores.
 Nunc vivit sibi neuter, heu, bonosque
 Soles effugere, atque abire sentit;
 Qui nobis pereunt, & imputantur.
 Quisquam vivere cum sciat, moratur?

X X I.

De Apollonio.

Quinctum pro Decimo, pro Crasso, Regule,
 Macrum
 Antè salutabat rhetor Apollonius.
 Nunc utrumque suo resalutat nomine. Quantum
 Cura, laborque potest! scripsit, & edidit.

X X I I.

Ad Paulum.

Manè domi nisi te volui, meruique videre;
 Sint mihi, Paulle, tuæ longius Exquilix.
 Sed Tiburtinæ sum proximus accola pilæ,
 Qua videt antiquum rustica Flora Jovem.
 Alta Suburrani vincenda est semita clivi,
 Et nunquam sicco sordida saxa gradu:
 Vixque datur longas mulorum rumpere mandras,
 Quæque trahi multo marmora fune vider.
 Illud adhuc gravius, quod te post mille labores,
 Paulle, negat lasso sanitor esse domi.
 Exitus hinc operis vani, togulæque madentis;
 Vix tanti Paulum manè videre fuit.
 Semper inhumanos habet officiosus amicos.
 Rex, nisi dormieris, non potes esse meus.

X X I I I.

Ad Bassum.

Herbarum fueras indutus, Basse, colores,
 Jura theatralis dum fluere loci.

Quæ postquam placidi Censoris cura renasci
Jussit, & Oceanum certior audit eques:
Non nisi vel cæco madida, vel murice tincta
Veste nites; & te sic dare verba putas.
Quadringentorum nullæ sunt, Basse, lacernæ:
Aut meus ante omnes Codrus haberet equum.

XXIV.

De Hermete.

Hermes Martia seculi voluptas;
Hermes omnibus eruditus armis;
Hermes & gladiator, & magister;
Hermes turba sui tremorque ludi;
Hermes quem timer Helius, sed unum;
Hermes cui cadit Advolans, sed uni;
Hermes vincere, nec ferire doctus;
Hermes supposititius sibi ipsi;
Hermes divitiarum locariorum;
Hermes cura laborque ludiarum;
Hermes belligerâ superbus hastâ;
Hermes æquoreo minax tridente;
Hermes casside languidâ timendus;
Hermes gloria Martis universi;
Hermes omnia solus, & ter unus.

XXV.

De Chærestrate.

Quadringenta tibi non sunt, Chærestrate, surge:
Lectius ecce venit; sta, fuge, curre, late.
Ecquis, iô, revocat, discedentemque reducit?
Ecquis, iô, largas pandit amicus opes?
Quem chartis famæque damus, populisque loquen-
dum?
Quis Strygios non vult totus adire lacus?
Hoc, rogo, non melius, quam rubro pulpita nimbo
Spargere, & effuso permaduisse croco?
Quam non sensuro dare quadringenta caballo,

Aureus ut Scorpi nasus ubique micet ?
 O frustra locuples, & dissimulator amici,
 Hæc legis, & laudas ? quæ tibi fama perit ?

XXVI.

Ad Codrum.

Q Uod alpha dixi, Codre, pœnulatorum
 Te nuper aliquâ, cùm jocarer in chartâ :
 Si fortè bilem movit hic tibi versus,
 Dicat licebit beta me togatorum.

XXVII.

In fœdum equitem.

I Ngenium, studiumque tibi, moreſque, genusque
 Sunt equitis, fateor : cætera plebis habes.
 Bis septena tibi non sunt subfellia tanti,
 Ut ſedeas viſo pallidus Oceano.

XXVIII.

Ad Aulum, de Mamercio.

U T bene loquatur, ſentiatque Mamercus,
 Efficere nullis, Aule, moribus poſſis.
 Pietate fratres Curtios licet vincas,
 Quiete Nervas, comitate Ruſones,
 Probitate Macros, æquitate Mauricos,
 Oratione Regulos, jocis Paullos :
 Rubiginofis cuncta dentibus rodit.
 Hominem malignum forſan eſſe tu credas :
 Ego eſſe miſerum credo, cui placet nemo.

XXIX.

Ad Gelliam.

S I quandò leporem mittis mihi, Gellia, dicſe:
 Formoſus ſeptem, Marce, diebus eris.
 Si non derides, ſi verum, lux mea, narras :
 Ediſti nunquam, Gellia, tu leporem.

XXX.

Ad Varonem.

Varro Sophocleo non inficiande cothurno;
Nec minus in Calabra suspiciende lyra;
Differ opus; nec te facundi scœna Catulli
Detineat, cultis aut Elegia comis.
Sed lege fumoso non aspernanda Decembri
Carmina, mittuntur quæ tibi mense suo.
Commodius nisi fortè tibi, potiusque videtur,
Saturnalitijs perdere, Varro, nuces.

XXXI.

De Indo puerorum cum juuencis.

Adspecte, quàm placidis insultet turba juuencis,
Et sua quàm facilis pondera taurus amet.
Cornibus hic pendet summis, vagus ille per armos
Currit, & in toto ventilat arma bove.
At feritas immota riget: non esset arena
Tutior, & poterant fallere plana magis.
Nec trepidant gestus; & de discrimine palmæ
Securus puer est, sollicitumque pecus.

XXXII.

Ad Faustinum, de Crispo.

Quadrantem Crispus tabulis, Faustine, supremis
Non dedit uxori: cui dedit ergo? sibi.

XXXIII.

In Causfidicum.

Carpere causfidicus fertur mea carmina; qui sic
Nescio: si sciero, vix tibi, causfidice,

*Epitaphium Erotii, ad Frontonem & Flaccillam
parentes.*

Hanc tibi, Fronto pater, genitrix Flaccilla,
puellam

Oscula commendo deliciasque meas:

Parvula ne nigras horrescat Erotion umbras,

Oraque Tartarei prodigiosa canis.

Impletura fuit sextæ modo frigora brumæ,

Vixisset totidem ni minus illa dies.

Inter tam veteres ludat lasciva patronos,

Et nomen blæso garriat ore meum,

Mollia nec rigidus cespes tegat ossa, nec illi

Terra gravis fueris; non fuit illa tibi,

XXXV,

De Euclide.

Dum sibi redire de Patrensisbus fundis

Ducena clamat coccinatus Euclides,

Corinthioque plura de suburbano,

Longumque pulchra stemma repetit à Leda,

Et suscitanti Lectio reluctatur;

Equiti superbo, nobili, locupleti,

Cecidit repente magna de sinu clavis.

Nunquam, Fabulle, nequior fuit clavis,

XXXVI,

Ad Faustinum.

Laudatus nostro quidam, Faustine, libello

Diffimulat, quasi nil debeat: imposuit.

XXXVII,

De Erotio puella.

Puella senibus dulcior mihi cynis,

Agna Galefi mollior Phalantini,

Carcha Lucrini delicatior stagni;

Cui nec lapillos præferas Erythræos,
 Nec modò politum pecudis Indicæ dentem,
 Nivesque primas, liliūque non tactum;
 Quæ crine vicit Bætici gregis vellus,
 Rhénique nodos, aureamque nitellam:
 Fragravit ore, quod rosarium Pæsti;
 Quod Atticarum prima mella cerarum;
 Quod fuccinorum rapta de manu gleba:
 Cui comparatus indecens erat pavo,
 Inamabilis sciurus, & frequens phœnix:
 Adhuc recenti tepet Erotion busto,
 Quam pessimorum lex avara fatorum
 Sexta peregit hieme, nec tamen tota,
 Nostros amores, gaudiumque, lususque,
 Et esse tristem me meus vèrat Pætus,
 Pectusque pulsans, pariter & comam vellens,
 Deslere non te vernulæ pudet mortem?
 Ego conjugem, inquit, extuli, & tamen vivo,
 Notam, superbam, nobilem, locupletem,
 Quid esse nostro fortius potest Pæto?
 Ducenties accepit, & tamen vivit,

X X X V I I I.

In Calliodorum.

Calliodorus habet censum (quis nescit?) eque-
 trem,
 Sexte; sed & fratrem Calliodorus habet:
 Quadragenta secat, qui dicit *οὐκ ἔστι μίξις*;
 Uno credis equo posse sedere duos?
 Quid cum fratre tibi, quid cum Polluce molesto?
 Non esset Pollux si tibi, Castor eras.
 Unus cum sis; duo, Calliodore, sedetis.
 Surge: solœcisimum, Calliodore, facis.
 Aut imitare genus Lædæ: cum fratre sedere
 Non potes; alternis, Calliodore, sede,

XXXIX.

In Charinum.

Supremas tibi trecies in anno
 Signanti tabulas, Charine, missi
 Hyblæis madidas thymis placentas.
 Defeci: misere jam, Charine.
 Signa rariùs, aut semel fac illud,
 Mentitur tua quod subinde tussis,
 Excussi loculosque, sacculumque.
 Crasso divitior licet fuisssem,
 Iro pauperior forem, Charine,
 Si couchen toties meam comesses,

XL.

Ad Artemidorum.

Pinxisti Venerem: colis, Artemidore, Minervam;
 Et miraris, opus displicuisse tuum?

XLI.

In Didymum.

Spadone cum sis eviratio fluxo,
 Et concubino mollior Celæneo,
 Quem sectus ululat matris entheæ Gallus,
 Theatra loqueris, & gradus, & edicta,
 Trabeasque, & Idus, fibulasque, censusque;
 Et pumicatâ pauperes manu monstras.
 Sedere in equitum liceat an tibi scamnis,
 Videbo, Didyme: non licet maritorum.

XLII.

Amicis quod datur, non perire.

Callidus effractâ nummos fur auferet arcâ:
 Prosterhet patrios impia flamma Lares,
 Debito usuram pariter, sortemque negabit:
 Non reddet sterilis semina jacta seges.

Dispensatorem

Dispensatorem fallax spoliabit amica :
Mercibus exstructas obruet unda rates.
Extra fortunam est quidquid donatur amicis :
Quas dederis, solas semper habebis opes.

X L I I I.

De Thaide & Lecania.

T Hais habet nigros, niveos Lecania dentes.
Quæ ratio est? emptos hæc habet, illa suos.

X L I V.

In Dentonem.

Quid factum est, rogo, quid repente factum est?
Ad cænam mihi, Dento, quod vocanti
(Quis credat?) quater ausus es negare,
Sed nec respicis, & fugis sequentem ;
Quem thermis modò quærere, & theatris,
Et conclavibus omnibus solebas.
Sic est : captus es unctiore cænâ,
Et major rapuit canem culina
Jam te : sed citò cognitum & relictum.
Cum fastidierit popina dives,
Antiquæ venies ad ossa cænæ.

X L V.

In Bassum.

Dicis formosam, dicis te, Bassa, puellam ;
Istud quod non est, dicere Bassa solet.

X L V I.

Ad Diadumenum.

Bassa dum nolo, nisi quæ luctantia carpsi ;
Et placet ira mihi plus tua, quàm facies :
Ut te sæpe rogem, cædo, Diadumene, sæpe.
Consequor hoc, ut me nec timeas, nec ames.
M.

X L V I I.

De Philone.

N Unquam se canasse domi Philo jurat ; & hoc est :
Non canat , quoties nemo vocavit eum.

X L V I I I.

De Encolpo.

Quid non cogit amor ? secuit nolente capillos
Encolpus domino , nec prohibente tamen.
Permisit , flevitque Pudens : sic cessit habenis
Audaci questus de Phaëtonte pater.
Talis raptus Hylas , talis deprensus Achilles
Deposuit gaudens , matre dolente , comas.
Sed tu nec propera , brevibus nec crede capillis ;
Tardaque , pro tanto munere , barba veni.

X L I X.

Ad Labienum.

Vidissem modò fortè cum sedentem
Solum te , Labiene ; tres putavi :
Calvæ me numerus tuæ fefellit.
Sunt illinc tibi , sunt & hinc capilli ,
Quales nec puerum decere possint.
Nudum est in medio caput , nec ullus
In longâ pilus arcâ notatur.
Hic error tibi profuit Decembri ,
Tunc cum prandia misit Imperator ;
Cum panariolis tribus redisti.
Talem Geryonem fuisse credo.
Vites censeo porticum Philippi :
Si te videt Hercules peristi.

L.

In Charopinum.

Ceno domi quoties , nisi te , Charopine , vocavi ;
Eccequis ingentes sunt inimicitiae ;

Meque petis striſto medium transſigere ferro,
 Si noſtrum ſine te ſciſ caluiſſe focum.
 Nec ſemel ergo mihi furtum feciſſe licebit?
 Improbius nihil eſt hac, Charopine, gulâ.
 Deſine, jam noſtram, precor, obſervare culinam;
 Atque aliquandò meus det tibi verba coquus.

L I.

Ad Ruſum.

Hic qui libellis prægravem gerit lævam,
 Notariorum quem premit chorus levis,
 Qui codicillis hinc & inde prolatis,
 Epistolisſque commodat gravem vultum,
 Similis Catoni, Tullioſque, Brutoſque,
 Exprimere, Ruſe, fidiculæ licet cogant,
 Ave Latinum, χαῖρε non poteſt Græcum,
 Si fingere iſtud me putas, ſalutemus.

L I I.

In Poſthumum.

Quæ mihi præſtiteris memini, ſemperque tenebo;
 Cur igitur taceo, Poſthume? tu loqueris.
 Incipio quoties alicui tua dona referre,
 Protinus exclamat: dixerat ipſe mihi.
 Non bellè quædam faciunt duo: ſufficit unus.
 Huic operi: ſi vis ut loquar, ipſe tace.
 Crede mihi, quamvis ingentia, Poſthume, dona
 Auctoris pereunt garrulitate fui.

L I I I.

Ad Baſſum.

Colchida quid ſcribis, quid ſcribis, amico
 Thyeſtem?
 Quo tibi vel Nioben, Baſſe, vel Andromachen?
 Materia eſt, mihi crede, tuis aptiſſima chartis
 Deucalion; vel, ſi non placet hic, Phaëthon.
 M ij

L I V.

De Rhetore Appollonio.

EXtemporalis factus est meus rhetor :
Calpurnium non scripsit, & salutavit.

L V.

De aquilâ portante Jovem.

Dic mihi, quem portes, volucrum regina ?
Tonantem.

Nulla manu quare fulmina gestat ? amat.
Quo calet igne deus ? pueri. Cur mitis aperto.
Respicias ore Jovem ? de Ganymede loquor.

L V I.

Ad Lupum.

Cui credas, Lupe, filium magistro,
Quæris sollicitus diu, rogasque.
Omnes grammaticosque, rhetoresque
Devites, moneo: nihil sit illi.
Cum libris Ciceronis, aut Maronis.
Famæ Tutilium suæ relinquat.
Si versus facit, abdicet Poëtam.
Artes discere vult pecuniosas?
Fac, discat citharædus, aut choraules.
Si duri puer ingenî videtur,
Præconem facias, vel architectum.

L V I I.

Ad Cinna.

Cum voco te dominum, noli tibi, Cinna, placere:
Sæpe etiam servum sic resaluto meum.

L V I I I.

Ad Posthumum.

Cras te victurum, cras dicis, Posthume, semper.
Dic mihi cras istud, Posthume, quando venis ?

Quàm longe est cras istud, ubi est? aut unde petendum?

Numquid apud Parthos, Armeniosque later?
Jam cras istud habet Priami vel Nestoris annos.

Cras istud quanti, dic mihi, possit emi?

Cras vives: hodie jam vivere, Posthume, serum est.

Ille sapit, quisquis, Posthume, vixit heri.

L I X.

Ad Stellam.

Quod non argentum, quod non tibi mittimus aurum;

Hoc facimus causâ, Stella diserte, tuâ.

Quisquis magna dedit, voluit sibi magna remitti:

Ficilibus nostris exoneratus eris.

L X.

Ad detrectatorem.

Allatres licet usque nos & usque,
Et gannitibus improbis lacescas:

Certum est hanc tibi pernegare famam.

Olim quam petis in meis libellis,

Qualiscunque legaris ut per orbem.

Nam te cur aliquis sciat fuisse?

Ignotus pereas, miser, necesse est.

Non deerunt tamen hac in urbe forsam

Unus, vel duo, tresve, quattuorve,

Pellem rodere qui velint caninam.

Nos hæc à scabie tenemus ungues.

L X I.

In Marianum.

Crispulus iste quis est, uxori semper adheret.

Qui, Mariane, tuæ? Crispulus iste quis est,

Nescio quid dominæ teneram qui garrit in aurem,

Et sellam cubito dexteriore premit?

Per cujus digitos currit levis annulus omnes :
 Crura gerit nullo qui violata pilo.
 Nil mihi respondes ? uxoris res agit, inquis,
 Iste meæ : sane certus & asper homo est ;
 Procuratorem vultu qui præferat ipso :
 Acrior hoc Chius non erit Aufidius.
 O quàm dignus eras alapis, Mariane, Latini !
 Te successurum credo ego Panniculo.
 Res uxoris agit, res ulla Crispulus iste ?
 Res non uxoris, res agit ipse tuas.

L X I I.

Ad hospites.

Jure tuo nostris maneat licet, hospes, in hortis ;
 Si potes in nudo ponere membra solo :
 Aut si portatur tecum tibi magna supellex ;
 Nam mea jam digitum sustulit hospitibus.
 Nulla tegit fractos nec inanis culcitra lectos,
 Putris & abrupta fascia recte jacet.
 Sit tamen hospitium nobis commune duobus :
 Emi hortos ; plus est : instrue tu ; minus est.

L X I I I.

Ad Ponticum.

Quid sentis, inquis, de nostris, Marce, libellis ?
 Sic me sollicitus, Pontice, sæpe rogas.
 Admiror ; stupeo ; nihil est perfectius illis ;
 Ipse tuo cedit Regulus ingenio.
 Hoc sentis ? inquis : faciat tibi sic bene Cæsar,
 Sic Capitolinus Jupiter : immò tibi.

L X I V.

Ad suos ministros.

Sextantes, Calliste, duos infunde Falerni :
 Tu super æstivas, Alcime, solve nives.
 Pinguescat nimio madidus mihi crinis amomo,
 Lassenturque rosis tempora sutilibus.

Jam vicina jubent nos vivere Mausolea,
Cum doceant ipsos posse perire deos.

L X V.

Ad Cæsarem.

Astra, possumque dedit, quamvis obstante novercâ,
Alcidæ Nemeæ terror, & Arcas aper;
Et castigatum Libyæ ceroma palestra;
Et gravis in Siculo pulvere fusus Eryx:
Silvarumque tremor, tacitâ qui fraude solebat
Ducere nec rectas Cacus in antra boves.
Ista tuæ, Cæsar, quota pars spectatur arenæ?
Dat majora novus prælia manè dies.
Quot graviora cadunt Nemæo pondera monstro?
Quot tua Mænalios collocat hasta fues?
Reddatur si pugna triplex pastoris Iberi,
Est tibi, qui possit vincere Geryonem.
Sæpe licet Grææ numeretur bellua Lernæ,
Improba Niliacis quod facit Hydra feris?
Pro meritis cælum tantis, Auguste, dederunt
Alcidæ citò dî: sed tibi serò dabunt.

L X V I.

In Pontilianum.

Sæpe salutatus, nunquam prior ipse salutas;
Sic erit æternum, Pontiliane, vale.

L X V I I.

De hirundine.

Hibernos peterent solito cum more recessus.
Arthides, in nidis una remansit avis.
Deprendere nefas ad tempora verna reversæ,
Et profugam volucres diripuerunt suæ.
Serò dedit poenas: discerpi noxia mater
Debuerat; sed tunc, cum laceravit Ictynum,

Ad Lesbiam.

A Rctoâ de gente comam tibi, Lesbia, misi-
Ut scires quanto sit tua flava magis.

LXIX.

In Marcum Antonium.

A Ntoni Phario nil objecture Pothino,
Et leviùs tabulâ, quàm Cicerone nocens :
Quid gladium demens Romana stringis in ora ?
Hoc admisisset nec Catilina nefas.
Impius infando miles corrumpitur auro :
Et tantis opibus vox tacet una tibi.
Quid profunt sacræ pretiosa silentia linguæ ?
Incipient omnes pro Cicerone loqui.

LXX.

De Syrisco, ad Maximum.

I Nfufum sibi nuper à patrono
Plenum, Maxime, centies Syriscus
In fellariolis vagus popinis
Circa balnea quattuor peregit.
O quanta est gula, centies comesse !
Quanto major adhuc, nec accubare !

LXXI.

Ad Faustinum.

H Umida qua gelidas summittit Trebula valles,
Et viridis Cancrî mensibus alget ager ;
Rura Cleoneo nunquam temerata Leone,
Et domus Æolio semper amica Noto,
Te, Faustine, vocant : longas his exigue messes
Collibus ; hibernum jam tibi Tibur erit.

LXXII.

LXXII.

Ad Rufum, de origine Bacchi.

Qui potuit Bacchi matrem dixisse Tonantem,
Ille potest Semelen dicere, Rufe, patrem.

LXXIII.

Ad Theodorum.

Non donem tibi cur meos libellos
Oranti toties, & exigenti,
Miraris, Theodore? magna causa est;
Dones tu mihi ne tuos libellos.

LXXIV.

De Pompeio & filiis.

Pompeios juvenes Asia, atque Europa, sed ipsum
Terra tegit Libyes, si tamen ulla tegit.
Quid mirum toto si spargitur orbe? jacere
Uno non poterat tanta ruina loco,

LXXV.

Ad Quintum.

Quæ legis causa nupsit tibi Lælia, Quinte,
Uxorem potes hanc dicere legitimam,

LXXVI.

Ad Cinnam.

Profecit poto Mithridates sæpe veneno,
Toxica ne possent sæva nocere sibi.
Tu quoque cavisti cernendo tam male semper,
Ne posses unquam, Cinna, perire fame.

LXXVII.

Ad Marullum.

Narratur bellè quidam dixisse, Marulle,
Qui te ferre oleum dixit in auriculâ.

N

LXXVIII.

Ad Turanium.

SI tristi domicenio laboras,
 Turani; potes esurire mecum.
 Non decrunt tibi, si soles *περωιων*,
 Viles Cappadocæ, gravesque porri:
 Divisis cybium latebit ovis:
 Ponerur digitris tenendus ustis
 Nigrâ coliculus virens patellâ,
 Argentem modò qui reliquit hortum;
 Et pulsem niveam premens botellus:
 Et pallens faba cum rubente lardo.
 Mensæ munera si volēs secundæ,
 Marcentes tibi porrigentur uvæ,
 Et nomen pira quæ ferunt Syrorum;
 Et quas docta Neapolis creavit,
 Lento castaneæ vapore tostæ:
 Vinum tu facies bonum bibendo.
 Post hæc omnia fortè si movebit
 Bacchus, quam solet, esuritionem;
 Succurrent tibi nobiles olivæ,
 Piceni modò quas tulere rami,
 Et fervens cicer, & tepens lupinus.
 Parva est cœnula (quis potest negare?)
 Sed finges nihil, audiesve fictum,
 Et vultu placidus tuo recumbes;
 Nec crassum dominus leget volumen:
 Nec de Gadibus improbis puellæ
 Vibrabunt sine fine prurientes
 Lascivos docili tremore lumbos:
 Sed, quod non grave sit, nec inficetum,
 Parvi tibia condyli sonabit.
 Hæc est cœnula: Claudiam sequeris;
 Quam nobis cupis esse tu priorem.

L X X I X.

In Zoïlum.

UNdecies una surrexti, Zoïle, cœna;
 Et mutata tibi est synthesis undecies:
 Sudor inhæret madidâ ne veste retentus,
 Et laxam tenuis læderet aura cutem.
 Quare ego non sudo, qui tecum, Zoïle, cœno?
 Frigus enim magnum synthesis una facit.

L X X X.

Ad Severum.

Non totam mihi si vacabis horam,
 Dones, & licet imputes, Severe,
 Dum nostras legis, exigisque nugas.
 Durum est perdere ferias: rogamus,
 Jacturam patiaris hanc, ferasque.
 Quod si legeris ipse cum deserto
 (Sed numquid sumus improbi?) Secundo:
 Plus multo tibi debiturus hic est,
 Quam debet domino suo libellus.
 Nam securus erit, nec inquieta
 Lassi marmora Sisyphi videbit,
 Quem censoria cum meo Severo
 Docti lima momorderit Secundi.

L X X X I.

Ad Æmilianum.

Semper eris pauper, si pauper es, Æmiliane,
 Dantur opes nulli nunc nisi divitibus.

L X X X I I.

In Gaurum.

Quid promittebas mihi millia, Gaure, ducenta,
 Si dare non poteras millia, Gaure, decem?
 An potes, & non vis? rogo, non est turpius istud?
 I, tibi disperdas, Gaure: pusillus homo es.

N^o 11

Ad Dindymum.

Insequeris, fugio; fugis, insequor; hæc mihi
mens est:

Velle tuum nolo, Dindyme, nolle volo,

LXXXIV,

Ad Gallam.

Jam tristis nucibus puer relictis,
Clamose revocatur à magistro;
Et blando male proditus fritillo,
Arcana modò raptus è popina,
Ædilem rogat udus aleator.
Saturnalia transiere rota;
Nec munuscula parva, nec minora
Misti mihi, Galla, quæ solebas.
Sanè sic abeat meus Decembris.
Scis certè, puto, vestra jam venire
Saturnalia, Martias Kalendas.
Tunc reddam tibi, Galla, quod dedisti.



M. VAL. MARTIALIS EPIGRAMMATUM

LIBER VI.

EPIGRAMMA PRIMUM.

Ad Julium Martialem.

SEXTUS mittitur hic tibi libellus,
Imprimis mihi care Martialis:
Quem si terferis aure diligenti,
Audebit minus anxius tremensque
Magnas Cæsaris in manus venire.

I I.

Ad Cæsarem Domitianum.

LUSUS erat sacræ connubia fallere tedæ;
Lusus & immeritos exsecuisse mares.
Utraque tu prohibes, Cæsar, populisque futuris
Succurris, nasci quos sine fraude jubes.
Nec spado jam, nec mœchus erit, te præside,
quisquam:
At prius (ô mores!) & spado mœchus erat.

I I I.

Adulatorium.

CENSOR maxime, principumque princeps,
Cum tot jam tibi debeat triumphos,
Tot nascentia templa, tot renata,
Tot spectacula, tot deos, tot urbes:
Plus debet tibi Roma, quod pudica est.

N iiij

I V.

De filio Domitiani.

NAscere, Dardanio promissum nomen Iūlo,
 Vera Deūm soboles: nascere, magne puer.
 Cui pater æternas post secula tradat habenas;
 Quique regas orbem cum seniore senex.
 Ipsa tibi niueo trahet aurea pollice fila,
 Et totam Phrxi Julia nebit ovem.

V.

Ad Cæcilianum.

Rustica mercatus multis sum prædia nummis:
 Mutua des centum, Cæciliane, rogo.
 Nil mihi respondes? tacitum te dicere credo,
 Non reddes: idèò, Cæciliane, rogo.

V I.

Ad Luperum, de Paulla.

Comædi tres sunt: sed amat tua Paulla, Luperce,
 Quattuor; & καὶ τὸν Paulla πέγραπτον amat.

V I I.

De Thelesina.

Julia lex populis ex quo, Faustine, renata est,
 Atque intrare domos iussa pudicitia:
 Aut minùs, aut certè non plus, tricesima lux est;
 Et nubit decimo jam Thelesina viro.
 Quæ nubit toties, non nubit: adulterà lege est.
 Offendor mœcha simpliciore minùs.

V I I I.

Ad Severum.

Prætores duo, quattuor tribuni,
 Septem caussidici, decem poëtæ,
 Cujusdam modò nuptias petebant
 A quodam senè: nō moratus ille

Præconi dedit Eulogo puellam.
Dignum quid fatuo, Severe, fecit?

I X.

Ad Levinum.

IN Pompejano dormis, Lavine, theatro;
Et quereris, si te suscitât Oceanus?

X.

Petit latenter à Domitiano pecuniam.

PAUCA Joveni nuper cùm millia fortè rogarem;
Ille dabit, dixit, qui mihi templa dedit.
Templa quidem dedit ille Jovi; sed millia nobis
Nulla dedit: pudet, heu; pauca rogâsse Jovem.
At quàm non tetricus, quàm nullâ nubilus irâ,
Quàm placido nostras legerat ore preces!
Talis supplicibus tribuit diadêmata Dâcis;
Et Capitolas itque reditque vias.
Dic precor, ô nostri dic conscia Virgo Tonantis,
Si negat hoc vultu, quo solet ergo dare?
Sic ego; sic breviter positâ mihi Gorgone Pallâ:
Quæ nondum data sunt, stulte, negata putas?

X I.

In Marcum.

QUOD non sit Pylades hoc tempore, non sit
Orestes,
Miraris? Pylades, Marce, bibebat idem.
Nec melior rhombus, turdusve dabatur Orestî:
Sed par, atque eadem cœna duobus erat.
Tu Lucrina voras; me pascit aquosa Peloris:
Non minùs ingenua est & mihi, Marce, gula.
Te Cadmea Tyros, me pinguis Gallia vestit:
Vis te purpureum, Marce, sagatus amem?
Ut præstem Pyladen, aliquis mihi præstet Orestem:
Hoc non sit verbis, Marce: ut ameris, ama.

N IV

X I I.

De Fabulla.

JUrat capillos esse, quos emit, suos
Fabulla: numquid illa, Paulle, pejerat?

X I I I.

De statua Juliae.

QUIS te Phidiaco formatam, Julia, caelo:
Vel quis Palladiae non putet artis opus?
Candida non tacita respondet imagine Lygdos,
Et placido fulget vivus in ore liquor.
Ludit Acidalio, sed non manus aspera, nodo,
Quem rapuit collo, parve Cupido, tuo.
Ut Martis revocetur amor, summique Tonantis;
A te Juno petat Ceston, & ipsa Venus.

X I V.

In Laberium.

VERSUS scribere posse te disertos
Affirmas, Laberi: quid ergo non vis?
Versus scribere quis potest disertos?
Non scribat, Laberi: virum putabo.

X V.

De formica electro inclusa.

DUM Phaëtontea formica vagatur in umbrâ,
Implicuit tenuem succina gutta feram.
Sic modò quæ fuerat vitâ contempta manente,
Funeribus facta est nunc pretiosa suis.

X V I.

Ad Priapum.

TU qui pene viros terres, & falce cinædos,
Jugera sepositi pauca tuere loci.
Sic tua non intrent vetuli pomaria fures;
Sed puer, aut longis pulchra puella comis.

In Cinnamum.

Cinnam, Cinname, te jubes vocari.
 Non est hic, rogo, Cinna, barbarismus?
 Tu si Furius antè dictus esses,
 Fur istâ ratione dicereris.

XVIII.

Epitaphium Salonini, ad Priscum.

Sancta Salonini terris requiescit Iberis,
 Quâ melior Stygias non videt umbra domos,
 Sed lugere nefas: nam qui te, Prisce, reliquit,
 Vivit, quâ voluit vivere parte magis.

XIX.

In Posthumum caussidicum.

Non de vi, neque cæde, nec veneno,
 Sed lis est mihi de tribus capellis:
 Vicini queror has abesse furto.
 Hoc judex sibi postulat probari:
 Tu Cannas, Mithridaticumque bellum,
 Et perjurium punici furoris,
 Et Sullas, Mariosque, Muciosque
 Magnâ voce sonas, manuque totâ.
 Jam dic, Posthume, de tribus capellis.

XX.

In Phœbum.

Mutua te centum sestertia, Phœbe, rogavi;
 Cùm mihi dixisses: exigis ergo nihil?
 Inquiris, dubitas, cunctaris, meque diebus
 Teque decem crucias: jam rogo, Phœbe, nega.

XXI.

De nuptiis Stellæ & Ianthidos.

Perpetuam Stellæ dum jungit Ianthida vari
 Læta Venus, dixit: plus dare non potui.
 Hæc coram dominâ; sed nequius illud in aurem:
 Tu ne quid pecces, exitiose, vide.
 Sæpe ego lascivum Martem furibunda cecidi,
 Legitimos isset cum vagus antè toros.
 Sed postquàm meus est, nullâ me pellice læsit:
 Tam frugi Juno vellet habere Jovem.
 Dixit, & arcano percussit pectora loro.
 Plaga juvat: sed tu jam, dea, cæde duos.

XXII.

In Proculinam.

Quod nubis, Proculina, concubino,
 Et mœchum modò nunc facis maritum,
 Ne lex Julia te natare possit:
 Non nubis, Proculina, sed fateris.

XXIII.

In Lesbiam.

Stare jubes nostrum semper tibi, Lesbia, penem;
 Crede mihi, non est mentula, quod digitus.
 Tu licet & manibus, blandis & vocibus instes,
 Contra te facies imperiosa tua est.

XXIV.

De Charisiano.

Nil lascivius est Charisiano;
 Saturnalibus ambulat togatus.

XXV.

Ad Marcellinum.

Marcelline, boni soboles sincera parentis,
 Horrida Parrhasio quem tegit Ursa iugo:

Ille vetus pro te patriusque quod optat amicus,
 Accipe, & hæc memori pectore vota tene:
 Cauta sit ut virtus, nec te temerarius ardor
 In medios enses sævaque tela ferat.
 Bella velint, Martemque ferum rationis egentes:
 Tu potes & patriæ miles, & esse decus.

X X V I.

Dæ Sotade.

Periclitatur capite Sotades noster.
 Reum putatis esse Sotadem? non est.
 Arrigere desit posse Sotades: lingit.

X X V I I.

Ad Nepotem.

Is vicine Nepos (nam tu quoque proxima Floræ
 Incolis, & veteres tu quoque Ficelias)
 Est tibi, quæ patriâ signatur imagine vultus,
 Testis maternæ nata pudicitia.
 Tu tamen annoso nimium ne parce Falerno;
 Et porius plenos ære relinque cados.
 Sit pia, sit locuples; sed potet filia mustum:
 Amphora cum domina nunc nova fiat anus.
 Cæcuba non solos vindemia nutriet orbos:
 Possunt & patres vivere, crede mihi.

X X V I I I.

Epitaphium Glaucia.

Libertus Melioris ille notus,
 Totâ qui cecidit dolente Româ,
 Cari deliciae breves patroni,
 Hoc sub marmore Glaucias humatus
 Juncto Flaminiaë jacet sepulcro:
 Castus moribus, innocens pudore,
 Velox ingenio, decore felix.
 Bis-senis modò messibus peractis

Vix unum puer applicabat annum.
Qui fies talia, nil fies, Viator.

X X I X.

De eodem.

Non de plebe domus, nec avaræ verna catastæ,
Sed domini sancto dignus amore puer:
Munera cum posset nondum sentire patroni,
Glaucia libertus jam Melioris erat.
Moribus hoc formæque datum. Quis blandior illo?
Aut quis Apollineo pulchrior ore fuit?
Immodicis brevis est ætas, & rara senectus:
Quidquid ames, cupias non placuisse nimis.

X X X.

In Pætum.

Sex sestertia si statim dedisses,
Cum dixi mihi; sume, tolle, dono:
Deberem tibi, Pæte, pro ducentis.
At nunc cum dederis diu moratus,
Post septem, puto, vel novem Kalendas:
Vis dicam tibi veriora veris?
Sex sestertia, Pæte, perdidisti.

X X X I.

In Charidemum.

Uxorem, Charideme, tuam scis ipse, finisque
A medico futui: vis sine febre mori.

X X X I I.

De morte Othonis.

Cum dubitaret adhuc belli civilis Enyo,
Forsitan & posset vincere mollis Otho:
Damnavit multo staturum sanguine Martem,
Et fodit certa pectora nuda manu.
Sit Cato, dum vivit, sanè vel Cæsare major:
Dum moritur, numquid major Othone fuit?

XXXII.

In Sabellum.

Nil miserabilius, Matho, pædicone Sabello
Vidisti, quo nil lætius antè fuit.
Furta, fugæ, mortes servorum, incendia, luctus
Affligunt hominem. Tam miser, & futuit,

XXXIV.

Ad Diadumenum.

BAsia da nobis, Diadumene, pressa. Quot inquis?
Oceani fluctus me numerare jubes;
Et maris Ægei sparsas per littora conchas;
Et quæ Cecropio monte vagantur apes;
Quæque sonant pleno vocesque manusque theatro,
Cum populus subiti Cæsaris ora videt.
Nolo quot arguto dedit exorata Catullo
Lesbia: pauca cupit, qui numerare potest.

XXXV.

Ad Cæcilianum.

Septem clepsydras magnâ tibi voce petenti
Arbitrè invitus, Cæciliane, dedit.
At tu multa diu dicis, vitreisque repentem
Ampullis potas semisupinus aquam:
Ut tandem saties vocemque sitimque, rogamus
Jam de clepsydra, Cæciliane, bibas.

XXXVI.

Ad Papilum.

Mentula tam magna est, tantus tibi, Papile,
nasus,
Ut possis, quoties arrigis, olfacere.

XXXVII.

In Charinum.

Secti podicis usque ad umbilicum
 Nullas reliquias habet Charinus;
 Et prurit tamen usque ad umbilicum.
 O quantâ scabie miser laborat!
 Culum non habet, est tamen cinædus.

XXXVIII.

De Regulo filio Reguli.

Aspicis ut parvus, nec adhuc trieteride plena
 Regulus auditum laudet & ipse patrem?
 Maternosque sinus viso genitore relinquat,
 Et patrias laudes sentiat esse suas?
 Jam clamor, centumque viri, densumque coronæ
 Vulgus, & infanti Julia testâ placent.
 Acris equi soboles magno sic pulvere gaudet:
 Sic vitulus molli prælia fronte cupit.
 Dî servate, precor, matri sua vota, patrique,
 Audiat ut natum Regulus, illa duos.

XXXIX.

In Cinna.

Pater ex Marulla, Cinna, factus es septem
 Non liberorum: nam nec tuus quisquam,
 Nec est amici, filiusve vicini;
 Sed in grabatis tegetibusque concepti,
 Materna produnt capitibus suis furta.
 Hic qui retorto crine Maurus incedit,
 Sobolem faretur esse se coci Santræ.
 At ille lima nare, turgidis labris,
 Ipsa est imago Pannici palæstritæ.
 Pistoris esse tertium quis ignorat,
 Quicumque lippum novit & videt Damam?
 Quartus cinædâ fronte, candido vultu,
 Ex concubino natus est tibi Lygdo.

Proccide, si vis, filium; nefas non est.
Hunc verò acuto capite, & auribus longis,
Quæ sic moventur, ut solent asellorum,
Quis morionis filium neget Oyrthæ?
Duæ sorores, illa nigra, & hæc rufa,
Croti choraulæ, villicique sunt Carpi.
Jamque hybridarum grex tibi foret plenus,
Si spado Corefus, Dindymusque non esset.

X L.

Ad Lycorim.

Femina præferri potuit tibi nulla, Lycori,
Præferri Glyceræ femina nulla potest.
Hæc erit hoc, quod tu: tu non potes esse, quod
hæc est.
Tempora quid faciunt! hanc volo: te volui.

X L I.

In Poëtam rancum.

Qui recitat lana fauces & colla revinctus,
Hic se posse loqui, posse tacere negat.

X L I I.

De Thermis Etrusci, ad Oppianum.

Etrusci nisi thermulis lavis,
Illotus morieris, Oppiane.
Nullæ sic tibi blandientur undæ:
Nec fontes Aponi rudes puellis,
Non mollis Sinuessæ, fervidique
Fluctus passeris, aut superbus Anxur,
Non Phœbi vada, principesque Bajæ,
Nusquam tam nitidum micat serenum:
Lux ipsa est ibi longior, diesque
Nullo tardiùs à loco recedit.
Illic Taygeti virent metalla,
Et certant vario decore saxa,

Quæ Phryx, & Libys altiùs cecidit,
 Siccos pinguis onyx anhelat æstus,
 Et flammâ tenui calent Ophitæ.
 Ritus si placeant tibi Laconum,
 Contentus potes arido vapore,
 Crudâ Virgine, Marciave mergi:
 Quæ tam candida, tam serena lucet,
 Ut nullas ibi suspiceris undas,
 Et credas vacuum nitere Lygdon.
 Non attendis, & aure me supinâ
 Jamdudum quasi negligenter audis;
 Illotus morieris, Oppiane.

X L I I I.

Ad Castricum,

DUm tibi felices indulgent, Castrice, Bajæ,
 Canaque sulfureis Nympha natatur aquis:
 Me Nomentani confirmant otia ruris,
 Et casa jugeribus non onerosa suis.
 Hic mihi Bajani soles, mollisque Lucrinus;
 Hic vestræ mihi sunt, Castrice, divitiæ.
 Quondam laudatas quòcunque libebat ad undas
 Currere, nec longas pertinuisse vias:
 Nunc Urbi vicina juvant, facilesque recessus;
 Et satis est, pigro si licet esse mihi.

X L I V.

In Calliodorum.

Festivè credis te, Calliodore, joculari;
 Te solum multo permaduisse sale.
 Omnibus adrides; diſteria dicis in omnes;
 Sic te convivam posse placere putas.
 At si ego non bellè, sed verè dixero quiddam;
 Nemo propinabit, Calliodore, tibi,

XLV.

X L V.

In nuptias Lygdi & Læstoriae.

LUxistis, satis est; lascivi nubito cunhi:
 Permissa est vobis non nisi casta Venus.
 Hæc est casta Venus? nubet Læstoria Lygdo:
 Turpior uxor erit, quam modò mœcha fuit.

X L V I.

Ad Catianum.

VApular assiduo Veneti quadriga flagello,
 Nec currit: magnam rem, Catiane, facis.

X L V I I.

Ad Iantida Nympham.

NYmpha, meo Stellæ quæ fonte domestica puro
 Laberis, & domini gemmea testâ subis:
 Sive Numæ conjux Triviæ te misit ab antro;
 Sive Camœnarum de grege nona venis:
 Exsolvit votis hac se tibi virgine porca
 Marcus, furtivam quòd bibit æger aquam.
 Tu contenta meo jam crimine, gaudia fontis
 Da secura tui: sit mihi sana sitis.

X L V I I I.

In Pomponium.

QUòd tam grande sophos clamat tibi turba
 togata;
 Non tu, Pomponi, corna diserta tua est.

X L I X.

Priapus loquitur.

NOn sum de fragili dolatus ulmo;
 Nec quæ stat rigida supina vena,
 De ligno mihi quolibet columna est,
 Sed vivâ generata de cupresso:
 Quæ nec secula centies peracta,

0

Nec longæ cariem timet senectæ.
 Hanc, tu quisquis es, ô malus, timetò:
 Nam si vel minimos manu rapaci
 Hoc de palmite læseris racemos;
 Nascetur, licèt hoc velis negare,
 Læsenta tibi ficus à cupresso.

L.

De Thelesino.

Cum coleret puros pauper Thelesinus amores,
 Errabat gelidâ fordidus in togulâ.
 Obscurnos postquàm cœpit curare cinædos,
 Argentum, mensas, prædia solus emit.
 Vis fieri dives, Bithynice? conscius esto.
 Nil tibi, vel minimum, basia pura dabunt.

L I.

Ad Luperum.

Quòd convivaris sine me tam sæpe, Luperce,
 Inveni, noceam quâ ratione tibi.
 Irascor licèt usque voces, mittasque, rogesque.
 Quid facies, inquis? quid faciam? veniam.

L I I.

Epitaphium Pantagathi tonsoris.

Hoc jacet in tumulo raptus puerilibus annis
 Pantagathus, domini cura, dolorque sui,
 Vix tangente vagos ferro refecare capillos
 Doctus, & hirsutas excoluisse genas.
 Sis licèt, ut debes, tellus placata, levisque;
 Artificis levior non potes esse manu.

L I I I.

De Andragora.

Lotus nobiscum est, hilaris cornavit, & idem
 Inventus manè est mortuus Andragoras.

Tam subitæ mortis causam, Faustine, requiris?
In somnis medicum viderat Hermocratem.

L I V.

Ad Aulum, de Sextiliano.

Tantos & tantas si dicere Sextilianum,
Aule, vetes; junget vix tria verba miser.
Quid sibi vult, inquis? dicam, quid suspicer esse.
Tantos & tantas Sextilianus amat.

L V.

In Coracinum.

Quod semper casiaque, cinnamoque,
Et nido niger alitis superbæ
Fragras plumbea Nicerotiana;
Rides nos, Coracine, nil olentes:
Malo, quàm bene olere, nil olere.

L V I.

In Charidemum.

Quod tibi crura rigent setis, & pectora villis;
Verba putas famæ te, Charideme, dare.
Exstirpa, mihi crede, pilos de corpore toto;
Teque pilare tuas testificare nates.
Quæ ratio est, inquis? scis multos dicere multa.
Fac prædicari te, Charideme, putent.

L V I I.

In Phœbum.

Mentiris fictos unguento, Phœbe, capillos,
Et regitur pictis sordidâ calva comis.
Tonsores capiti non est adhibere necessum:
Radere te melius spongia, Phœbe, potest.

O ij.

L V I I I.

Ad Aulum Pudensum.

Cernere Parrhasios dum te juvat, Aule, Triones
 Cominus, & Getici sidera pigra poli!
 O quàm panē tibi Stygias ergo raptus ad undas,
 Elysiæ vidi nubila fusca plagæ!
 Quamvis lassâ tuos quærebant lumina vultus,
 Atque erat in gelido plurimus ore Pudens.
 Si mihi lanificæ ducunt non pulla sorores
 Stamina, nec surdos vox habet ista deos:
 Sospite me sospes Latias revehêris ad urbes,
 Et referes pili premia magnus eques.

L I X.

In Baccaram.

ET dolet, & queritur, sibi non contingere frigus
 Propter sexcentas Baccara gausapinas:
 Optat & obscuras lucas, ventosque, nivesque;
 Odit & hibernos, si tepuere, dies.
 Quid fecere mali nostræ tibi, sæva, lacernæ,
 Tollere de scapulis quas levis aura potest?
 Quantò simplicius, quantò est humanius illud;
 Mense vel Augusto sumere gausapinas?

L X.

De Pompillo, ad Faustinum.

Rem factam Pompillus habet, Faustine: legetur,
 Et nomen toto sparget in orbe suum.
 Sic leve flavorum valeat genus Usipiorum,
 Quisquis & Ausonium non amat imperium
 Ingeniosa tamen Pompilli scripta feruntur:
 Sed famæ non est hoc, mihi crede, satis.
 Quàm multi tineas pascunt blattasque disertæ!
 Et redimunt soli carmina docta coci!
 Nescio quid plus est, quod donet secula chartis:
 Victurus genium debet habere liber.

LXI.

In invidum.

L Audat, amat, cantat nostros mea Roma libellos;
 Meque finus omnes, me manus omnis habet.
 Ecce rubet quidam, pallet, stupet, oscitat, odit.
 Hoc volo: nunc nobis carmina nostra placent.

LXII.

Ad Oppianum.

A Misit pater unicum Silanus;
 Cessas mittere munera, Oppiane?
 Heu crudele nefas, malæque Parcæ!
 Cujus vulturis hoc erit cadaver?

LXIII.

Ad Marianum.

S Cis te captari; scis hunc, qui captat, avarum;
 Et scis qui captat, quid, Mariane, velit:
 Tu tamen hunc tabulis heredem, stulte, supremis
 Scribis, & esse tuo vis, furiose, loco.
 Munera magna tamen misit; sed misit in hamo:
 Et piscatorem piscis amare potest!
 Hiccin deflebit vero tua fata dolore?
 Si cupis, ut ploret, des, Mariane, nihil.

LXIV.

In detractorem.

C Um sis nec rigidâ Fabiorum gente creatus,
 Nec qualem Curio, dum prandia portat aranti,
 Hirsutâ peperit rubicunda sub ilice conjux;
 Sed patris ad speculum tonfi, matrisque togatæ
 Filius, & sponsam possit te sponsa vocare:
 Emendare meos, quos novit fama, libellos,
 Et tibi permittis felices carpere nugas:
 Has, inquam, nugas, quibus aurem advertere totam

Non aspernantur proceres urbisque, forique:
 Quas & perpetui dignantur scrinia Sili,
 Et repetit toties facundo Regulus ore;
 Quique videt propius magni certamina Circi
 Laudat Aventinæ vicinus Sura Dianæ:
 Ipse etiam tanto dominus sub pondere rerum
 Non dedignatur bis terque revolvere Cæsar.
 Sed tibi plus mentis, tibi cor limante Minervâ
 Acrius, & tenues finxerunt pectus Athenæ.
 Ne valeam, si non multò sapit altius illud,
 Quod cum panticibus laxis, & cum pede grandî,
 Et rubro pulmone vetus, naûsque timendum,
 Omnia crudelis lanius per compita portat.
 Audes præterea, quos nullus noverit, in me
 Scribere versiculos, miseras & perdere chartas.
 At si quid nostræ tibi bilis inusserit ardor,
 Vivet; & hærebit, totoque legetur in orbe;
 Stigmata nec vafra delebit Cinnamus arte.
 Sed miserere tui, rabido nec perditus ore
 Fumantem nasum vivi tentaveris urfi.
 Sit placidus licet, & lambat digitosque, manusque;
 Si dolor, & bilis, si justa coëgerit ira,
 Ursus erit. Vacua dentes in pelle fatiges,
 Et tacitam quæras, quam possis rodere, carnem.

L X V.

Ad Tuccam.

H Exametris epigramma facis, scio dicere Tuccam.

Tucca, solet fieri: denique, Tucca, licet.
 Sed tamen hoc longum est. Solet hoc quoque, Tucca,
 licetque:

Si breviora probas, disticha sola legas.
 Conveniat nobis: ut fas, epigrammata longa
 Sit transire tibi; scribere, Tucca, mihi.

L X V I.

De præcone puellam vendente.

FAmæ non nimum bonæ puellam,
Quales in media sedent Suburra,
Vendebat modò præco Gellianus.
Parvo cùm pretio diu liceret,
Dum puram cupit approbare cundis,
Attraxit propè se manu negantem,
Et bis terque quaterque basiauit.
Quid profecerit osculo, requiris?
Sexcentos modò qui dabat, negavit.

L X V I I.

Ad Pannicum, de Gellia uxore.

CUr tantum eunuchos habeat tua Gellia, quæris,
Pannice? vult futui, Gellia, nec parere.

L X V I I I.

De morte Eutychi pueri.

FLete nefas vestrum, sed toto flete Lucrino
Najades, & luctus sentiat ipsa Thetis.
Inter Bajanas raptus puer occidit undas
Eutyclus, ille tuum, Castrice, dulce latus.
Hic tibi curarum socius, blandumque levamen,
Hic amor, hic nostri vatis Alexis erat.
Nunquid te vitreis nudum lasciva sub undis
Vidit, & Alcidae Nympha remisit Hylan?
An dea formineum jam negligit Hermaphroditum
Amplexu teneri sollicitata viri?
Quidquid id est, subita quæcunque est causa rapinæ;
Sit precor, & tellus mitis, & unda tibi.

L X I X.

Ad Catullum, de Bassa.

NOn miror, quòd potat aquam tua Bassa, Catulle;
Miror, quòd Bassi filia potat aquam.

Ad Martianum.

S Exagesima, Martiane, messis
 Acta est, & , puta, jam secunda Cottæ;
 Nec se tædia lectuli calentis
 Expertum meminit die vel uno:
 Ostendit digitum sed impudicum
 Alconti, Dasioque, Symmachoque.
 At nostri bene computentur anni,
 Et, quantum retriçæ tulere febres,
 Aut langor gravis, aut mali dolores,
 A vitâ meliore separentur:
 Infantes sumus, & senes videmur.
 Ætatem Priamique, Nestorisque,
 Longam qui putat esse, Martiane,
 Multum decipiturque, falliturque.
 Non est vivere, sed valere, vita.

De Thelethusa.

E Dere lascivos ad Bætica crasmata gestus,
 Et Gaditanis ludere docta modis,
 Tendere quæ tremulum Pelian, Hecubæque maritum
 Posset ad Hæctoreos sollicitare toros:
 Urit, & excruciat dominum Telethusa priorem:
 Vendidit ancillam; nunc redimit dominam.

De fure Cilice.

F Ur notæ nimium rapacitatis
 Compilare Cilix volebat hortum:
 Ingenti sed erat, Fabulle, in horto
 Præter marmoreum nihil Priapum.
 Dum non vacuâ manu redire,
 Ipsum surripuit Cilix Priapum.

LXXIII.

In Priapum Hilari.

Non rudis indocta fecit me falce colonus :
 Dispensatoris nobile cernis opus.
 Nam Cæretani cultor ditissimus agri
 Hos Hilarus colles , & juga læta tenet.
 Adspice , quàm certo videar non ligneus ore ,
 Nec devota focis inguinis arma geram :
 Sed mihi perpetua nunquam moritura cupresso
 Phidiacæ rigeat mentula digna manu.
 Vicini , moneo , sanctum celebrate Priapum ,
 Et bis septenis parcite jugeribus.

LXXIV.

Ad Esculanum.

Medio recumbit imus ille qui lecto ,
 Calvam trifilem semitactus unguento ,
 Foditque tonsis ora laxa lentiscis ;
 Mentitur , Esculane : non habet dentes.

LXXV.

In Pontiam.

Cum mittis turdumve mihi, quadramve placentæ,
 Sive femur leporis, sive quid his simile ;
 Buccellas misisse tuas te , Pontia , dicis.
 Has ego nec mittam , Pontia , sed nec edam.

LXXVL

Epitaphium Fusci.

Ille sacri lateris custos , Martisque togari ,
 Credita cui summi castra fuere ducis ;
 Hic fixus est Fuscus. Licet hoc , Fortuna , fateri :
 Non timet hostiles jam lapis iste minas.
 Grande jugum domitâ Dacus cervice recepit ,
 Et famulum victrix possidet umbra nemus.

P

In Afrum.

Cum sis tam pauper, quàm nec miserabilis Irus;
 Tam juvenis, quàm nec Partenopœus erat;
 Tam fortis, quàm nec, cum vinceret, Artemidorus;
 Quid te Cappadocum sex onus esse juvat?
 Rideris, multoque magis traduceris, Afer,
 Quàm nudus medio si spatium foro.
 Non aliter monstratur Atlas cum compare ginno,
 Quæque vehit similem bellua nigra Libyn.
 Invidiosa tibi quàm sit lectica, requiris?
 Non debes ferri mortuus hexaphoro.

LXXVIII.

Ad Aulum, de Phryge lusco.

Potor nobilis, Aule, lumine uno
 Luscus Phrix erat, alterque lippus:
 Huic Heras medicus, bibas caveto;
 Vinum si biberis, nihil videbis.
 Ridens Phrix oculo, valebis, inquit.
 Misceri sibi protinus deunces,
 Sed crebros jubet. Exitum requiris?
 Vinum Phrix, oculus bibit venenum.

LXXIX.

Ad Lupum.

Tristis es, & felix; sciat hoc Fortuna caveto:
 Ingratum dicet te, Lupe, si scierit.

LXXX.

Ad Cæsarem, de rosis hybernis.

UT nova dona tibi, Cæsar, Nilotica tellus
 Miserat hybernas ambitiosa rosas,
 Navita derisit Pharios Memphiticus hortos,
 Urbis ut intravit limina prima tuæ:

Tantus veris honos, & odoræ gratia Floræ,
Tantaque Pæstani gloria ruris erat.
Sic quâcunque vagus, gressumque, oculosque ferebat,
Textilibus fertis omne rubebat iter.
At tu Romanæ jussus jam cedere brumæ,
Mitte tuas messes; accipe, Nile, rosas.

L X X X I.

In Charidemum.

IRatus tanquam populo, Charideme, lavis:
Inguina sic toto subluvis in folio.
Nec caput hîc vellem sic te, Charideme, lavare.
Et caput ecce lavas: inguina malo laves.

L X X X I I.

Ad Rufum.

Quidam me modò, Rufe, diligenter
Inspectum velut emptor, aut lanista,
Cùm vultu, digitoque subnotasset,
Tunc es, tunc, ait, ille Martialis,
Cujus nequitiis jocosque novit
Aurem qui modò non habet Batavam?
Subrissi modicè, levique autu
Me, quem dixerat esse, non negavi,
Cur ergo, inquit, habes malas lacernas?
Respondi: quia sum malus Poëta.
Hoc ne sæpius accidat Poëtæ,
Mittas, Rufe, mihi bonas lacernas.

L X X X I I I.

Ad Cæsarem.

Quantùm sollicito fortuna parentis Etrusco,
Tantùm, summe ducum, debet uterque tibi.
Nam tu missa tuâ revocasti fulmina dextrâ:
Hos cuperem mores ignibus esse Jovis.
Si tua sit summo, Cæsar, natura Tonanti,
P ij

Utetur toto fulmine rara manus.
Muneris hoc utrumque tui testatur Etruscus,
Esse quod & comiti contigit, & reduci.

L X X X I V.

De Philippo.

O Craphoro sanus portatur, Avite, Philippus:
Hunc tu si sanum credis, Avite; furis.

L X X X V.

In mortem Rufi Camonii.

Editur heu; sextus sine te mihi, Rufe Camoni,
Nec te lectorem sperat, amice, liber.
Impia Cappadocum tellus, & numine lævo
Visa tibi, cineres reddit & ossa patri.
Funde tuo lacrymas orbata Bononia Rufo;
Et resonet totâ planctus in Æmiliâ.
Heu qualis pietas! heu quàm brevis occidit ætas!
Viderat Alphei præmia quinque modò.
Pectore tu memori nostros evolvere lusus,
Tu solitus totos, Rufe, tenere jocos.
Accipe cum fletu mœsti, breve carmen amici,
Atque hæc absentis thura fuisse puta.

L X X X V I.

In bibentes aquam calidam.

Setinum, dominæque nives, densique trientes,
Quandò ego vos, medico non prohibente,
bibam?
Stultus, & ingratus, nec tanto munere dignus,
Qui mavult hæres divitis esse Midæ,
Possideat Libycas messes, Hermumque, Tagumque,
Et potet calidam, qui mihi livet, aquam.

LXXXVII.

Ad Cæsarem.

DI tibi dent, & tu, Cæsar, quæcunque mereris:
Dî mihi dent, & tu, quæ volo, si merui.

LXXXVIII.

Ad Cæcilianum.

Manè salutavi vero te nomine casu;
Nec dixi dominum, Cæciliane, meum.
Quantæ libertas constet mihi tanta, requiris?
Centum quadrantes abstulit illa mihi.

LXXXIX.

De Panareto potore.

Cum peteret seram mediâ jam nocte matellam
Arguto madidus pollice Panaretus:
Spoletinâ data est, sed quam siccaverat ipse;
Nec fuerat soli tanta lagena satis.
Ille fide summâ testæ sua vina remensus,
Reddidit œnophori pondera plena sui.
Miraris, quantum biberat, cepisse lagenam?
Define mirari, Rufe: merum biberat.

X C.

De Gellia.

Mœchum Gellia non habet, nisi unum.
Turpe est hoc magis: uxor est duorum.

X C. I.

In Zôilum.

Sancta ducis summi prohibet censura, vetatque
Mœchari: gaude, Zoïle, non futuis.
P. iij.

X C I I.

In Ammianum.

Cælatus tibi cùm sit, Ammiane,
Serpens in paterâ Myronis arte;
Vaticana bibis : bibis venenum.

X C I I I.

De Thaidæ.

TAm malè Thais olet, quàm non fullonis avari
Testa verus, mediâ sed modò fracta via :
Non ab amore recens hircus, non ora leonis,
Non detracta cani Translyberina cutis :
Pullus abortivo nec cùm putrescit in ovo;
Amphora corrupto nec vitiata garo.
Virus ut hoc alio fallax permutet odore,
Depositâ quoties balnea veste petit;
Pfilotro viret : aut acidâ latet oblita cretâ :
Aut regitur pingui terque quaterque faba.
Cùm bene se tutam per fraudes mille putavit,
Omnia cùm fecit, Thaidæ Thais olet.

X C I V.

De Calpetiano.

Ponuntur semper chrysendeta Calpetiano,
Sive foris, seu cùm cœnat in urbe domi.
Sic etiam in stabulo semper, sic cœnat in agro.
Non habet ergo aliud? non habet immo suum.



M. VAL. MARTIALIS
EPIGRAMMATUM

LIBER VII.

EPIGRAMMA PRIMUM.

Ad Domitianum, de lorica.

ACCE belligeræ crudum thoraca Minervæ,
 Ipsa Medusæ quæmet ira comæ.
 Dum vacat hæc, Cæsar, poterit lorica vocari :
 Pectore cum sacro sedcrit, ægis erit.

I I.

De eadem.

INvia Sarmaticis Domini lorica sagittis,
 Et Martis Getico tergore fida magis :
 Quam vel ad Ætolæ securam cuspidis ictus
 Texuit innumeri lubricus unguis apri :
 Felix sorte tuâ ! sacrum cui tangere pectus
 Fas erit, & nostri mente calere Dei.
 I comes, & magnos illæsa merere triumphos,
 Palmatæque ducem, sed citò, redde togæ.

I I I.

Ad Pontilianum.

CUr non mitto meos tibi, Pontiliane, libellos?
 Ne mihi tu mittas, Pontiliane, tuos.
 P iv

De Oppiano.

Esset, Castrice, cum mali coloris,
Versus scribere cepit Oppianus.

V.

Ad Casarem Domitianum.

Si desiderium, Cæsar, populique, patrumque
Respicis, & Latiae gaudia vera togæ;
Redde Deum votis poscentibus: invidet hosti
Roma suo, veniat laurea multa licet.
Terrarum dominum propius videt ille, tuoque
Terretur vultu barbarus, & fruitur.

V I.

De famâ redditus Domitiani.

Ecquid Hyperboreis ad nos conversus ab oris
Ausonias Cæsar jam parat ire vias?
Certus abest auctor; sed vox hoc nunciat omnis:
Credo tibi; verum dicere, Fama, soles.
Publica viatrices testantur gaudia chartæ:
Martia laurigerâ cuspide pila virent.
Rursus, iô, magnos clamat tibi Roma triumphos,
Invisusque tuâ, Cæsar, in urbe sonas.
Sed jam lætitiæ quo sit fiducia major,
Sarmaticæ laurus nuncius ipse veni..

V. I. I.

Ad Casarem Domitianum.

Hiberna quamvis Arctos, & rudis Peuce,
Et ungularum pulsibus calens Ister,
Fractusque cornu jam ter improbo Rhenus,
Teneat domantem regna perfidæ gentis
Te, summe mundi rector, & parens orbis:.
Abesse nostris non tamen potes votis.

Illic & oculis, & animis sumus, Cæsar:
Adeoque mentes omnium tenes unus,
Ut ipsa magni turba nesciat Circi,
Utrumne currat Passarinus, an Tigris.

VIII.

De reditu Domitiani.

Nunc hilares, si quando mihi, nunc ludite
Musæ:
Victor ab Æthrysis redditur orbe Deus.
Certa facis populi tu primus vota, December:
Jam licet ingenti dicere voce, venit.
Felix sorte tuâ! Poteras non cedere Jano,
Gaudia si nobis, quæ dabit ille, dares.
Festa coronatus ludet convivia miles,
Inter laurigeros cum comes ibit equos.
Fas audire jocos, levioraque carmina, Cæsar,
Si tibi: si lusus ipse triumphus amat.

IX.

De Cascelio.

Cum sexaginta numeret Cascellus annos,
Ingeniosus homo est: quando disertus erit?

X.

In Olum.

Pædicatur Eros, fellat Linus: Ole, quid ad te,
De cute quid faciant ille, vel ille suâ?
Centenis fuit Matho millibus: Ole, quid ad te?
Non tu propterea sed Matho pauper erit.
In lucem cornat Sertorius: Ole, quid ad te?
Cum liceat totâ stertere nocte tibi.
Septingenta Tito debet Lupus: Ole, quid ad te?
Affem ne dederis, crediderisve Lupo.
Illud dissimulas ad te quod pertinet, Ole.
Quodque magis curæ convenit esse tuæ.

Pro togulâ debes : hoc ad te pertinet , Ole.

Quadrantem nemo jam tibi credit , & hoc.

Uxor mœcha tibi est : hoc ad te pertinet , Ole.

Poscit jam dotem filia grandis ; & hoc.

Dicere quindecies poteram quod pertinet ad te :

Sed quid agas , ad me pertinet , Ole , nihil.

X I.

Ad Aulum Pudentem.

COgis me calamo , manuque nostrâ
Emendare meos , Pudens , libellos.

O quàm me nimium probas , amasque ,

Qui vis archetypas habere nugas !

X I I.

Ad Faustinum.

Sic me fronte legat Dominus , Faustine , serenâ ,
Excipiatque meos quâ solet aure jocos :

Ur mea nec justè quos odit pagina lædit ,

Et mihi de nullo fama rubore placet.

Quid prodest ? Cupiant cùm quidam nostra videri ,

Si qua Lycambeo sanguine tela madent !

Vipereumque vomant nostrò sub nomine virus ,

Qui Phœbi radios ferre diemque negant.

Ludimus innocui ; scis hoc bene : juro potentis

Per genium Famæ , Castaliumque gregem ;

Perque tuas aures , magni mihi numinis instar ,

Lector inhumanâ liber ab invidiâ.

X I I I.

De Lycoride.

DUm Tiburtinis albescere solibus audit

Antiqui dentis fusca Lycoris ebur ,

Venit in Herculeòs colles. Quid Tyburis alti

Aura valet ! parvo tempore nigra redit.

XIV.

Ad Aulum, de lusu suæ puellæ.

Accidit infandum nostræ scelus, Aule, puellæ;
 Amisit lusus, deliciasque suas:
 Non quales teneri ploravit amica Catulli
 Lesbica, nequitiis passeris orba sui:
 Vel Stellæ cantata meo, quas flevit Ianthis,
 Cujus in Elysio nigra columba volat!
 Lux mea non capitur nugis, nec amoribus istis;
 Nec dominæ pectus tanta damna movent.
 Bis denos puerum numerantem perdidit annos,
 Mentula cui nondum sesquipedalis erat.

XV.

Ad Arginum Ianthidos.

Quis puer hic nitidis abstulit Ianthidos undis,
 Et fugit ad Dominam Najada? numquid
 Hylas?
 O bene, quod silvâ colitur Tirynthius istâ,
 Et quod amatrices tam propè servat aquas!
 Securus licet hos fontes, Argine, ministres:
 Nil facient Nymphæ; ne velit ipse, cave.

XVI.

Ad Regulum.

ÆRa domi non sunt: superest hoc, Regulé,
 solum,
 Ut tua vendamus munera: numquid emis?

XVII.

Ad bibliothecam Julii Martialis.

Ruris Bibliotheca delicati,
 Vicinam videt unde lector urbem;
 Inter carmina sanctiora si quis
 Lascivæ fuerit locus Thalix,

Hos nido licet inferas vel imo,
 Septem quos tibi mittimus libellos
 Auctoris calamo sui notatos :
 Hæc illis pretium facit litura.
 At tu munere dedicata parvo,
 Quæ cantaberis orbe notâ toto,
 Pignus pectoris hoc mei tuere,
 Juli Bibliotheca Martialis.

XVII.

In Gallam:

CUm tibi sit facies, de quâ nec fœmina possit,
 Dicere; cum corpus nulla litura notet:
 Cur te tam rarus cupiat repetatque fututor,
 Miraris? vitium est non leve, Galla, tibi.
 Accessi quoties ad opus, mistisque movemur
 Inguinibus: cunnus non tacet, ipsa taces.
 Di facerent ut tu loquereris, & ipse taceret:
 Offendor cunni garrulitate tui.
 Pedere te mallet; namque hoc non inutile dicis
 Symmachus & risum res movet ista simul.
 Quis ridere potest fatui poppysmata cunni?
 Cum sonat hic, cui non mentula mensque cadit?
 Dic aliquid saltem, clamosoque obstrepe cunno;
 Et si adeo muta es, discce vel inde loqui.

XIX.

De fragmento Argæ.

Fragmentum, quod vile putas & inutile lignum,
 Hæc fuit ignoti prima carina maris.
 Quam nec Cyaneæ quondam potuere ruinæ
 Frangere, nec Scythici tristior ira freti.
 Secula vicerunt: sed quamvis cesserit annis,
 Sanctior est salva parva tabella rate.

X X.

In Sanctam.

Nihil est miserius, nec gulosius Sanctâ
 Rectam vocatus cum cucurrit ad cœnam;
 Quam tot diebus noctibusque captavit;
 Ter poscit apri glandulas, quater lumbum,
 Et utramque coxam leporis, & duos armos:
 Nec erubescit pejerare de turdo,
 Et ostreorum rapere lividos cirros.
 Buccis placentæ sordidam linit mappam,
 Illic & uvæ collocantur ollares,
 Et Punicorum pauca grana malorum,
 Et excavatæ pellis indecens vulvæ,
 Et lippa ficus, debilisque boletus.
 Sed mappa cum jam mille rumpitur furtis,
 Rosos tepenti spondylos sinu condit,
 Et devorato capite turturem truncum;
 Colligere longâ turpe nec putat dextrâ
 Analecta, quidquid & canes reliquerunt.
 Nec esculenta sufficit gulæ præda;
 Misto lagenam replet ad pedes vino.
 Hæc per ducentas cum domum tulit scalas,
 Seque obseratâ clusit anxius cellâ,
 Gulosus ille postero die vendit.

X X I.

In natalem Lucani.

Hæc est illa dies, quæ magni conscia partus,
 Lucanum populis, & tibi, Polla, dedit.
 Heu! Nero crudelis, nullâque invisior umbrâ;
 Debuit hoc saltem non licuisse tibi.

X X I I.

De eodem.

Vatis Apollinei magno memorabilis ortu
 Lux redit: Aonidum turba, favete sacris.

Hæc meruit , cùm te terris , Lucane , dedisset ,
Mixtus Castaliæ Bætis ut esset aquæ.

XXXII.

De eodem.

PHœbe , veni ; sed quantus eras , cùm bella
canenti ,
Ipse dares Latæ plestra secunda lyra.
Quid tantâ pro luce precer ? tu , Polla , maritum
Sæpe colas , & se sentiat ipse coli.

XXXV.

In maledicum.

CUm Juvenale meo quæ me committere tentas ,
Quid non audebis , perfida lingua loqui ?
Te fingente nefas , Pyladen odisset Orestes :
Thesæa Pirithoi destituisset amor.
Tu Siculos fratres , & majus nomen Atridas ,
Et Ledaë poteras dissociare genus.
Hoc tibi pro meritis , & talibus imprecor ausis ;
Ut facias illud , quod , puto , linguâ , facis.

XXXV.

In malum Poëtam.

DUlcia cùm tantum scribas epigrammata semper ,
Et cerussata candidiora cure ;
Nullaque mica salis , nec amari fellis in illis
Gutta sit ; ô demens ! vis tamen illa legi.
Nec cibus ipse juvat morsu fraudatus aceti ;
Nec grata est facies , cui gelasinus abest.
Infanti melimela dato , fatuasque mariscas ;
Nam mihi , quæ novit pungere , Chia sapit.

XXVI.

Scaxonta mittit ad Apollinarem.

A Pollinarem conveni meum, Scaxon;
 Et si vacabit (ne molestus accedas)
 Hoc quaecunque, cujus aliqua pars ipse est,
 Dabis: hoc facerum carmen imbuant aures.
 Si te receptum fronte videris totâ,
 Noto rogabis ut favore sustenter.
 Quanto mearum, scis, amore nugarum
 Flagret: nec ipse plus amare te possum.
 Contra malignos esse si cupis tutus,
 Apollinarem conveni meum, Scaxon.

XXVII.

De apro sibi à Dextro misso.

T Usca glandis aper populator, & illice mûlra
 Jam piger, Ætolæ fama secunda feræ,
 Quem meus intravit splendenti cuspide Dexter,
 Præda jacet nostris invidiosa focis.
 Pinguescant madido tetri nidore Penates,
 Flagret & exciso festa culina jugo.
 Sed coquus ingentem piperis consumet acervum,
 Addet & arcano mixta Falerna garo.
 Ad dominum redeas; noster te non capit ignis
 Conturbator aper: vilius esurio.

XXVIII.

Ad Fuscum.

S Ic Tiburtinæ crescat tibi sylva Dianæ,
 Et properet cæsum sæpe redire nemus:
 Nec Tarteſſiacis Pallas tua, Fusce trapetis
 Cedat, & immodici dent bona musta lacus;
 Sic fora mirentur, sic te pallatia laudent,
 Excolat & geminas plurima palma fores:

Otia dum medius præstat tibi parva December;
Excipe, sed certâ, quos legis, aure jocos.
Scire libet verum: res est hæc ardua: sed tu,
Quod tibi vis dici, dicere, Fusce, potes.

XXIX.

Ad Testilum puerum.

Testile Victoris tormentum dulce Voconæ,
Quo nemo est toto notior orbe puer:
Sic etiam possis formosus amere capillis;
Et placeat vati nulla puella tuo:
Paullisper domini doctos seponere libellos;
Carmina victori dum lego pauca tuo.
Et Mæcænatæ Maro cum cantaret Alexin,
Nota tamen Marci fusca Melenis erat.

XXX.

In Cæliam.

Das Parthis, das Germanis, das, Cælia, Daci;
Nec Cilicum spernis, Cappadocumque toros.
Et tibi de Phariâ Memphisiticus urbe futuror
Navigat, à rubris & niger Indus aquis.
Nec recutitorum fugis inguina Judæorum;
Nec te Sarmatico transit Alanus equo.
Quâ ratione facis, cum sis Romana puella,
Quod Romana tibi mentula nulla placet?

XXXI.

Ad Regulum.

Raucæ cortis aves, & ova matrum,
Et flavas medio vapore Chias,
Et ferum querulæ rudem capellæ,
Nec jam frigeribus pares olivas,
Et canum gelidis olus pruinis
De nostro tibi rure missa credis?
O quàm, Regule, diligenter erras?

Nil

Nil nostri, nisi me, ferunt agelli.
 Quidquid villicus Umber, aut colonus,
 Aut rus marmore tertio notatum,
 Aut Tusci tibi, Tusculive mittunt;
 Id tota mihi nascitur Suburra.

XXXI.

Ad Atticum.

Attice, facundæ renovas qui nomina gentis,
 Nec finis ingentem conticuisse domum:
 Te pia Cecropiæ comitatur turba Minervæ:
 Te secreta quies, te sophos omnis amat.
 At juvenes alios fractâ colit aure magister,
 Et rapit immeritas sordidus unctor opes.
 Non pila, non follis, non te paganica thermis
 Præparat, aut nudi stipitis ictus hebes:
 Vara nec injecto ceromate brachia tendis;
 Non harpasta vagus pulverulenta rapis:
 Sed curris niveas tantum propè virginis undas,
 Aut ubi Sidonio taurus amore calet.
 Fer varias arteis, omnis quibus area servit,
 Ludere, cum liceat currere, pigritia est.

XXXII.

In Cinna.

Sordidior cæno cum sit toga, calceus autem
 Candidior primâ sit tibi, Cinna, nive:
 Dejecto quid, inepte, pedes perfundis amictu?
 Collige, Cinna, togam; calceus. ecce perit.

XXXIV.

Ad Severum, de Charino.

Quo possit fieri modo, Severe,
 Ut vir pessimus omnium Charinus.
 Unam rem bene fecerit, requiris?
 Dicam, sed citò. Quid Nerone pejus?
 Quid thermis melius Neronianis?

Q

Non deest protinus, ecce, de malignis,
 Qui sic rancidulo loquatur ore:
 Ut quid tu Domini, Deique nostri
 Præfers muneribus Neronianas?
 Thermas præfero balneis cinædi.

XXXV.

Ad Lecaniam.

Inguina succinctus nigra tibi servus afuta
 Stat, quoties calidis tora foveris aquis.
 Sed meus, ut de me taceam, Lecania, servus;
 Judæum nullâ sub cute pondus habet.
 Et nudi tecum juvenesque senesque lavantur.
 An sola est servi mentula vera tui?
 Ecquid fœmineos sequeris, matrona, recessus?
 Secretusque tuâ, cunne, lavaris aquâ?

XXXVI.

Ad Stellam.

Cum phryias, madidumque Jovem perferro
 negaret,
 Et rudis hibernis villa nataret aquis;
 Plurima, quæ posset subitos effundere nimbos,
 Muneribus venit tegula missa tuis.
 Horridus ecce sonat Boreæ stridore December;
 Stella, regis villam; non regis agricolam.

XXXVII.

Ad Castricum, de theta.

Nosti mortiferum Quæstoris, Castrice, signum?
 Est operæ pretium, discere theta novum.
 Exprimeret quoties rorantem frigore nasum,
 Lethalem juguli jusserat esse notam.
 Turpis ab inviso pendebar stiria naso,
 Cum flaret madidâ fauce December atrox.
 Collegæ tenuere manus: quid plura requiris?
 Emungi misero, Castrice, non licuit.

Ad Poliphemum.

Tantus es, & talis nostri, Polypheme, Severi,
 Ut te mirari possit & ipse Cyclops.
 Sed nec Scylla minùs: quòd si fera monstra duorum
 Junxeris, alterius fiet uterque timor.

XXXIX.

De Calio.

Discursus varios, vagumque mane,
 Et fastus, & ave potentiorum,
 Cum perferre patique jam negaret,
 Cœpit fingere Cælius podagram:
 Quam dum vult nimis approbare veram.
 Et sanas linit, obligatque plantas,
 Inceditque gradu laborioso:
 (Quantum cura potest, & ars doloris!)
 Desit fingere Cælius podagram.

XL.

Epitaphium Etrusci patris.

Hic jacet ille senex Augustâ notus in aula,
 Pectore non humili passus utrumque Dea:
 Natorum pietas sanctis quem conjugis umbris
 Miscuit Elysium possidet ambo nemus.
 Occidit illa prior viridi fraudata juventa;
 Hic propè ter senas vixit Olympiadas.
 Sed festinatis raptum tibi credidit annis,
 Adspexit lacrymas quisquis, Etrusce, tuas.

XLI.

Ad Sempronium Tuccam.

Cosmicus esse tibi, Semproni Tucca, videris:
 Cosmica Semproni, tam mala, quam bona
 Sunt.

Q.ij

X L I I.

Ad Castricum.

MUneribus cupiat si quis contendere tecum:
 Audëat hic etiam, Castrice, carminibus.
 Nos tenues in utroque sumus, vincique parati:
 Inde sopor nobis, & placet alta quies.
 Tam mala cur igitur dederim tibi carmina, *quæris?*
 Alcinoò nullum poma dedisse putas?

X L I I I.

In Cinna.

PRimum est, ut præstes, si quid te, Cinna;
 rogabo:
 Illud deinde sequens, ut citò, Cinna, neges:
 Diligo præstantem: non odi, Cinna, negantem.
 Sed tu nec præstas, nec citò, Cinna, negas.

X L I V.

Ad Q. Ovidium, de imagine Maximi Cæsaris.

MAXIMUS ille tuus, Ovidii, Cæsonius hic est:
 Cujus adhuc vultum vivida cera tenet.
 Hunc Nero damnavit; sed tu damnare Neronem
 Ausus es, & profugi, non tua fata sequi.
 Æquora per Scyllæ magnus comes exsulis isti;
 Qui modò nolueras Consulis ire comes
 Si victura meis mandantur nomina chartis,
 Et fas est cineri me superesse meo:
 Audiet hoc præsens, venturaque turba: fuisse.
 Illi te, Senecæ quòd fuit ille suo.

X. L. V.

Ad eundem.

FAcundi Senecæ potens amicus,
 Caro proximus, aut prior Sereno,
 Hic est Maximus ille, quem frequenti
 Felix littera pagina salutat
 Hunc tu per Sticulas secutus undas,
 © nullis Ovidi tacende linguis,
 Sprexisti Domini furentis iras.
 Miretur Pyladem suum vetustas.
 Hæsit qui comes exsuli parentis.
 Quis discrimina compareret duorum?
 Hæstisti comes exsuli Neronis.

X L V I.

Ad Priscum.

Commendare tuum dum vis mihi carmine munus,
 Mæonioque cupis doctius ore loqui,
 Excrucias multis pariter me teque diebus;
 Et tua de nostro, Prisce, Thalia placet.
 Divitibus poteris Musas, elegosque sonantes
 Mittere: pauperibus munera pexa dato.

X L V I I.

Ad Licinium Suram.

Doctorum Licini celeberrime Sura virosum,
 Cujus prisca graves lingua reduxit aves:
 Redderis (heu) quanto fatorum munere nobis,
 Gustatâ Læthes pœnè remissus aquâ!
 Perdiderant jam vota metum, securaque flebant
 Tristitia cum lacrymis; jamque peractus eras.
 Non tulit invidiam taciti regnator Averni,
 Et raptas fatis reddidit ipse colēs.
 Scis igitur, quantas hominum mors falsa quietas
 Moverit, & frueris posteritate tuâ.

Vive velut raptō, fugitivaque gaudia carpe:
Perdiderit nullum vita reversa diem.

X L V I I I.

De Annio.

Cum mensas habeat ferè trecentas,
Pro mensis habet Annius ministros:
Transcurrent gabatæ, volantque lances.
Has vobis epulas habete, lauti;
Nos offendimur ambulante cœnâ.

X L I X.

Ad Severum.

Parva suburbani munuscula mittimus horti:
Faucibus ova tuis; poma, Severe, gula.

L.

Ad fontem Ianthidos.

Fons dominæ, regina loci, quo gaudet Ianthis,
Gloria conspicuæ delitiumque domûs:
Cum tua tot niveis ornatur ripa ministris,
Et Ganymedeo luceat unda choro:
Quid facit Alcides silvâ sacratum in istâ?
Tam vicina tibi cur tenet antra Deus?
Numquid Nympharum notos observat amores,
Tam multi pariter ne rapiantur Hylæ?

L I.

Ad Urbicum.

Mercari nostras si te piget, Urbice, nugas;
Et lasciva tamen carmina nosse libet:
Pompeium queras (& nostri forsitan) Ausum,
Ultoris primâ Martis in æde fedet.

Jure madens, varioque togæ limatus in usu,
 Non lector meus hic, Urbice, sed liber est.
 Sic tenet absentis nostros, cantatque libellos:
 Ut pereat chartis littera nulla meis.
 Denique, si vellet, poterat scripsisse videri;
 Sed famæ mavult ille favere meæ.
 Hunc licet à decimâ (nec enim satis antè vacabit)
 Sollicitus: capiet cœnula parva duos.
 Ille leget, bibe tu: nolis licet, ille sonabit;
 Et cum, jam satis est, dixeris, ille leget.

L I I.

Ad Ausum.

Gratum est, quòd Celeri nostros legis, Ausæ;
 libellos;
 Si tamen & Celèrem quòd legis, Ausæ, juvat.
 Ille meas gentes, & Celtas rexit Iberos,
 Nec fuit in nostro certior orbe fides.
 Major me tantò reverentia turbat; & aures,
 Non auditoris, judicis esse puto.

L I I I.

In Umbrum.

Omnia misisti mihi Saturnalibus, Umber,
 Munera, contulerant quæ tibi quinque dies;
 Bis senos triplices, & dentiscalpia septem:
 His comes accessit spongia, mappa, calix;
 Semodiusque fabæ cum vimine Picenarum,
 Et Laletanæ nigra lagena sapæ:
 Parvaque cum canis venerunt coctana prunis,
 Et Lybicæ fici pondere testa gravis.
 Vix puto triginta nummorum tota fuisse
 Munera, quæ grandes octo tulere Syri.
 Quantò commodius nullo mihi ferre labore
 Argenti potuit pondera quinque puer?

L I V.

In Nasidienum.

Semper manè mihi de me mera somnia narras,
 Quæ moveant animum, sollicitentque meum.
 Jam prior ad fecem, sed & hæc vindemia venit;
 Exorat noctes dum mihi saga tuas
 Consumpsi salsasque molas, & thuris acervos:
 Decrevere greges, dum cadit agna frequens.
 Non porcus, non cortis aves, non ova superflua
 Aut vigila, aut dormi, Nasidiene, tibi.

L V.

In Chrestum.

Nulli munera, Chreste, si remittis,
 Nec nobis dederis, remisericque;
 Credam te satis esse liberalem.
 Sed si reddis Apitio, Lupoque,
 Et Gallo, Titioque, Cælioque,
 Lingas non mihi (nam proba, & puella est,
 Sed quæ de Solymis venit perustis
 Damnatam modò mentulam tributi.

L V I.

Ad Rabirium.

Astra polumque piâ percepisti mente, Rabiri,
 Parrhasiam mirâ qui struis arte domum.
 Thidiaco si digna Jovi dare templa parabit,
 Has petat à nostro Pifa Tonante manus...

LVII.

L V I I.

De Achilla.

CAstora de Polluce Gabinia fecit Achillam :
Pythagathos fuerat ; nunc erit Hippodamus.

L V I I I.

Ad Gallam.

JAm sex aut septem nupsisti , Galla , cinædis :
Dùm coma te nimium , pexaque barba juvat.
Deinde experta latus , madidoque simillima loro
Inguina , nec lassâ stare coacta manu ;
Deseris imbelles thalamos , mollemque maritum ,
Rursus & in similes decidis usque toros.
Quære aliquem Curios semper Fabiosque loquentem ,
Hirsutum , & durâ rusticitate trucem ,
Invenies ; sed habet tristis quoque turba cinædos.
Difficile est vero nubere , Galla , viro.

L I X.

Ad Titum , de Cæciliano.

Non cornat sine apro noster , Tite , Cæcilianus.
Bellum convivam Cæcilianus habet.

L X.

Ad Jovem Capitolinum.

TArpeiz venerande rector anlz ,
Quem salvo duce credimus Tonantem ,
Cum votis sibi quisque te fatiget ,
Et postat dare , quæ Dei potestis :
Nil pro me mihi , Jupiter , perenti ,
Ne succensueris velut superbo.

R.

Te pro Cæsare debeo rogare,
Pro me debeo Cæsarem rogare.

L X I.

Ad Germanicum Cæsarem.

Abstulerat totam temerarius institor urbem;
Inque suo nullum limine limen erat.
Jussisti tenues, Germanice, crescere vicos;
Et, modò quæ fuerat semita, facta via est.
Nulla catenatis pila est præcincta lagenis:
Nec Prætor medio cogitur ire luto.
Stringitur in densâ nec cæca novacula turbâ:
Occupat aut totas nigra popina vias.
Tonfor, caupo, coquus, lanius sua limina servant.
Nunc Roma est; nuper magna taberna fuit.

L X I I.

In Amillum.

Reclusis foribus grandes percidis, Amille;
Et te deprendi, cùm facis ista, cupis;
Ne quid liberti narrent, servique paterni,
Et niger obliquâ garrulitate cliens.
Non pædicari qui se testatur, Amille,
Illud sæpe facit, quod sine teste facit.

L X I I I.

De Silio Italico.

Perpetui nunquam moritura volumina Sili
Qui legis, & latiâ carmina digna togâ;
Pierios tantùm vati placuisse recessus
Credis, & Apniæ Bacchica ferta comæ?

Sacra cothurnati non attigit ante Maronis ,
 Implevit magni quàm Ciceronis opus.
 Hunc miratur adhuc centum gravis hasta virorum.
 Hunc loquitur grato plurimus ore cliens.
 Postquam bis-senis ingentem fascibus annum
 Rexerat, asserto qui facer orbe fuit ;
 Emeritos Musis , & Phœbo tradidit annos ,
 Proque suo celebrat nunc Heliconæ foro.

L X I V.

In Cinnamonum.

Q U i tonsor fueras totâ notissimus urbe ,
 Et post hoc dominæ munere factus eques ,
 Sicanas urbes , Aetnæque regna petisti ,
 Cinname, cùm fugeres tristia jura fori.
 Quâ nunc arte graves tolerabis inutilis annos ?
 Quid facit infelix & fugitiva quies ?
 Non rhetor , non grammaticus , ludive magister ,
 Non Cynicus , non tu Stoïcus esse potes ;
 Vendere nec vocem Siculis plausumque theatris.
 Quod superest , iterùm , Cinname , tonsor eris.

L X V.

In Gargilianum.

L I s te bis decimæ numerantem frigora brumæ
 Conterit una tribus , Gargiliane , foris.
 Ah miser , & demens ! viginti litigat annis
 Quisquam , cui vinci , Gargiliane , licet ?

L X V I.

De Labieno.

H AEREDem Fábius Labienum ex asse reliquit ,
 Plus meruisse tamen se Labienus ait.

R ij

L X V I I.

In Philanin.

Pædicat pueros tribas Philanis;
 Et tentigine sævior mariti
 Undenas vorat in die puellas.
 Harpasto quoque subligata ludit,
 Et flavescit happe, graveisque draucha
 Halteras facili rotat lacerto;
 Et putri lutulentâ de palæstrâ
 Uncti verbere vapulat magistri.
 Nec cœnat prius, aut recumbit antè
 Quàm septem vomuit meros deunces:
 Ad quos fas sibi tunc putat redire,
 Cùm coliphia sexdecim comedit.
 Post hæc omnia; cùm libidinatur,
 Non fellat: putat hoc parùm virile;
 Sed planè medias vorat puellas.
 Dî mentem tibi dent tuam, Philœni,
 Cunnum lingere quæ putas virile.

L X V I I I.

Ad Instantium Rufum.

Commendare meas, Instanti Rufe, Camœnæ
 Parce Precor socero: seria forsan amat.
 Quòd si lascivos admittit & ille libellos,
 Hæc ego vel Curio Fabricioque legam.

L X I X.

De Theophila.

Hæc est illa tibi promissa Theophila, Cani,
 Cujus Cecropia pectora dote madent.
 Hanc sibi jure petat magni senis Atticus hortus,
 Nec minùs esse suam Stoïca turba velit.

Vivēt opus quodcunque per has emiseris aures,
 Tam non fœmineum nec populare sapit:
 Non tua Pantænis nimium se præferat illi,
 Quamvis Pierio sit bene nota choro.
 Carmina fingentem Sappho laudabit amatrix:
 Castior hæc, & non doctior illa fuit.

L X X.

In Philanin.

IPsarum tribadum tribas, Philæni,
 Rectè, quam futuis, vocas amicam.

L X X I.

De familiâ ficosâ.

Ficosa est uxor, ficosus & ipse maritus:
 Filia ficosâ est, & gener, atque nepos.
 Nec dispensator, nec villicus ulcere turpi,
 Nec rigidus fossor, sed nec arator eget.
 Cum sint ficosi pariter juvenesque senesque,
 Res mira est; ficos non habet unus ager?

L X X I I.

Ad Paullum.

CRatus sic tibi, Paulle, sit December;
 Nec vani triplices, brevesque mappæ,
 Nec thuris veniant leves selibræ;
 Sed lauces ferat, aut scyphos avorum,
 Aut grandis reus, aut potens amicus:
 Seu quod te potiùs juvat, capitque.
 Sic vincas Noviumque, Publiumque,
 Mandris & vitreo latrone clausos:
 Sic palmam tibi de trigone nudo
 Unctæ det favor arbiter coronæ,
 Nec laudet Polybi magis sinistras.

B. iiij

Si quisquam mea dixerit malignus
Atro carmina quæ madent veneno :
Ut vocem mihi commodos patronam ,
Et , quantum poteris , sed usque , clames :
Non scripsit meus ista Martialis.

L X X I I I.

Ad Maximum.

E Squiliis domus est , domus est tibi colle Dianæ ,
Et tua patricius culmina Vicus habet :
Hinc viduæ Cybeles , illinc sacraria Vestæ ;
Inde Novum , Veterem prospicis inde Jovem.
Dic , ubi conveniam : dic , quâ te parte requiram ?
Quisquis ubique habitat , Maxime , nusquam
habitat.

L X X I V.

Pro Caro & Norbana votum.

C yllenes cœlique decus , sacunde minister ,
Aurea cui torto virga dracone viret :
Sic tibi lascivi non desit copia furti ,
Sive cupis Paphien , seu Ganymede cales ;
Maternæque sacris ornentur frondibus Idus ,
Et senior parcâ mole prematur avus :
Hunc semper Norbana diem cum conjuge Caro
Læta colat , primis quo cœlere toris.
Hic pius antistes Sophiæ sua dona ministrat :
Hic te thure vocat , fidus & ipse Jovi.

L X X V.

In anum deformem.

V is futui gratis , cum sis deformis , anusque.
Res perridicula est : vis dare , nec dare vis.

L X X V I.

Ad Philomusum.

Quod te diripiunt potentiores
Per convivia, porticus, theatra,
Et tecum, quoties ita incidisti,
Gestari juvat, & juvat lavari:
Nolito nimium tibi placere.
Delectas, Philomuse: non amaris.

L X X V I I.

In Tuccam.

Exigis ut nostros donem tibi, Tucca, libellos.
Non faciam; nam vis vendere, non legere.

L X X V I I I.

In Papilum.

Cum Saxetani ponatur cauda lacerti;
Et bene si cornas, conchis inuncta tibi est;
Sumen, aprum, leporem, boletos, ostrea, mullos
Mittis. Habes nec cor, Papile, nec genium.

L X X I X.

Ad Severum.

Potavi modò consulare vinum,
Quæris quàm vetus atque liberale?
Ipso Consule conditum: sed ipse
Qui ponebat, erat, Severe, Consul.

L X X X.

Ad Faustinum, ut libellos suos Marcellino mittat.

Quatenus Othrisios jam pax Romana Triones
Temperat, & tetricæ conticuere tubæ:
Hunc Marcellino poteris, Faustine, libellum
Mittere: jam chartis, jam vacat ille jocis.
Sed si parva tui munuscula quæris amici

B. 17.

Commendare : ferat carmina nostra puer ;
 Non qualis Geticæ satiatus lacte juventæ
 Sarmaticâ rigido ludit in amne rotâ :
 Sed Mitylenæi roseus mangonis ephebus ,
 Vel non cæsus adhuc matre jubente Lacon.
 At tibi captivo famulus mittetur ab Istro ,
 Qui Tiburtinas pascere possit oves.

L X X X I.

Ad Lausum.

Triginta toto mala sunt epigrammata libro :
 Si totidem bona sunt ; Lause : liber bonus est.

L X X X I I.

De Menophilo.

Menophili penem tam grandis fibula vestit ,
 Ut sit comœdis omnibus una satis.
 Hunc ego credideram (nam sæpe lavamur in unum)
 Sollicitum voci parcere , Flacce , suæ :
 Dum ludit mediâ populo spectante palæstrâ ,
 Delapsa est misero fibula ; verpus erat.

L X X X I I I.

De Entrapelo.

Eutrapelus tonsor dum circuit ora Luperci ;
 Expungitque genas ; altera barba subit.

L X X X I V.

Ad Librum.

Dum mea Cæcilio formatur imago Secundo ,
 Spirat & argutâ picta tabella manu ;
 I liber ad Geticam Peucen , Istrumque tacentem ;
 Hæc loca perdomitis gentibus ille tenet.
 Parva dabis caro , sed dulcia , dona sodali ;
 Certior in nostro carmine vultus erit.

Casibus hic nullis, nullis delebilis annis
Vivet, Apelleum cum morietur opus.

L X X X V.

Ad Sabellum.

QUOD non insulse scribis tetraſticha quædam;
Disticha quod bellè pauca; Sabelle, facis:
Laudo, nec admiror: facile est epigramma, Sabelle,
Scribere; sed librum scribere difficile est.

L X X X V I.

In Sextum.

AD natalitias dapes vocabar,
Essem cum tibi, Sexte, non amicus.
Quid factum est, rogo, quid repente factum est?
Post tot pignora nostra, post tot annos,
Quod sum præteritus vetus sodalis?
Sed causam scio; nullu venit à me
Hispani tibi libra postulati;
Nec tenuis toga, nec rudes lacernæ;
Non est sportula, quæ negociatur:
Poscis munera, Sexte, non amicos.
Jam dices mihi: vapulet vocator.

L X X X V I I.

De se.

SI meus auritâ gaudet glaucopide Flaccus;
Si fruitur tristi Canius Æthiope;
Publius exiguæ si flagrat amore catellæ;
Si Cronius similem cercopithecon amat;
Delectat Marium si perniciosus ichneumon;
Pica salutatrix si tibi, Lause, placet;
Si gelidum collo nectit Gratilla draconem;
Luscinia tumulum si Thelesina dedit:
Blandâ Cupidinei cur non amet ora Labycæ,
Qui videt hæc dominis monstra placere suis.



Ad Lausum.

Fertur habere meos, si vera est fama, libellos
 Inter delicias pulchra Vienna suas.
 Me legit omnis ibi senior, juvenisque, puerque,
 Et coram retrico casta puella viro.
 Hoc ego maluerim, quam si mea carmina cantent,
 Qui Nilum ex ipso protinus ore bibunt.
 Quam meus Hispano si me Tagus impleat auro,
 Pascat & Hybla meas, pascat Hymettos apes.
 Nonnihil ergo sumus, nec blandæ murmure linguae
 Decipimur. Credam jam puto, Lause, tibi.

LXXXIX.

Apollinari mittit coronam roseam.

IFelix rosa, mollibusque fertis
 Nostri cinge comas Apollinaris;
 Quas tu nectere candidas, sed olim,
 Sic te semper amet Venus, memento.

XC.

Ad Creticum.

Jactat inaequalem Matho me fecisse libellum:
 Si verum est, laudat carmina nostra Matho.
 Aequales scribit libros Calvinus, & UMBER.
 Aequalis liber est, Cretice, qui melius est.

XCI.

Ad Juvenalem.

DE nostro facunde tibi Juvenalis agello
 Saturnalitias mittimus, ecce, nuces.
 Cetera lascivis donavit poma puellis
 Mentula custodis luxuriosa Dei.

XCII.

In Baccaram.

SI quid opus fuerit, scis me non esse rogandum,
 Bis nobis dicis, Baccara, terque die.
 Appellat rigidâ tristis me voce Secundus:
 Audis; sed nescis, Baccara, quia sit opus..
 Pensio te coram petitur clarèque, palamque:
 Audis; sed nescis, Baccara, quid sit opus..
 Esse queror gelidasque mihi tritaque lacernas:
 Audis; sed nescis, Baccara, quid sit opus..
 Hoc opus est, subito fias ut fidere mutus;
 Dicere ne possis, Baccara, quid sit opus..

XCIII.

Ad Narniam.

NArnia, sulfureo quam gurgite candidus amnis
 Circuit, ancipiti vix adeunda iugo..
 Quid tam sæpe meum nobis abducere Quintum
 Te juvat, & lentâ detinuisse morâ?
 Quid Nomentani causam mihi perdis agelli,
 Propter vicinum qui pretiosus erat?
 Sed jam parce mihi, nec abutere, Narnia, Quinto;
 Perpetuo liceat sic tibi ponte frui..

XCIV.

De Papilo.

UNguentum fuerat, quod onyx modò parva
 gerebat;
 Olfecit postquam Papilus, ecce garum est..

XCV.

In Linum.

BRuma est, & riget horridus Decembris;
 Audes tu tamen osculo nivali
 Omnes obuius hinc & hinc tenere,
 Et totam, Line, basiare Romam..

Quid possis graviùsque , sæviùsque
 Percussus facere , atque verberatus ?
 Hoc me frigore hæset nec uxor ,
 Blandis filia nec rudis labellis ,
 Sed tu dulcior , elegantiorque ;
 Cujus livida naribus caninis
 Dependet glacies , rigerque barba ,
 Qualem forficibus metit supinis
 Tonfor Cinyphio Cilix marito.
 Centum occurrere malo cunnilingis ;
 Et Gallum timeo minùs recentem.
 Quare si tibi sensus est , pudorque ;
 Hibernas , Line , basiariones
 In mensem , rogo , differas Aprilem.

X C V I.

Epitaphium Urbici pueri.

Conditus hîc ego sum Bassi dolor Urbicus infans ,
 Cui genus & nomen maxima Roma dedit.
 Sex mihi de primâ deerant trieteride menses ,
 Ruperunt tetricæ cùm mala pensa Deæ.
 Quid species , quid lingua mihi , quid profuit ætas ?
 Da lacrynas tumulo , qui legis ista , meo.
 Sic ad Lethæas , nisi Nestore ferior , undas
 Non eat , optabis quem superesse tibi.

X C V I I.

Ad librum , de Cæso Sabino.

Nosti si bene Cæsum , libelle ,
 Montanæ decus Umbriæ Sabinum ,
 Auli municipem mei Pudentis ;
 Illi tu dabis hæc , vel occupato :
 Insistent mile licet premantque curæ ,
 Nostris carminibus tamen vacabit.
 Nam me diligit ille , proximumque
 Turni nobilibus leget libellis.
 O quantum tibi nominis paratur !

O quæ gloria ! Quàm frequens amator !
 Te convivia , te forum sonabit ,
 Ædes , compita , porticus , tabernæ.
 Uni mitteris , omnibus legeris.

X C V I I L

Ad Castorem.

O Mnia , Castor , emis : sic fiet , ut omnia vendar.

X C I X.

Ad Crispinum.

S Ic placidum videas semper , Crispine , Tonantem ;
 Nec te Roma minus , quàm tua Memphis amet :
 Carmina Parrhasiâ si nostra legentur in aulâ ;
 (Namque solent sacrâ Cæsaris aure frui :)
 Dicere de nobis , ut lector candidus , aude :
 Temporibus præstat nonnihil iste tuis.
 Nec Marso nimium minor est , doctoque Catullo.
 Hoc satis est ipsi ; cætera mando Deo.



M. VAL. MARTIALIS
EPIGRAMMATUM
LIBER VIII.

*Imp. Domitiano, Cafari Augusto, Germanico,
Dacico, Val. Martialis, S.*

OMNES quidem libelli mei, Domine, quibus tu famam, id est, vitam dedisti, tibi supplicant; & puto, propter hoc leguntur. Hic tamen, qui operis nostri octavus inscribitur, occasione pietatis frequentius fruitur. Minus itaque ingenio laborandum fuit in cujus locum materia successerat; quam quidem aliquâ jocorum mixturâ variare tentavimus, ne cælesti verecundiæ tuæ laudes suas, quæ facilius te fatigare possunt quam nos satiare, omnis versus ingeret. Quamvis autem epigrammata severissimis quoque, & supremæ fortunæ viris ita scripta sint, ut mimicam verborum licentiam affectasse videantur: ego tamen illis non permisi tam lascivè loqui, quam solent, cum pars libri & major & melior ad majestatem sacri nominis tui allegata sit, meminerit non nisi religiosâ purificatione lustratus accedere ad templa debere. Quod ut custoditurum me lecturi sciant, in ipso libelli hujus limine profiteri brevissimo placuit epigrammate.

EPIGRAMMA PRIMUM.

Ad librum suum.

LAurigeros Domini liber intrare Penates,
Disce verecundo sanctius ore loqui.
Nuda recede Venus: non est tuus iste libellus.
Tu mihi, tu Pallas Cæsariana veni.

I I.

Ad Janum.

Fastorum genitor, parensque Janus
 Victorem modò cum videret litri,
 Tot vultus sibi non satis putavit,
 Optavitque oculos habere plures.
 Et lingua pariter locutus omni,
 Terrarum domino, Deoque rerum
 Promisit Pyliam quater senectam.
 Addas, Jane pater, tuam rogamus.

I I I.

Ad Musam.

Quinque satis fuerant; nam sex, septemve libelli,
 Est nimium: quid adhuc ludere, Musa, juvat
 Sit pudor, & finis: jam plus nihil addere nobis
 Fama potest; teritur noster ubique liber.
 Et cum rupta situ Messalæ saxa jacebunt,
 Altaque cum Licinî marmora pulvis erunt:
 Me tamen ora legent, & secum plurimus hospes
 Ad patrias sedes carmina nostra feret.
 Finieram, cum sic respondit nona sororum,
 Cui coma, & unguento sordida vestis erat:
 Tunc potes dulces, ingrata, relinquere nugæ?
 Dic mihi, quid melius desidiosus ages?
 An juvat ad tragicos soccum transferre corburos?
 Aspera vel paribus bella tonare modis?
 Prælegat ut tumidus raucâ te voce magister,
 Oderit & grandis virgo, bonusque puer?
 Scribant illa graves nimium, nimiumque severi,
 Quos mediâ miseros nocte lucerna vider.
 At tu Romano lepidos sale tinge libellos;
 Agnoscat mores vita legarque suos.
 Angustâ cantare licet videaris avenâ,
 Dum tua multorum vincat avena tubas.

I V.

Ad Germanicum.

Quantus, iô, Laras mundi conventus ad aras
 Suscipit, & solvit pro Duce vota suo!
 Nam non hæc hominum, Germanice, gaudia tantum,
 Sed faciunt ipsi nunc, puto, sacra Dei.

V.

Ad Macrum.

Dum donas, Macer, annulos puellis;
 Defisti, Macer, annulos habere.

V I.

In Euctum.

Archetypis vetuli nihil est odiosius Eucti.
 Ficta Saguntino cymbia mala luto.
 Argenti furiosa sui cum stemmata narrat
 Garrulus, & verbis mucida vina facit.
 Laomedontæ fuerant hæc pocula mensæ:
 Ferret ut hæc, muros struxit Apollo lyra.
 Hoc cratere ferox commisit prælia Rhæcus
 Cum Lapithis; pugna debile cernis opus.
 Hi duo longævo censeantur Nestore fundi:
 Pollice de Pylio trita columna nitet.
 Hic scyphus est, in quo misceri iussit amicis
 Largius Æacides vividiusque merum.
 Hac propinavit Bytyæ pulcherrima Dido
 In paterâ, Phrygio cum data cœna viro est.
 Miratus fueris, cum prisca toreumata multum,
 In Priami calathis Astyanacta bibes.

V I I.

In Cinna.

Hoc agere est causas, hoc dicere, Cinna, disertè,
 Horis, Cinna, decem dicere verba novem?
 Sed

Sed modò clepsydras ingenti voce petisti
Quattuor : ô quantùm , Cinna , tacere potes !

VIII.

Ad Janum , de reditu Cæsaris.

P Rincipium des , Jane , licèt velocibus annis ,
Et revoces vultu secula longa tuo :
Te primum pia thura rogent , te vota saluent ;
Purpura te felix , te colat omnis honos :
Tu tamen hoc mavis , Latix quod contigit urbi ,
Mense tuo reducem , Jane , videre Deum.

IX.

Ad Quinctum , de Hylâ.

S Olvere dodrantem nuper tibi , Quincte , volebat
Lippus Hylas : luscus vult dare dimidium.
Accipe quamprimùm : brevis est occasio lucri.
Si fuerit cæcus , nil tibi solvet Hylas.

X.

De Basso.

E Mit lacernas millibus decem Bassus
Tyrias coloris optimi ; lucrifecit.
Adèd bene emit , inquis , immò non solvit.

XI.

Ad Cæsarem.

P Ervenisse tuum jam te scit Rhenus in urbem :
Nam populi voces audit & ille tui.
Sarmaticas etiam gentes , Istrumque , Getasque
Lætitiæ clamor terruit ipse novæ.
Dum te longa sacro venerantur gaudia Circo ,
Nemo quater missos currere sensit equos.
Nullum Roma ducem , nec te sic , Cæsar , amavit ;
Te quoque jam non plus , ut velit ipsa , potest.

S.

XII.

Ad Priscum.

UXorem quare locupletem ducere nolim ;
 Queritis ? Uxori nubere nolo meæ.
 Inferior matrona suo sit , Prisce , marito :
 Non aliter fiunt formina virque pares..

XIII.

Ad Gargilianum.

Morio dictus erat : viginti millibus emi ;
 Redde mihi nummos , Gargiliane : sapit.

XIV.

In crudelē amicum.

Pallida ne Cilicum timeant pomaria brumam ,
 Mordeat & tenerum fortior aura nemus ;
 Hibernis objecta notis specularia puros
 Admittunt soles , & sine fœde diem.
 At mihi cella datur non totâ clausa fenestrâ ,
 In quâ nec Boreas ipse manere velit.
 Sic habitare jubes veterem crudelis amicum ?
 Arboris ergo tuæ tutior hospes ero.

XV.

Ad Cæsarem.

Dum nova Pannonici numeratur gloria belli ,
 Omnis & ad reducem dum litat ara Jovem ;
 Dat populus , dat gratus eques , dat thura Senatus ,
 Et ditant Latias tertia dona tribus.
 Hos quoque secretos memorabit Roma triumphos ,
 Nec minor ista tuæ laurea pacis erit ,
 Quod tibi de sanctâ credis pietate tuorum..
 Principis est virtus maxima , nosse suos.

XVI.

In Cipereum.

Pistor qui fueras diu, Cipere,
 Nunc causas agis, & ducenta queris;
 Sed consumis, & usque mutuaris.
 A pistore, Cipere, non recedis;
 Et panem facis, & facis farinam.

XVII.

Ad Sextum.

Egi, Sexte, tuam pactus duo millia causam:
 Misisti nummos quot mihi? mille: quid est?
 Narrasti nihil, inquis, & à te perdita causa est:
 Tantò plus debes, Sexte, quòd erubui.

XVIII.

Ad Cirinium.

Si tua, Cirini, promas epigrammata vulgo,
 Vel mecum possis, vel prior ipse legi:
 Sed tibi tantus inest veteris respectus amici,
 Carior ut mea sit, quàm tua fama tibi.
 Sic Maro nec Calabri tentavit carmina Flacci,
 Pindaricos posset cum superare modos;
 Et Vario cessit Romani laude cothurni,
 Cum posset tragico fortius ore loqui.
 Aurum, & opes, & rura frequens donabit amicus:
 Qui velit ingenio cedere, rarus erit.

XIX.

De Cinna.

Pauper videri Cinna vult; & est pauper.
 S ij;

X X.

Ad Vagum.

Cum facias versus nullâ non luce ducenos;
Vare, nihil recitas: non sapias, atque sapias.

X X I.

In adventum Caesaris.

Phosphore, redde diem: quid gaudia nostra
moraris?

Cæsare venturo, Phosphore, redde diem.

oma rogat. Placidi numquid te pigra Bootæ

Plaustra vehunt, lento quòd nimis igne venis?

Ledæo poteras abducere Cyllaron astro:

Ipse suo cedit nunc tibi Castor equo.

Quid cupidum Titana tenes? jam Xanthus & Æthon.

Frena volunt: vigilat Memnonis alma parens.

Tarda tamen nitidæ non cedunt sidera luci,

Et cupit Ausonium Luna videre Ducem.

Jam, Cæsar, vel nocte veni: stent astra licebit;

Non deerit populo te veniente dies.

X X I I.

In Gallicum.

Invitas ad aprum; ponis mihi, Gallice, porcum;
Hybrida sum, & das, Gallice, verba mihi.

X X I I I.

Ad Rusticum.

Esse tibi videor sævus, nimiumque gulosus,
Qui propter cœnam, Rustice, cædo cocum?
Si levis ista tibi flagrorum causa videtur,
Ex quâ vis causâ vapulet ergo cocus?

XXIV.

Ad Cæsarem.

SI quid fortè petam timido gracillique libello,
 Improbà non fuerit si mea charta, dato.
 Et si non dederis, Cæsar, permitte rogari:
 Offendunt nunquam thura, precesque Jovem.
 Qui fingit sacros auro, vel marmore vultus,
 Non facit ille deos: qui rogat, ille facit.

XXV.

In Oppianum.

Vidisti semel, Oppiane, tantùm
 Ægrum me male: sæpe te videbo.

XXVI.

Ad Cæsarem Domitianum.

Non tot in Eois timuit Gangeticus arvis
 Raptor, in Hyrcano qui fugit albus equos;
 Quot tua Roma novas vidit, Germanice, tigres:
 Delitias potuit nec numerare suas.
 Vincit Erithræos tua, Cæsar, arena triumphos,
 Et victoris opes divitiasque dei.
 Nam cùm captivos ageret sub curribus Indos,
 Contentus geminâ tigride Bacchus erat.

XXVII.

Ad Gaurrum.

Munera qui tibi dat locupletè, Gaure, senique,
 Si sapias, & sentis, hic tibi ait: morere.

XXVIII.

De togâ sibi à Parthenio donatâ.

Dic, toga, facundi gratum mihi munus amici,
 Esse velis cujus fama, decusque gregis?
 Appula Ledæi tibi floruit herba Phalanti,
 Qua saturat Calabris culta Galesus aquis.

An Tarressiacus stabuli nutritor Iberi

Bætis in Hesperia te quoque lavit aqua?

An tua multifidum numeravit lana Timavum,

Quem pius astrifero Cyllarus ore bibit?

Te nec Amiclæo decuit vivere veneno;

Nec Milæus erat vellere digna tuo.

Lilia tu vincis, nec adhuc delapsa ligustra,

Et Tiburtino monte quod albet ebur.

Spartanus tibi cedit olor, Paphiæque columbæ;

Cedet Erythræis eruta gemma vadis.

Sed licet hæc primis nivibus sint æmula dona,

Non sunt Parthenio candidiora suo.

Non ego prætulero Babylonica picta superbe

Texta, Semiramia quæ variantur acu.

Non Arhamanteo potius me mirer in auro;

Æolium dones si mihi, Phrixæ, pecus.

Quantos risus pariter spectata movebit

Cum Pallatina nostra lacerna toga!

X X I X.

De distichis.

Disticha qui scribit, puto, vult brevitate placere.
Quid prodest brevis, dic mihi, si liber est?

X X X.

De spectaculo Scævola.

Qui nunc Cæsareæ lusus spectatur arenæ,
Temporibus Bruti gloria summa fuit.

Adspicis, ut teneat flammæ, pœnæque fruatur

Fortis & attonito regnet in igne manus!

Ipse sui spectator adest, & nobile dextræ

Funus amat: totis pascitur illa sacris:

Quod nisi rapta foret nolenti pœna, parabat

Sævior in lassos ire sinistra focos.

Scire piget, post tale decus: quid fecerit antè:

Quam vidi, satis est hanc mihi nosse manum.

XXXI.

In Dentonem.

Nescio quid de te non bellè, Dento, fateris;
 Conjuge qui ductâ jura paterna petis.
 Sed jam supplicibus Dominum lassare libellis
 Desine, & in patriam serus ab urbe redi.
 Nam dum tu longè desertâ uxore, diuque
 Tres quæris natos, quattuor invenies.

XXXII.

De columbâ Aretullæ.

Ara per tacitum delapsa sedentis in ipsos
 Fluxit Aretullæ blanda columba sinus:
 Luserat hoc casus nisi inobservata maneret,
 Permissâque diu nollet abire fugâ.
 Si meliora piæ fas est sperare sorori,
 Et dominum mundi flectere vota valent
 Hæc à Sardois tibi forsitan exfulis oris,
 Fratre reversuro, nuncia venit avis.

XXXIII.

Ad Paullum, de phialâ.

DE Prætoriciâ folium mihi, Paulle, coronâ
 Mittis, & hoc phialæ nomen habere jubes.
 Hac fuerat nuper nebulâ tibi pegma perunctum,
 Pallida quam rubri diluit unda croci.
 An magis astuti derafa est ungue ministri
 Bractea, de fulcro (quod reor esse) tuo?
 Illa potest culicem longe sentire volantem,
 Et minimi penna papilionis agi.
 Exiguæ volitat suspensa vapore lucernæ;
 Et leviter fuso rumpitur icta-mero.
 Hoc linitur sputo Jani caryota Kalendis,
 Quam fert cum parvo sordidus asse cliens:
 Lenta minus gracili crescunt colocasia filo.

Plena magis nimio lilia sole cadunt.
 Nec vaga tam tenui discursat aranea tela :
 Tam leve nec bombix pendulus urget opus.
 Crassior in facie vetulæ stat creta Fabullæ :
 Crassior offensæ bulla tumescit aquæ.
 Fortior & tortos servat vesica capillos,
 Et mutat Latias spuma Batava comas.
 Hac cute Ledæo vestitur pullus in ovo :
 Talia lunatâ splenia fronte sedent.
 Quid tibi cum phialâ , ligulam cum mittere posses ?
 Mittere cum posses vel cochleare mihi ?
 Magna nimis loquimur , cochleam cum mittere
 posses ?
 Denique cum posses mittere , Pause , nihil ?

X X X I V.

In Jactatorem.

Archetypum Myos argentum te dicis habere.
 Quod sine te factum est , hoc magis archeti-
 pum est.

X X X V.

In pessimos conjuges.

Cum sitis similes , paresque vita ,
 Uxor pessima , pessimus maritus :
 Miror , non bene convenire vobis.

X X X V I.

Ad Augustum Cæsarem.

Regia pyramidum , Cæsar , miracula ride :
 Jam tacet Eoum barbara Memphis opus.
 Pars quota Parrhasiæ labor est Marcoticus aula ?
 Clarius in toto nil videt orbe dies.
 Septenos pariter credas assurgere montes :
 Thessalicum brevior Pelion Ossa tulit.
 Æthera sic intrat , nitidis ut conditus astris
 Inferiore tonet nube serenus apex ;

Et

Et prius arcano satiatur lumine Phorbi,
Nascentis Circe quàm videt ora patris.
Hæc, Auguste, tamen, quæ vertice sidera pulsat,
Par domus est cœlo: sed minor est domino.

XXXVI.

Ad Polycarum.

Quod Cajetano reddis, Polycarme, tabellas,
Millia te centum num tribuisse putas?
Debit hæc, inquis: tibi habe, Polycarme, tabellas,
Et Cajetano millia crede duo.

XXXVII.

Ad Meliorem.

Qui præstat pietate pertinaci
Sensuro bona liberalitatis,
Captet fortitan, aut vicem reposcat:
At si quis dare nomini relicto
Post Manes, tumulumque perseverat,
Quærit quid, nisi parcius dolere?
Refert sis bonus, an velis videri.
Præstas hoc, Melior, sciente fama,
Qui solennibus anxius sepulci
Nomen non finis interire Blæsi;
Et de munifica profusus arca
Ad natalitium diem colendum,
Scribarum memori piæque turbæ
Quod donas, facis ipse Blæsianum.
Hoc longum, tibi vita dum manebit,
Hoc & post cineres erit tributum.

XXXIX.

Ad Domitianum.

Qui Pallatinæ caperet convivia mensæ,
Ambrosiasque dapes, non erat antè locus.
Hic haurire decet sacrum, Germanice, nectar,

T

Et Ganymedeâ pocula mixta manu.
 Esse velis, oro, serus conviva Tonantis,
 At tu si properas Jupiter, ipse veni.

X L.

Ad Priapum.

Non horri, neque palmitis beati,
 Sed rari nemoris, Priape, custos,
 Ex quo natus es, & potes renasci,
 Furaces, moneo, manus repellas,
 Et silvam domini focis reserves.
 Si defecerit hæc, & ipse lignum es.

X L I,

Ad Faustinum,

Tristis Athenagoras non misit munera nobis,
 Quæ medio brumæ mittere mense solet.
 An sit Athenagoras tristis, Faustine, videbo:
 Me certè tristem fecit Athenagoras.

X L I I.

Ad Mathonem.

Si te sportula major ad beatos
 Non corruerit, ut solet: licet hæc
 De nostro, Matho, centies laveris.

X L I I I.

In Fabium & Chrestillam,

Effert uxores Fabius, Chrestilla maritos,
 Funereamque toris quassat uterque facem.
 Victores committe, Venus: quos iste manebit
 Exire, una duos ut Libitina ferat,

XLIV.

Ad Titulum.

Titulle, moneo, vive semper, hoc serum est
 Sub Pædagogico corperis licet, serum est.
 At tu, miser Titulle, nec senex vivis;
 Sed omne limen conteris saluator,
 Et manè sudas urbis osculis udus,
 Foroque triplici sparsus ante equos omneis,
 Ademque Martis, & Colossos Augusti,
 Curris per omnes tertiasque, quintasque.
 Rape, congere, aufer, posside: relinquendum est:
 Superba dentis arca pallescat nummis,
 Centum explicentur paginae Kalendarum:
 Jurabit hæres, te nihil reliquisse,
 Supraque pluteum te jacente, vel saxum,
 Fartus papyro dum tibi torus crescit,
 Flentes superbus basiabit eunuchos;
 Tuoque tristis filius, velis nolis,
 Cum concubino nocte dormiet primâ.

XLV.

Ad Flaccum, de reditu Priſci Terentii.

Priſcus ab Ænæis mihi, Flacce, Terentius orſa
 Redditur: hanc lucem lactea gemma notet.
 Deſſuat, & lento ſplendeſcat turbida lino
 Amphora centeno Conſule facta minor.
 Continget nox quando meis tum candida menſis?
 Tam juſto dabitur quando calere mero?
 Cum te, Flacce, mihi reddet Cythereia Cypros,
 Luxuriæ fiet tam bona cauſſa meæ.

XLVI.

Ad Ceſtum puerum.

Quanta tua eſt probitas, quanta eſt infantia
 formæ,
 Ceſte puer, puero caſtior Hyppolito!

T ij

Te secum Diana velit, Dorosque natæ:

Te Cybele totum mallet habere Phryga.

Tu Ganymedeo poteras succedere lecto,

Sed durus domino basia sola dares:

Felix quæ tenerum vexabit sponsa maritum,

Et quæ te faciet prima puella virum!

X L V I I.

In variè se tondentem.

PArs maxillarum tonsa est tibi, pars tibi rafa est;
Pars vulsa est: unum quis putet esse caput?

X L V I I I.

De abulla. Crispini.

Nescit cui dederit Tyriam Crispinus abollam,
Dum mutat cultus, induiturque togam.

Quisquis habes, humeris sua munera redde, precamur:

Non hoc Crispinus, te sed abolla rogat.

Non quicumque capit saturatas murice vestes;

Nec nisi deliciis convenit iste color.

Si te præda juvat foedique infania lucri,

Quâ possis melius fallere, sume togam.

X L I X.

De Aspro.

Formosam planè, sed cæcus, diligit Asper.

Plus ergo, ut res est, quam videt Asper amat.

L.

Ad Cæsarem.

Quanta Gigantei memoratur mensa triumphæ,
Quantaque nox superis omnibus illa fuit;

Quâ bonus accubuit genitor cum plebe deorum,

Et licuit Faunis pascere vina Jovem:

Tanta tuas, Cæsar, celebrant convivia laurus;

Exhilarant ipsos gaudia nostra deos.
 Vescitur omnis eques tecum, populusque, patresque;
 Et capit ambrosias cum duce Roma dapes.
 Grandia pollicitus, quantò majora dedisti!
 Promissa est nobis sportula, recta data est.

L I.

De Instantii Rufi phiala.

Quis labor in phialâ? docti Myos, anne Myronis?
 Mentoris hæc manus est, au, Polyclete, tua?
 Livefcit nullâ caligine fusca, nec odit.
 Exploratores nubila massa focos.
 Vera minds flavo radiant electra metallo;
 Et niveum felix pustula vincit ebur.
 Materiæ non cedit opus: sic alligat orbem,
 Plurima cum totâ lampade Luna nitet.
 Stat caper Æolio Thebani vellere Phrixi
 Cultus: ab hoc mallet vecta fuisse soror.
 Hunc nec Cinyphius tonsor violaverit, & tu
 Ipse tuâ pasci vite, Lyæ, velis.
 Terga premit pecoris geminis Amor aureus alis:
 Palladius tenero lotos ab ore sonat.
 Sic Methymæo gavissus Arione delphin
 Languida non tacitum per freta vexit onus.
 Imbuat egregium digno mihi nectare munus
 Non grege de domini, sed tua, Ceste, manus;
 Ceste decus mensæ, misce Serima: videtur
 Ipse puer nobis, ipse sitire caper:
 Det numerum cyathis Instanti littera Rufi:
 Auctor, enim tanti muneris ille mihi.
 Si Telethusa venit, promissaque gaudia portat;
 Servabor dominæ, Rufe, triente tuo.
 Si dubia est, septunce trahar: si fallit amantem,
 Ut jugulem curas nomen utrumque bibam.

T ii}

L I I.

Ad Cedicianum.

T Onforem puerum , sed arte talem ,
 Qualis nec Thalamus fuit Neronis ,
 Drusorum cui contigere barbæ ,
 Equandas semel in genas rogatus ,
 Rufo , Cediciane , commodavi.
 Dum iussus repetit pilos eisdem ,
 Censura speculi manum regente ;
 Expingitque cutem , facitque longam
 Detonsis epaphæresim capillis ,
 Barbatus mihi tonsor est reversus.

L I I I.

In Catullam.

F Ormosissima quæ fuere , vel sunt ,
 Sed vilissima quæ fuere , vel sunt.
 O quàm te fieri ; Catulla , vellem
 Formosam minùs , aut magis pudicam !

L I V.

Ad Cæsarem.

M Agna licet toties tribuas , majora daturus
 Dona , ducum victor , victor & ipse tui ,
 Diligeris populo non propter præmia , Cæsar ;
 Propter te populus præmia , Cæsar , amat.

L V.

Ad eundem , de leone.

A Uditur quantum Massyla per avia murmur ,
 Innumero quoties silva leone furit ;
 Pallidus attonitos ad Perna mapalia pastor
 Cùm revocat tauros , & sine mente pecus :
 Tantus in Ausoniâ fremuit modò terror arenâ.
 Quis non esse gregem crederet ? unus erat.
 Sed cujus tremere ipsi quoque jura leones ,

Cui diadema daret marmore picta Nomas.
 O quantum per colla decus, quem sparsit honorem,
 Aurea lunatæ cum stetit unda jubæ!
 Grandia quàm decuit latum venabula pectus,
 Quantaque de magnâ gaudia morte tulit!
 Unde tuis, Libye, tam felix gloria filvis?
 A Cybeles numquid venerat ille iugis?
 An magis Herculeo, Germanice, misit ab astro
 Hanc tibi vel frater, vel pater ipse, feram?

L V I.

Ad Flaccum.

Temporibus nostris ætas cum cedat avorum,
 Creverit & major cum duce Roma suo:
 Ingenium sacri miraris abesse Maronis,
 Nec quemquam tantâ bella sonare tubâ,
 Sint Mæcenates, non deerunt, Flacce, Marones;
 Virgiliūque tibi vel tua rura dabunt.
 Jugera perdididerat miseræ vicina Cremonæ,
 Flebat & abductas Tityrus æger oves:
 Risit Tuscus eques, paupertatemque malignanti
 Reppulit, & celeri iussit abire fugâ.
 Accipe divitias, & vatum maximus esto,
 Tu licet & nostrum, dixit, Alexin ames.
 Adstabat domini mensis pulcherrimus ille,
 Marmoreâ fundens nigra Falerna manu;
 Et libata dabat roseis carchesia labris,
 Quæ poterant ipsum sollicitare Jovem.
 Excidit attonito pinguis Galathea Poëtæ,
 Thestylis & rubras messibus usta genas,
 Protinus Italiam concepit, & ARMA VIRUMQUE,
 Qui modò vix Culicem fleverat ore rudi.
 Quid Varos, Marfosque loquar, ditataque vatum
 Nomina, magnus erit quos numerare labor?
 Ergo ero Virgilius, si munera Mæcenatis
 Des mihi? Virgilius non ero, Marsus eros.

F iv

E V I I.

De Picente.

Treis habuit dentes, pariter quos expuit omnes,
 Ad rumulum Picens dum sedet ipse suum,
 Collegitque sinu fragmenta novissima laxi
 Oris, & aggestâ contumulavit humo.
 Ossa licet quondam defuncti non legat hæres :
 Hoc sibi jam Picens præstitit officium.

L V I I I.

In Artemidorum.

Cum tibi tam crassæ sint, Artemidore, lacernæ;
 Possim te Sagarim jure vocare meum.

L I X.

In furem luscum.

Adspicis hunc uno contentum lumine, cujus
 Lippa sub attritâ fronte lacuna patet?
 Ne contemne caput; nihil est furacius illo;
 Non fuit Autolyçi tam piperata manus.
 Hunc tamen convivam cautus servare memento:
 Tunc furit, atque osculo luscus utroque videt.
 Pocula solliciti perdunt ligulasque ministri,
 Et latet in tepido plurima mappa sinu.
 Lapsa nec à cubito subducere pallia nescit,
 Et tectus lenis sæpe duabus abit,
 Nec dormitantem vernam fraudare lacernâ
 Erubuit fallax, ardeat illa licet.
 Si nihil invasit; puerum tunc arte dolosâ
 Circuit, & soleas surripit ipse suas.

L X.

In Claudiam.

Summa Palatini poteras aquare Colossi,
 Si serces brevior, Claudia, sesquipedem.

L X I.

Ad Severum, de Charino.

Livet Charinus, rumpitur, furit, plorat,
 Et querit altos, unde pendeat, ramos.
 Non jam quod orbe cantor & legor toto;
 Nec umbilicis quod decorus & cedro
 Spargor per omnes, Roma quas tenet, gentes:
 Sed quod sub urbe rus habemus æstivum,
 Vehimurque nullis, non ut antè, conductis.
 Quid imprecabor, ô Severe, liventi?
 Hoc opto: mulas habeat, & suburbanum.

L X I I.

De Picento.

Scribit in aversâ Picens epigrammata chartâ;
 Et dolet, averso quod facit illa deo.

L X I I I.

De Aulo.

Thestylon Aulus amat; sed nec minus ardet
 Alexin:
 Fortitan & nostrum sic Hyacinthon amat.
 I nunc, & dubita, vates an diligat ipsos,
 Delicias vatum cum meus Aulus amet.

L X I V.

In Clytum.

UT poscas, Clytè, munus, exigasque,
 Quo nasceris octies in anno;
 Et solas puto, treisve, quattuorve
 Non natalitias habes Kalendas.
 Sit vultus tibi lævior licebit
 Tritis littoris aridi lapillis;
 Sit moro coma nigrior caduco;
 Vincas mollitie tremante plumas,
 Aut massam modò lactis alligati;

Et talis tumor excitet papillas ,
 Quales cruda viro puella servat :
 Tu nobis , Clyte , jam senex videris.
 Tam multos quis enim fuisse credat
 Natales Priamive , Nestorisve ?
 Sit tandem pudor , & modus rapinis.
 Quodd si ludis adhuc , femelque nasei
 Uno jam tibi non sat est in anno ;
 Natum te , Clyte , nec semel putabo.

L X V.

Ad Domitianum.

Hic ubi Fortunæ Reducis fulgentia latè
 Templâ nitent , felix arca nuper erat :
 Hic stetit Arctoi formosus pulvere belli
 Purpureum fundens Cæsar ab ore jubar :
 Hic lauro redimita comas , & candida cultus
 Roma salutavit voce manuque Ducem.
 Grande loci meritum testantur & altera dona :
 Stat facer , & domitis gentibus arcus ovat.
 Hic gemini currus numerant elephanta frequentem :
 Sufficit immensus aureus ipse jugis.
 Hæc est digna tuis , Germanice , porta triumphis :
 Hos aditus urbem Martis habere decet.

L X V I.

De Silii Consulatu.

Augusto pia thura , victimasque
 Pro nostro date Silio , Camœnæ.
 Bis senos jubet en redire fasces
 Nato Consule , nobilique virgâ
 Vatis Castaliæ domum sonare.
 Rerum prima salus & una Cæsar ,
 Gaudenti superest adhuc quod optet
 Felix purpura , tertiusque Consul.
 Pompejo dederit licet Senatus ,

Et Cæsar genero sacros honores:
Quorum pacificus ter ampliavit
Janus nomina, Silius frequentes
Mævult sic numerare Consulatus.

L X V I I.

In Cæcilianum.

HOras quinque puer nondum tibi nunciat, & tu
Jam conviva mihi, Cæciliane, venis.
Cum modò distulerint raucae vadimonia quartæ,
Et Floralitias lasset arena feras
Curre, age, & illotos revoca, Calliste, ministros:
Sternantur lecti; Cæciliæ, sede.
Caldam poscis aquam; nondum mihi frigida venit:
Alget adhuc nudo clusa culina foco.
Mane veni potius: nam cur te quinta moretur?
Ut jentes serò; Cæciliane, venis.

L X V I I I.

Ad Entellum.

Qui Corcyræi vidit pomaria regis;
Rus, Entelle, tuæ præferat ille domûs.
Invida purpureos urat ne bruma racemos,
Et gelidum Bacchi munera frigus edat;
Condita perspicuâ vivit vindemia gemmâ,
Et regitur felix, nec tamen uva latet.
Fœmineum lucet sic per bombycina corpus;
Calculus in nitidâ sic numeratur aquâ.
Quid non ingenio voluit natura licere?
Aurumnum sterilis ferre jubetur hyems.

L X I X.

In Vacerram.

MIraris veteres, Vacerra, solos,
Nec laudas nisi mortuos Poëtas.
Ignosceas petimus, Vacerra: tanti
Non est, ut placeam tibi, perire.

L X X.

De Nerva.

Quanta quies, placidi tanta est facundia Nervæ;
 Sed cohibet vires ingeniumque pudor.
 Cum siccare sacram largo Permessida posset
 Ore, verecundam maluit esse sitim:
 Pieriam tenui frontem redimire coronâ
 Contentus, famæ nec dare vela suæ.
 Sed ramen hunc nostri scit temporis esse Tibullum,
 Carmina qui docti nota Neronis habet.

L X X I.

In Posthumianum.

Quattuor argenti libras mihi tempore brumæ
 Misisti antè annos, Posthumiane, decem.
 Speranti plures (nam stare, aut crescere debent
 Munera) venerunt plusve, minusve duæ.
 Tertius, & quartus multò inferiora tulerunt.
 Libra fuit quinto Septiciana: quid est?
 Bessalem ad scutulam sexto pervenimus anno:
 Post hunc in cotula rasa selibra data est.
 Octavus ligulam misit sextante minorem:
 Nonus acu levius vix cochleare tulit.
 Quod mittat nobis decimus jam non habet annus:
 Quattuor ad libras, Posthumiane, redi.

L X X I I.

Ad Librum suum.

Nondum murice cultus, asperoque
 Morfu pumicis aridi politus,
 Artanum properas sequi, libelle:
 Quem palcherrima jam redire Narbo,
 Docti paterna Narbo Votieni,
 Ad leges jubet, annuosque fasces:
 Votis quod paribus tibi petendum est.

Contingeret locus ille, & hic amicus.
Quàm vellem fieri meus libellus!

L X X I I I.

Ad Infantium.

INstanti, quo nec sincerior alter habetur
Pectore, nec niveâ simplicitate prior:
Si dare vis nostræ vires animoque Thalæ,
Et victura petis carmina; da, quod amem.
Cynthia te vatem fecit, lascive Properti:
Ingenium Galli pulchra Lycoris erat.
Fama est arguti Nemesis formosa Tibulli;
Lesbia dictavit, docte Catulle, tibi.
Non me Peligni, nec spernet Mantua vatem,
Si qua Corinna mihi, si quis Alexis erit.

L X X I V.

In malum medicum.

Hoplomachus nunc es; fueras opthalmicus antè:
Fecisti medicus, quod facis hoplomachus.

L X X V.

De Gallo Lingono.

DUm repetit serâ conductos nocte Penates
Lingonus à Tecta Flaminiaque recens;
Depulit offenso vitiatum pollice talum,
Et jacuit toto corpore fusus humi.
Quid faceret Gallus, quâ se ratione moveret?
Ingenti domino servulus unus erat,
Tam macer, ut minimam posset vix ferre lacernam;
Succurrit misero casus, opemque tulit.
Quattuor inscripti portabant vile cadaver,
Accipit infelix qualia mille rogos.
Hos comes invalidus submissâ voce precatur,
Ut quòcunque velint corpus inane ferant,
Permutetur onus; stipatâque tollitur alq̃

Grandis in angusta sarcina sandapila.
Hic mihi de multis unus, Lucane, videtur,
Cui meritò dici, mortue Galle, potest.

L X X V I.

In Gallicum.

Dic verum mihi, Marce, dic amabo;
Nil est, quòd magis audiam libenter:
Sic & cùm recitas tuos libellos,
Et causam quoties agis clientis,
Oras, Gallice, me rogasque semper.
Durum est me tibi, quod petis, negare.
Vero verius ergo quid sit, audi:
Verum, Gallice, non libenter audis.

L X X V I I.

Ad Liberum.

Liber amicorum dulcissima cura tuorum;
Liber in æternâ vivere digne rosâ:
Si sapis, Assyriâ semper tibi crinis amomo
Splendeat, & cingant florea sarta caput.
Candida nigrescant vetulo crysalla Falerno,
Et caleat blando mollis amorè torus.
Qui sic vel medio finitus vixit in ævo,
Longior huic facta est, quàm data vita fuit.

L X X V I I I.

De ludis Stella.

Quos cuperet Phlegrea suos victoria ludos,
Indica quos cuperet pompa, Lyze, tuos:
Fecit Hyperborei celebrator Stella triumphî:
O pudor! ô pietas! & putat esse parum.
Non illi satis est turbato sordidus auro
Hermus, & Hesperio qui sonat orbe Tagus.
Omnis habet sua dona dies, nec linea dives
Cessat; & in populum multa rapina cadit.
Nunc veniunt subitis lasciiva numismata nimbis:

Nunc dat spectatas tessera larga feras.

Nunc implere sinus securos gaudet, & absens

Sortitur dominos, ne laceretur, avis.

Quid numerem curus, ter denaque præmia palmæ,

Quæ dare non semper Consul uterque solet?

Omnia sed, Cæsar, tanto superantur honore,

Quod spectatorem te tua laurus habet.

L X X I X.

In Fabullam.

OMnes aut vetulas habes amicas,
Aut turpes, vetulisque fordiores,

Has ducis comites, trahisque tecum

Per convivia, porticus, theatra.

Sic formosa, Fabulla, sic puella es.

L X X X.

Ad Domitianum.

Sanctorum nobis miracula reddis avorum,
Nec pateris, Cæsar, sæcula cana mori:

Cum veteres Latine ritus renoventur arenæ,

Et pugnet virtus simpliciore manu.

Sic prisca servatur honos te præside templis,

Et casa tam culto sub Jove nomen habet.

Sic nova dum condis, revocas, Auguste, priora;

Debentur quæ sunt, quæque fuere, tibi.

L X X X I.

De Gellia.

Non per mystica sacra Dindymenes,
Nec per Niliacæ bovem juvençæ,

Nullos denique per deos, deasque

Jurat Gellia; sed per uniones.

Hos amplectitur, hos perosculatur:

Hos fratres vocat, hos vocat sorores:

Hos natis amat acrius duobus.

His si quo careat miscella casu,

Victuram negat esse se nec horam.
 Eheu, quàm bene nunc, Papiriane,
 Annæi faceret manus Sereni!

L X X X I I.

Ad Domitianum.

DAnçe tibi turbâ querulos, Auguste, libellos,
 Nos quoque quòd Domino carmina parva
 damus;
 Posse Deum rebus pariter, Musisque vacare
 Scimus; & hæc etiam ferta placere tibi,
 Fer vates, Auguste, tuos: nos gloria dulcis,
 Nos tua cura prior, delitiæque sumus.
 Non quercus te sola decet, nec laurea Phœbi:
 Fiaꝛ & ex edefâ civica nostra tibi.







